

S P E A K E R : Pathianin mi duhsak bik a nei lo tih dik takin ka hria e; nimahsela hnam rin zing-ah tupawh amah tih a fel taka ti apiang a lawmzawng mi an ni thin.

Tirhkohte 10 ; 34-35

Zawhna kan la nghal anga, starred question 61-na zawt turin Pu Sailothanga Sailo i lo sawm ang.

PU SAILOTHANGA SAILO : Pu Speaker, Starred Question no 61 zawhna National Building Construction Corporation (NBCC) in Central pawisa Mizoram chhunga an hnathawh ang hi Central a Fund dang lokal ang bawh in State sorkar Department thawh tura pek tumna a awm em ? tih ka zawt e.

S P E A K E R : A chhang turin Chief Minister zahawm tak Pu Zoramthanga ilo sawm ang u.

PU ZORAMTHANGA CHIEF MINISTER : Pu Speaker, kan Member zahawm tak Pu Sailothanga Sailo zawhna chhanna chu. Awm e. NBCC. In Central pawisa hmanga Mizoram chhunga thawh te chu Building Construction te, Road Construction te hi an ni a. Chutiang an hna chu State sorkar pawh in Department thawh turin pek mek a ni a. Tin, pek zel pawh tum a ni a. Heng hi state Department pawn an thawk zel e.

PU SAILOTHANGA SAILO : Pu Speaker, zawh belhna leh hriat ve atan, kan state Development atana hnathawh tur NBCC kuta pek a nih dawn khan Mizoram sorkar nen MOU ziahsa in a nei em ? Nei se, chu in remna chu eng ang nge ? quality Control leh hna endik ah Mizoram Sorkar in eng chen nge mawh a phurh ? Pahnihna ah chuan Ministry of Urban development an kova ti a. Alleviation atanga pawisa lo kal te hi state

sorkar in kan tum ve tur counterpart funding kan tum ve theih loh avangin NBCC thawh tir mai ni a sawi hi a dik em? Pathumna, NBCC te kawng siam nana an lung hman hi a thalo hle a sawi a ni a. Hei hi sorkar in a hriatpui em? Palina NBCC te hian nodal-department ah LAD aiah PWD te hi sorkar-in hman tumna a nei em? tih leh NBCC proposal te hi engvangin nge PWD proposal aia sanction hmasak a nih thin? A tawp ber atan NBCC te insak thin hi an mahni duhdan anga sa lovin a luahtu tur te duh dan anga sak tir theih a ni em? tih ho hi ka zawt e.

PU ANDREW LALHERLIANA : Pu Speaker, ka lawm e. NBCC chung-changah hian zawh belh duh lawk ka nei a. Hei khawpui ah te kawng an siam a An siam na kawngah te khan PHE.

Pipe chhe palh thei thin a ni. Hemi hi mawh kan phur lo an tih thin avangin tlaklam ah pawh khuan harsatna kan nei a. Engemaw unforeseen-a thil lo awm palh lo chhia awm te, hetiang hi a lai tute corporation berin mawh an phurh tak si loh hian hemi department nei tute khan sanction an neih thin loh avangin a buai thin niin a lang a.

Pu Speaker, a sanction an neih thin loh avangin a buai thin niin a lang tlat mai a, department thenkhat dang pawn Complain na tawngka ngeiin ka dawnga. Chuvang chuan hetiang lo hian mawhphur tu awm a siam dan hi a awm lo maw? NBCC tak anih loh pawhin engtin emaw sorkar hian an tih dawn hian chumi anih loh chuan a khawtlangah harsatnate kan tawk thei thin a. A dik takin Pipe Line Water Supply te an tihchhiat te hian a buaithlak ta thin a ni, khulaiah pawh khuan chutiang chiah chuan kan buaina anih avang khan, hei khawngaih takin sorkar hian helai a chhia siamna tur hi a sorkarin an siam anih loh pawn hemi a Corporation hian bill ah te emaw estimate ah emaw tel ve dan tura hmalak dan a awm lo maw tih ka'n zawt duh a ni.

PU ZORAMTHANGA CHIEF MINISTER : Pu Speaker, kan member zahawm tak Pu Sailothanga zawhna kha ka ziak kim hman em ka hre lova a kimloh leh nakinah min remind leh sela. Hei NBCC-ina hna an thawh dan tlangpui chu Project kan neih kan duh Mizoram sorkarin department Concerned te pawh ani anga khami kan mawh kan project neih duh a kha an han identify ta a. Chu chu kan duh dan ang kha a concept a kha kan siam bawk a, chumi kan han siamah chuan hetiang hi kan duh a, kan mamawh a, a lehlam chu chutiang chu nise, tin a Concept-a kha users sorkar-in kan requirement

tlangpui a kha kan han sawi a. Tichuan a pawisa lo kalna tur a kha tuna kan tih a chu a tlangpui thu ina an chan hi chu Urban development hi a ni bik a. Anni Central Public Sector Undertaking annih avangin, Sorkar agency annih avangin an in relation ah khan hmanrua a an hman anih avangin anni kaltlanga project min siam saka min thawh sak khan a chak bik a. Chumi avang chuanin NBCC. te kha kan han pe ta a, kan In sak, kan kawng siam, chu chu kan mamawh a ni tiin. Tichuan a project report an han siam ta a, khami a kan mamawhna kha Mizoram sorkar-in hetah urban development a ni emaw, a Concerned Ministry-ah khan chumi a project siam chu kan thehthla ta a.

Tichuan anni in a technical thil leh clear ngai a kha an project anih avangin an umzui ta a. Tichuan, chulam in a technical thilah Department Concerned-ah an lo en vek a, an zawhna leh thil dang zawng an chhan fel a an satisfy khan an rawn sanction ta a, pawisa kha Mizoram sorkar ah khan. Chumi an sanction na kan neih a chu NBCC. Khan an thawk ta a, tichuan chumi an thawhna ah chuan keini pawhin anmahni mawh a nih avangin a monitoring pawh kha anmahni tih tur a ni a. Amaherawhchu chuti chung chuan tun hnu ah phei chuan keini pawhin PWD. Lam pawhin monitoring hi theihtawpa puih a, a thalo laia chu kan enpui tur a ni tiin keini pawh kan strick leh zual a, monitor puih pawh kan tum a ni.

Tin, MOU sign kha a hranpa in a awm lova, a project dang ang chiah khan heta tanga keimahnin a Concept a kan pek detail project kan siam khuta a Ministry Concerned nena engkim an satisfy hnu a sanction lo kal ang khan hetah an rawn thawk ta thin a ni. Chu chu a kal dan tlangpui chu a ni a, tin, a tir atanga a kal dan tur leh an thawh tur zawng zawng lo ruahman sak vek tu kan nih avang khan Mizoram sorkar kha chu mawh kan phur teh meuhva, tin, a neitu kan ni bawk a. Kan satisfy leh satisfy loh pawh kha khatah khan anni pawhin an vengthawng a, keini pawhin direct pawhin kan zuk inrawlh ve tho a ni tih kha kan sawi duh a.

Tin, kan Poverty Alleviation-ah kan counter part funding kan pek theih loh thin avang hian NBCC te hian an thawk em ni tih kha hei hi a nihna chin a awm a. An mahni CPSU chuan tikhan an pe thei mai a counter part funding tello khan NBCC thawh reng reng hi counter part funding kan pe lova, chu chu keini tan a awlsamna a nih avangin Central sorkarin kha kha an rawn kal dan a nih avangin hei hi keini in chawi belh ngai lova sanction leh thil dang engkim an rawn tih awlsamna ah khan kan kalpui a ni reng a ni.

Tin, NBCC te lung hman thalo, hei hi a nihna lai a awm teuhin kan ring a, state dangah phei chuan an complain tamve khawp mai a NBCC hnathawh hi. A chhan chu NBCC hi construction Company tak tak

pawh an nilova, Agency an ni a. Tin, tender an float leh a, tichuan contractor dangin a thawkve leh mai a. An Contractor-ten an tih that loh pheih chuan a tlawlh a han ban te pawh an neive a. Chuvangin, a then pheih chu hei helai hnai lawk a mite pawh suakpak a awmve mial hi. Contractor an thatloh khan kei pawhin kan va complain a, mi pawhin an va complain a. Hetianga thalo te hi keini pawhin kan um zel a. Lung hman thalo laite sawi a awm a, keini pawhin a tha ngei tur a ni tiin NBCC lamah a contractor-te kha titha turin keini pawhin kan nawr a. Anni pawhin an bei mek e tih kha kan chhang leh duh a.

Tin, NBCC proposal hi engatinge PWD aain duhsak a hlawh tih kha chu Central sorkarin an hman lai a nih avang khan Centre Public Sector Undertaking a nih avang khan an lo duh sakin an su chak deuh pawh a ni ang e. PWD lam pawhin kan theih tawpa kan tih hi, duhsak pawh kan hlawh thova, duhsak kan hlawh zawkna laite pawh a awm a. Anni chak deuhna lai leh theih deuhna laite pawh a awm a. Kan theihna leh kan chakna laite pawh a inang vek lova. NBCC-in tlema ba deuh lam i ti mai ang, hemi urban-development lamah chuan an chak deuh bik a. A dangah chuan an chak bik lohna laite pawh a awm a. Kan PWD te pawh an chak zawk na laite pawh a awm ve thova.

Tin, an in sak te hi a luahtute duh dan angin a tih theih em tih kha, tih theih e. Hei hi tuna Housing scheme kan han neih leh pawh hian Type 1 (one) anga an han tih te kha chuan bedroom 1, an mahni Central government-in norms an neia an han sak hian chhungkaw pangngai awm hleih theih loh khawp te a nih avangin tha kan ti lova. Tun achinah chuan bedroom pahnih tal nei a hniam ber pawh a ni tur a ni tiin kei mahnin kan ti a. Chuvangin Type 2 lam atangin in tan tur a ni tih kha tuna an sak leh turah pawh hian khatiang te lutuk chi luah hleih theihloh chuan ti tawh lo turin kan ti a. An project siam pawh khatiang khan an ti e. Keimahni sorkar-in kan duh dan angin kan tih tir a. Kan project angin kan kalpui a ni.

Tin, kan member zahawm tak Pu Andrew-a zawhna kha 'An thil tih chhiat mawh phurtu hi, mawh kan phur lo an tih hi mawh phurtu awm a tha e tih kha engpawh ni sela khami lam kha a mawh phurtu ber chu keimawhni Mizoram sorkar, a neitu kan nih avangin kha kha kan lo en zel ang a. Mahse anni ah hian hemi utility shifting an project-ah hian a tel ta thin lova. Entirnan hetah pipe-in emaw khawi laiah emaw a lo kal tlang thin ta a. Khami han sawi sawn leh na tur leh thil dang ah khan an project-ah a lo tel loh thin avangin hei hi a harsa a ni an ti a. Engpawh nise khami ah khan a tul a nih chuan an project-a telh tur pawhin keini pawhin kan hriat chinah chuan kan lo ti ang a. Thil theih loh hul hual a nilova. Khami kha a tir project ah a lo tel loh pawisa awm silova khatia an tih khan an buai ta thin a. Engpawh nise khatiang awm tur lian anih chuan an project-a telh turin keini pawhin kan lo ti anga. Tin, khami anih loh kha chuan Mizoram sorkar mawh a ni a, keini pawhin a neitu kan nih avangin khalam a kha chu a siamthat dan leh a alternative siamdan chu kan lo ngaihtuah bawh anga.

PU LALDUHOMA : Pu Speaker, hetiang deuh baw World Bank te kan nei a, chung ah te pawh chuan a contractor ten an thawh that loh na na chuan khang Bhagirathi te pawh kha an terminate mai a. A lawmawm khawp mai a. Tuna NBCC ah hian State Sorkar kan inrawlh ve dan kawng a awm kan tih satliah ngawt kha ka duh taw lo deuh a. Entirman, MLA te pawhin kan bial ah building emaw road construction emaw lo awmin a quality lo chhe ta sela, khawiah nge kan va zualko ang tih ah hian kan buai deuh a ni. A nodal agency LAD-ah te kan sawi turah kan ngai lo thei lova. Anni hi khatiang technical thil supervise tur khan an competent em ? Mithiamte khatiang zuk supervise tur khan an nei em ? Heng kan Quality Central Division te zawk hi a hman tangkai theih em ? Chiang deuh hlek in a Monitoring cell, complaint a awm a kan va thlankhawm theihna tur chiang deuh hlek hi a awm thei lawmni, chiang kuang deuh hlek in ? Mipuiten kan zavaia kan hriat tlan tur chutiang chu a awm loh chuan kan hriat tlan tur chutiang chu a awm leh chuan zalen deuh takin supervision awm mang lova hnathawk thin ah hian an in ngai anga, an lo tichhe fe anga, a lo pawh hman fu mai ang tih kha a hlauhawm thin a chiangkuang deuh hlek a khatiang kha a awm leh awm loh ka hre duh a. A awm chiah lo anih chuan a rang lamin ngaihtuah theih a ni em ?

PU LIANSUAMA : Pu Speaker, NBCC hian kan ramah kal-kawng te hmunhma tamtak min siamsak mek a a lawmawm e, heng an zawh huna kumtin enkawl zui a maintenance kan ti ber ang chu Thuampuia Bus Terminal a ni emaw Rangvamual truck Terminal a ni emaw hmun hrang hrang ah hian hnunhma hi an ngah ta khawp a. Hei hi tunge enkawl zui ang. LAD in nge ni anga PWD in nge ni ang, a maintenance cost-a kha NBCC hian a rawn tum zel ang nge kan state sorkar mawh phurhah lutin Department mawh la biktu tur an awm ang em ?

S P E A K E R : Chhang turin Chief Minister ilo sawm leh ang.

**PU ZORAMTHANGA
CHIEF MINISTER** : Pu Speaker, kan member zahawm tak Pu Duhoma zawhna kha a dik khawp a, tunah hian NBCC kha ka sawi ang khan anni pawh contractor ruai ve leh teuh

anih avang khan an inang lo a, a then chu thalo a then chu tha deuh te an lo awm a. A chang chuan an buai ve viau thin a, PWD lamah hian NBCC an hnathawh enpuitu tur hian SE Building Circle, anni hi a incharge ah kan dah a. Chutah chuan thlen duh nei chuan thlen tur a ni a. SE. Building Circle ami hi a lo enkawltu tur te anni.

Tin, khami ah khan han sawi belh ta lawk ila hei chauh hi ni lovin quality control hi a rei tulh tulh a, a pawimawh tulh tulh a keimahni leh keimahni ah pawh a pawimawh zual tulh tulh a, ram kan changkan poh leh kan hna kan duh tha zel a. Hemi ah hian kan quality control hi PWD ah pawh hian Wing hran tawp in nakinah chuan Chief Engineer ho hian an awm a ngai awm mange aw tih ngaihtuahna te pawh kan nei. Hei hi a pawimawh em avangin hei hi tihlen pawh kan tum a. Tuna kan neih SE Building Circle ami pawh hi an in daih lova a tawk lo em em mai a. PWD hmalakna tamtak quality Control enpui an lo ngai a. Department ina an thawh kha enpui an lo ngai a. NBCC te leh world Bank te leh thil dang a lo awm bawk si chuvangin Chief Engineer ho hian a hranpa a tih tham tak tak a awm dawn in kan hria a hei hi kan ngaihtuahna ah pawh a awm mek a ni.

Tin, chulo ah chuan maintenace chungchang kan member zahawm tak Pu Suama zawhna chungchang thu ah khan anni chuan maintenance lam hi an khawih lo a asset min rawn siam sak chin kha a ni a. Tikhan Contractor ah hian an rawn thawk a an sa zo a min handover a khami kha chu Department-ah an rawn tihsak a nih chuan a maintenance chu Department mawh phurh ah a awm a PWD in a maintain zui chi a nih chuan PWD in a maintain ang a.

Tin Transport Department in a asset kha an rochung a nih chuan Transport Department in an maintain zui a ngai bawk ang. Khami thua kan sawi duh chu hetah House ah pawh ka sawi tawh a. Maintenance Culture hi kan puitlin leh kan changkan ang zelin kan ngai pawimawh a, chuvang in a maintenance tur ah hian tuna kan state fund pawh hi ka sawi ang khan asset siamna ah hian kan nei tawk lo em em mai a. Asset siam chu sawi loh a maintain nan hian kan state fund pawh hian a la pha lova PWD hian an kawng neihsa ringawt pawh maintain dawn se vaibelchhe 60 vel a ngai a normal a enkawl tur hian chutah chuan vaibelchhe 10 pawh hi kan dah hlei theilo karah hian India ram state zawng zawng te kan buaina a nih avangin a maintenance kha a Department pawhin an enkawl turah NBCC atanga an lak ah pawh an lo ti theuh a PWD pawhin an chantur kha an maintain zui e tih kha ka chhanna a ni e.

S P E A K E R : Awle starred question 62 na zawt turin Pu H. Rohluna i lo sawm ang.

PU H. ROHLUNA : Pu Speaker, ka starred question no 62 na Horticulture Department changtu Minister zahawm tak chan atan (a) Mizoram Sorkar in Aieng ching turin chhungkaw engzat chiah nge a thlan chhuah? (b) Aieng chi Kg ah engzat innge State pawn leh chhungah sorkar in a lei. (c) Aieng thar chhuah hralhna tur sorkarin a ngaihtuah fel sa em? tih ka zawt e.

PU H. RAMMAWI MINISTER : Pu Speaker, a chhanna (a) Mizoram sorkar Horticulture Department in Aieng ching turin chhungkua thlan bik a nei lova, Aieng ching duh apiang te in report tura tih an ni zawk (b) Aieng chi tur hi state pawn atangin Kg. 1 ah Rs. 16.60. a lei a ni a. State chhung atanga leina chu, Kg 1 Rs. 8.50 a ni a. Hei bakah hian Pu Speaker handling pawisa 50 Kg 1 zelah farmer te inbuatsaih nan pek belh bawk a ni. (c) Aieng tharchhuah hralhna tur hi sorkar-in a ngaihtuah mek a ni tih hi ka chhanna a ni e.

PU H. ROHLUNA : Pu Speaker, zawhbelhna Aieng ching tur in Mizoram a in buatsaih nasa tih chu hriatsa a ni a. Aieng sorkar-in a chi tur hi a tum sak dawn a ni a. Chuvangin sorkar in a encourage tihna a ni a. Chumi a nih chuan eng variety nge a chi ah hian supply a tum? Tin, a variety chi hrang hrang a awm tih a Chiang a, a thente chu sawhthing ang deuh tho a ni a, a fibre Content te pawh a in ang lova a variety chi hrang hrang ah. Tin, a moisture content te pawh a in anglo thei a, tin, Powder a siam turte pawh a lo ni thei a. Pulverise tur te a lo nih chuan, fibre tam hi chu a buaithlak a. Chuvangin a variety hian thui takin mawh a phurh ka ring a, a hralh chhuah leh naah hian chu chu a nih avangin Mizoram bikah chuan an hmuh ang ang te, tuna zoram chhunga awm ang ang te hi an lei tawp tawp

mai niin a hriat a. Aieng bakah Ai chhe chi pawh an lei niin a hriat a. Chutiang chu anih avangin nakinah a hralhna lamah problem lo awm ta sela, Sorkar hian mawh a phur dawn em? A chi kha a Supply-tu anih miau avangin he variety hi kan duhlo tih emaw hralh theihloh lo ni ta sela Sorkar-in mawh a phur dawn em? tin, a leisak dawn em a hralh theihloh lo awm ta se tih ka zawhbelh duh a.

Tin, Aizawl hmuna lei theuh theuh ni hian a lang a. State pawn a mite pawh Aizawl an rawn thlen tho a ni. Chutihlai chuan ram leilung fate ta Rs.8.50 a lei a. State pawn ami Rs. 16.60 a leisak bik hi engnge a awmzia? Helaia kan thar chuah leh pawnlam a mite pawh kha a variety hi a tha deuh bik nge ni a, hetiang zawng a inthlauhna awm ta hi Sorkar-in tha a ti reng em ni tih ka zawhbelh duh bawk a. Tichuan a hralhna tur awm lova heti zat mai mipui kan chin tir tur hi Market chiangsa bawk silo. Sawhthing te pawh loan engemaw zat Sorkar-in a ching duh te hnenah a pe a. Chutiang chuan a tam a, a hlawhchham a ni der a, Sorkar-in loan an lak nate kha rulhsak tur khawpin Sawhthingah harsatna kan nei a, tunah phei chuan hralhna a awmlo zui a ni a, Sorkarin a ngaihtuah bawk silo. Chu chu anih avangin Sawhthinga harsatna kan tawn ang hi Aiengah hian kan tawng leh mai ang tih hi a rinawm a. Chuvangin Sorkarin a hralhna tur hi ngaihtuah chiang hmasa lova heti tak mai a Aieng a buaipui hi thil tha berah a ngai em ni tih ka zawhbelh leh a

S P E A K E R : Pu Zira kha a phar hmasa deuh a, sawm hmasa ila a tha ang e.

PU R. LALZIRLIANA : Pu Speaker, ka lawm e. Aieng chi lei nan hian Pu Speaker, IWDP pawisa Cheng nuai 50 chuang nuai 60 dawn lai hman an tum niin hriat a ni a. IWDP pawisa hi hmun dangah hian hetiang Aieng chi lei nan vel mai mai hian hman theihloh a ni a. An lo hmang lui anih chuan tuten emaw Central lamah an report a, IWDP-ah hian pawisa kan hmu ta meuhlo anih pawhin Sorkar thiamloh ani ang chu tiraw. Tichuan helaiyah hian 94.5 zel mi pakhat hnenah pek tur tih a ni a. Report tur a ni tih chauh mai kha a ni lehngal a, report kha 13000, 14000 vel a ni a. Chumi chu qtl. 5 zel an pek phei chuan a tam hle dawn a ni. Chuvangin, Pu speaker, a chi sem atang hrim hrim pawh hian bituk an neihloh phei chuan mipui an ti beidawng dawn tih hi a chiang em em a ni. Chuvang chuan kan zawhna tak a chu tuna ka lo hriat dan chuan ip nga (5) chhungkaw khatah an pe a. Ip khatah khan Kg. 32-37 vel a awm a. Chutiang chuan qtl. 5-ah an pawm mai dawn em ni? tih kha ka zawt duh a ni.

Chulo lelah chuan Sawhthing hi Aieng nena chi khat a ni a. Kg. 1 Rs. 10/-in in kawtkai ah kan lei ang tiin he Sorkar hotute hian mipui hnenah an tiam a, an vote-an ngen a. Vawiin ni ah hian an la lei lo phawt mai Sawhthing loan kan ngaidam ang che u an ti a an ngaidam rih lova, mipui te hnena dawt sawi ti ila, Pu Speaker, a mawilo anga helai tawng kamah chuan. Mipui te hnena thu dik lo tiam ching te hian tlem a an in tih thawven nan hian Sawhthing loan an pek a kha na ngaidam thei dawn em? tih kan zawt duh a ni. **Pu LALDUHOMA** Aieng chin hi Consultative Committee a kan sawiho a ni a, hei member zahawm tak Pu Zira te ho nena relna a tel kan ni a, kan phur viau a, chutah chuan ram chhung a mi leisak na tur rate eng zatnge ni ang. Tih an la sawi thei lova, a hniam lutuk lovang an tih avangin tha kan ti a. Tunah hian an khua ami an han chova, a lak khawmna tur ah an va hralh a, an phur let leh a, transport cost te nen chuan Rs. 8 per Kg. hi a tling theilo reng reng a, a tlem em a ni a man hi.

Tin, Committee ah khan ram pawn atangin to takin kan lei dawn tih hi sawi rik a awmlo reng reng a. Tin, "A Market hi in chian a, a leina tur Budget Provision in siam ngei dawn bawk chuan kei chu ka phur khawp a, a nih dawn loh chuan ka duh miahlo," tih hi Committee ah khan ka sawi a ni. Kan Chairman in min assured avangin ka phur ve em em a. Tunah a market an la Chiang leh bawk si lo. Kan hralh dawn chuan a leitu tur te chuan Cosmetic-ah nge an hman dawn, damdawi ah nge, eiah nge an hman dawn hriat phawt a ngai a. A leitu turte duh ang variety kha kan chin a ngai a ni min leisak tu tur pawh la hre silova, a awm ang ang kan lo chin ringawt hian kan buai leh dawn tih hi a Chiang em em a. "A leina tur nen Budget ah hian kan dah hrim hrim ang", ti a Committee koh a awm leh tawh si lova kan hriat phak loh thil tam tak hi a lo thleng ta a ni. A variety ber mai hi market based a kan select loh chuan kan buai na tur a ni a, Sawhthing ang bawka a tawih leh loh na turin hma la vat turin Sorkar a in buatsaih thei ang em? tih ka zawt duh a.

Tin, a dawt lelah chuan Samtlang pa kha a chi diklo a lo hralh tel avang khan Case rip tak nen Lungin ah tan tir a ni a, tunah eng dinhmun ah nge a awm tak, a chhuak tawh nge a la tang reng? lei leh hralh thil a ni a, thil thalo a zuar a nih chuan a leitu khan a lei duh lo mai tur a ni dawn lawmni? Pu Speaker, Nuai 70 te a bo a, hman ni lawk ah pawh Health Department atangin nuai 100 a bova, tumah an la suspend lova, investigation pawh a kal lova, kan hre vek. Engatinge thingtlang pa rethei tak hetianga Jail a misual tawp thang anga tan tir a nih bik? Heng chungchang te pawh hi Sorkar hianin ngaih hnathiam na deuh hlek nei in, (interruption) in unit President-a ni lehngal a, a bansan hma che u hian chhuah vat rawh u. Chuvang chuan heng te pawh hi Sorkar-in heti em em a ti lo hian thil thalo a lo tel palh a nih chuan a leitu khan a duhlo mai tur a ni a, Case lian lutuk in awrhtir a, hetianga tilo hian ngaihtuah sak theih dan a awm lawm ni tih pawh kan zawt tel duh a ni.

PU LALRINLIANA SAILO : Pu Speaker, ka lawm e. sorkar-in kum 2007 hi Mautam tura sawi a ni a. Aieng te kum 2007 hian kan lei dawn a ni a. Kum 2007-a Mau Tam sa, kut hnathawktu -te sawi dan in Aieng hi kum hnih (2) hnu-ah a tak chauh a ni tih a ni a. Mau Tam vek tawh hnu-a thar kha a sawtna ava awm awmlo ve tih kha ka han zawt duh a. Tin, Dt. 14 khan a hmng pawh sawi ila Pu Kailiana Ngaizel phei a karkhat chhung chauh kan lei dawn an ti a, Aieng Kg. 41-keng in ava kal ve a, tah chuan Slip an lo pe a, Sign-tu an lo awm lova, Kulikawn VCP va sign tir mai rawh an ti a, a ni alo awm si lova, a awm awm in an sign ta in a sawi a. Tichuan Rural Bank-ah Account hawng rawh an lo ti bawk a. Rs. 5 zel in, chutiang te chu a va mak teh nuaih ve, Vohbik Account hi hawn zel tur em ni ?

Tin, Lakadawng variety niin Phailam atanga an lakluh tura hi an rawt a, Mizoram ah hian Lakadawng Variety hi ala tam a ni. Nimin ah pawh Tuirial lama chingtu chu ka hnenah a lo kal a, min leisak thei tawh silova hei hi min lei sak thei lawm ni ? Phailam variety an lei tur a kha Mizoram a a awm si chuan engahnge min leisak loh tiin min zawt a, chu chu an lei thei angem ? tih kan zawt a.

Tin, Sihmui Tribal Welfare Agency-ah khuan Phailam atanga rawn lut ang stock awm teuh in an sawi a. Khawimaw lai ah khuan Tribal Welfare hian an stock em ni ? Khamrang vel ah khuan an ching em ni ? Corruption kawngka a va han in hawng dawn em ? a in hawng thei mai lo maw ? Phairam a mi ang khan Mizoram ami kha Kg. ah Rs. 16.50 khan an lei dawn em ni ? khami an lei rau rau a nih chuan Mizoram chhung ami pawh hi lei ve mai se ? tih kan zawt leh a. Tin, Transportation charge Phailam atanga rawn phur lut turte hi an pe bik dawn em ? tih kha ka han zawt a ni.

S P E A K E R : Ruling lam hi an phun deuh va, Ruling lam hi pakhat ti ila, Supplementary chu i dah tawh rih ang aw.

PU LIANSUAMA : Pu Speaker, Minister zahawm tak chhanna ah khan heta zawhna (a) na a chhan dan kha a tawklo deuh in ka'n hria a, Aieng ching turin chhungkua engzatnge in report

ta ? Chung in report zingah chuan chhungkua engzatnge Aieng ching tura an buatsaih. A dawt leh ah chuan engatinge Mizoram pawna Aieng man hi Tual chhunga thar chhuah aia a let zeta a to bik ? Tin, a dang leh ah chuan State pawn atanga Aieng lei turte hi tu ta nge ? Meghalaya Sorkar in min Supply nge mimal hnen atanga lei ? Aieng hi Horticulture Crops a ni a, tunah pawh a chin chungchang thu-ah pawh Horticulture Department ah an Division ah te in report lak khawm ani tlangpuia. Tichuan, he Aieng chi man hi Horticulture Department pek tur nge ? Eng Department pek tur nge ni ang ? kan plan Rs. Vaibelchhe 850 sem sawm ah hian Horticulture chuanin, Rs. 835 lakhs an chang chauhva, chumi zing atanga nuaih 600 chu Finance Commission ina a bika a pek, Sapthei chin na tur a ni a. A baka chu 235 lakhs emaw awrh chauh an nei tawh alang si a. Chuvang chuan kumhlui ah pawisa an nei tawh chuang lo tih a hriat bawka. Khawi atangin nge anri hi pek anih ang ? Sorkarin a hralhna a ngaihtuah mek hian tute nge a tiam tawh reng reng ? tunlai pawh hianin, Sorkar thu neitute leh a hralhna lampang lo beisei tute a lei tur te ti maiang. Chutiang chu, anin dawr niin nichin khan kan ngaihlaha a, eng Company te nge an nih ? Tin a hralhna zawnchawp ngailoh, Sericulture te hi a scope atha em em a. Helam ah hian engatinge liantham deuha hma kan lak zawk mai loh ?

S P E A K E R : A hrang a tam khawp maia. Theihtawpa fiaha chhang turin Minister ilo sawm teh ang.

PU H. RAMMAWI MINISTER : Pu Speaker, zawhna kha atam deuh hleka, tlem hmaih palh kan nei a nih chuan in zawh leh mai ni sela. A hmasa berin Pu Rohluna, zawhna neitu zawhna 'A variety ah khan eng variety nge' han chhang hmasa ber ila, Mizoram pawn atanga kan lakluh tur hi chu, a tir atang khan Market en sa, Market lama prospects awmsa deuh variety tho kan duh avangin Procurrenment sang deuh, khawvel pawh ina an ngaihpawihmawh bik, i ti maiang, chu Variety Lakadong Variety vek chu lakluh nise, tih a ni a. amaherawhchu, Mizoram chhungah hian tam tak hi lakadong Variety a awm ve tawh hrim hrim a. Nikum lamah pawh khan kan chhut dan chuan 1000 hectares chuangah lakadong Variety hi chin tir tawh a ni. Amaherawhchu, Local Variety hi a awm ve reng reng a. Local Variety ah hian inang lo a awm lehngal a.

Mahse, Mizoram kut hnathawk tutena an mahni thahnemngaihna atanga anlo china an thar chhuah ve, Local-a Aieng kan neih ang ang hi chu, Mizoram chhung ami hi chu, i lei khawm vek mai ang farmer-te tan kan ti a ni. A ram chhung ami hi chu, eng Variety anih pawhin, Aieng kan neih ang ang kha lei vek mai ang, kan ti a ni. Variety chi hrang hrang te pawh a ni anga. Amaherawhchu, a tlangpuiin Mizorama kan chin danah hian lakadawng ching ho hi chu Compact area, a khaw hlawm deuha kal hi anni a. Entirnan, helai reiek mai ah pawh hian, Farming Society feltak a awma. Lakadawng Variety hlang deuh hi an ching a ni. Entirnan sawtah, Sakawrdai, Zohmun area ah te pawh, lakadawng Variety hi a hlanga ching hi an awm. Chutiang bawk chuan, Zawnglingah a hlanga ching hi an awm a ni. Khatiang khan hmun hrang hrangah khan kan local ami hi lakadawng Variety hi atam ve tho ani tih kha kan sawi duh ani.

Tichuan, sawhthing ang khan a tawih leh palh ange, a hralhna lam hi tih kha, Pu Speaker, a hralhna lam hi tunah hian kan thlang fel rih lova, a hralhna kan zawnna hi a rei tawh a. Nikum favang, nikum July thla vel atang khan Consultation thui tak kan kalpui a, chutiang ang mila Aieng hi Mau a tam dawn si a, tam dona'n item pakhatah i hmang ang kan ti a ni a. Nichinah khan Pu Suama pawh khan a hnukung ber zawttu khan eng Company nge in dawr tawh tih kha a rawn zawt thova, a hnungah kha kha chu ka rawn chhang anga, tin, Pu Zira, Saitual Member zahawmtak zawhna kha IWDP pawisa hman in tum tih kha, a theih dawn em ni tih zawhna kha a dik khawp a. Kha kha IWDP pawisa chu a water shed Area ah kha chuan hei hi chin tir ve ila, hei hi advise ve ila tih Committee pawhin a ngaihtuah a. Tunhmu in IWDP Mizoram reitak kan kalpui tawh a, achievement result erawh chu hei hi a ni a, sawitam ngailovin kan hre vek a, awmze nei zawka a kal theihna turin an Water Shed Area ah hi chuan i chin tir ve ang kan ti a.

Aamaherawhchu, IWDP kan tihte tunah phei chuan Hariali ani tawh lehngal a, a guidelines hi a khawlh deuh hlek a, kalphung te te nei anih avangin. Chuan anmahni area-ah kha chuan, theihchin chinah hei hi chu ching ve rawhse kan ti a, chinglo rawhse pawh ti ila an ching tho daawm ani. Chuvang chuan, an area a an chin ve kha chu a tha a, an chin ve chuan khalai area a an china man te kha chu kha pawisa khan tumve dan a awm lawmni? tih kha kan ngaihtuahna a ni a. Amaherawhchu, technical ah eng engnge harsatna awm ang. Khami siamrem dan kha chu nakinah kan la enzui turah ngai ila, thil harsa lutuk turah kan ngai lova, tin, Central lam guideline kalh lutuk pawh ani chuang lova, a Water Shed develop na tura farmer te an in nghah theihna tur kha IWDP/hariali anih pawhin kha kha a thil tum tho ani tih kha kan sawi duh a. Tin, a funding kalphungah guideline millo lutuk a kal hi kan duh lova. a guideline chhungah tih dan a awm em tih kha kan ngaihtuahna kallai mek ani.

PU R. LALZIRLIANA : Pu Speaker, IWDP pawisa tur kha khatiang anga hman theih tura Sorkarin an ngai anih si chuan engatinge an hman tur kha an cancel lehsi, tih kha tunah hian ka zawt duh e.

PU H. RAMMAWI MINISTER : Pu Speaker, an hman tur cancel tih kha engemaw harsatna a awm kan hlauh avangin, a chhung atangin i ti anga, ral atanga Work Order va siamsak ai chuan a buaithlak dawn si a, kan ti a. An area chhung atana, entirnan cancel a tul ve na chu Reiek Area ah hian a awm ve tho ani. Reiek ah Aieng an nei ta a. Kha kha heta mi kan leisak a, hmundanga kan va phurhchhuah daih kha a ngai dawn ta tlat a, an area in an ching duh ve tho si a, a pawisa kan hman duhna dan leh a taka kha a inang ta thin lova. Chuvang chuan, kan cancel ta mai ani. A chhungah hian tih dan chu a la awmthei thovin kan ring a. An chin man te kha chu PIA atang khan an ngaihtuah ve turah kan ngai a. Pu Speaker, hetiang ngaihtuahna hianin IWDP state Share pawh hi 275 lakhs ngawt mai. Kan tum sak ve hlawm ani. Chuvang chuan, i tang tlang ang, a purpose kha a inang tho si a, farmer te target anih avang khan kan ti a ni.

Tin, 5 quintal anga ngaih a tling silova tih lai te kha, hei hi a dik ang. Hei hi awmsa tur ani, chhut sa a ni a. Aieng te chu a hringin an packet ta a, kar khat a lo awm ta a, kar hnih a lo awm chuan a tui a lo kang ta a, a weight a kha chu tlemin a zang lo theilo. Amaherawhchu, kha khanin a chi zat a kha a ti danglam reng reng lo. NGO ho nen kan sawi khawmna ah pawh hei hi chu kan sawiho rei viau reng ani. A chi tam lam kha a tidanglamlo, a weight a erawh kha chu (**PU R. LALZIRLIANA** : Quintal 100 Kg. ah 32 Kg. vel a tlak thlak mai kha chu a mak tiraw, chu chauh chu) A 100 Kg. chu 32 Kg. em em chuan a tla thla theilo anga, tlem chuan a weight kha chu a tui a kang anga, a lo sawng ang a. Tahchuan, a weight chu a zang ang a, mahse, a chi tam lam kha a danglam dawn lo ani. Kha kha chu practical a thil awm ve hrim hrim ani tih kha kan chhanna nise.

Tin, kan Member zahawm tak Pu Lalduhoma zawhna local leh pawnlam rate in anglo tih kha Pu Speaker, local leh pawnlam rate hi a inanlohna chhan hi quotation a ni a. Quotation koh a ni a. Tahchuan, Aizawl, Mizoramah hian, Aizawl ah hian Rs. 6/- Rs. 7/- pawhin kan rawn dah ange tih ngam pawh hi an awm ani. Mizoram chhungah hi chuan. Pawnlam mi erawh kha chu a dang ta a. Tin hetah zawhnaah hian khawi ami nge an lak tihte pawh

kha a la awm a. An lakna pawh hi a then chu Assam ami te ani ang a. A then chu Nagaland amite pawh ani ang a. Kan hriat dan chuan a then chu hmun dang ami Orissa lam amite pawh an va zawng tho ani awm e. Quotation hi chu kan hre vek a, sawi tam a ngai lova. Amaherawhchu, a tak takah chuan Pu Speaker, Mizoramah hian hetiang anga farmer te hamthatna tur atana Sorkar-in a thil tih hi a la awm rihlo ani.

Tun tum ah chuan a hmunah kan lei chilh ani. Mizoramah hmun kan thlang a, Khaw 70 chuangah, khaw 73 ah kan ti a, chutah pawh chuan belh hlek kha a hnuah NGO te nen tang tlangin kan nei leh ta a. A hmunah farmer te kha kan va lei chilh a. Aizawl a Rs. 8.50 P. a lei lovin a hmunah kan va luhchilh a. Department tan chuan hei hi thil theih pawh a nilo, Man power in kan tlinlo. Amaherawhchu, kan NGO te kan V/C. Association te Y.M.A. te AMFU te, MUP te, kan NGO hrang hrang thahnem ngaihna in a kan pui ang che u hei hi farmer tan a pawimawh an tih avangin ke kan pen ngam chauh a, anmahni avangin heng hun hi thawk thei chauh kan ni. Department ang chuan ti thei pawh kan ni lo.

Kan NGO te tlawmngaihna avangin farmer te hamthatna tiin a khuaah kan luhchilh a, Mizoram hmun hrang hrang ah kan va lei ani. Aizawla Rs. 8.50 P a lei lovin. Chutah chuan practical a an han tih khan thil a lo harsa em em a. Buara ip te a lo ngai ta a, an lei dan a kha NGO te kha a collect tu tur annih avangin hriat a har dawn a. An bag-ah a neitu hming an ziak vek tur ani, tih te instruction fel tak loophole awmthei zawng zawng kha NGO te nen sawi khawmin kan duanga, kan veng a, chuan, a hmunah an va lei ta a ni a, chuvang chuan, Mizoramah hetiang hi a awm ngailo i ti chhin ang. Tun tumah hian kan ti chhin ang a, a tha anih chuan kum lehah pawh farmer-te an thatna tur anih chuan, tiin a hmunah kan lei chilh a, phailam mite nen compare chi vak pawh a ni lo.

Tin, kan leina bakah hian NGO te hi kan tanpui ni lovin expenditure hi a sangve em em tho ani. A hmunah kan lei sak a, farmer-te hnenah a thlawnin kan pe leh ta a. Chuvang chuan, hetiang ang hi chu Mizoram ah thil awm ngailo a ni a. (PU LALDUHOMA : Pu Speaker, a hmuna an leisak chu tlemte anni. A hmun loah deuh vek an phurh khawm tir zawk ani.) (SPEAKER : A hmun tih kha a inang chiah lo anih ka ring kei pawh collection center 73 siam thu kha a sawi a, kha kha kan Minister in a hmun a ti anih ka ring.) Pu Speaker, Collection Centre kha a hmun chu a ni mai a. Khua zawng zawnga an luhchilh chuan Pu Speaker, Man power harsatzia hi kan hre theuh a. Khatiang zawngah khan ngai ta ila, a thain ka ring a.

Tin, Samthangpa dinhmun kan Member zahawm tak Pu Duhoma sawi kha Samthang chungchang kha chu Pu Speaker, heti zawng hian ngaihtuahna ka nei a. Hetianga Mizoram pum a, NGO te nena hma kan lak laiah hian Mizoram hmun dang zawng zawnga farmer-te fimkhur theihna tur atan ani hi Pathianin hmanrua ah a hmang em ni aw ! ka ti a. Khatiang atang khan hmun hrang hrang an in veng vek a, tam tak a veng a. Chuvang chuan, hei hi chu ama soal hranpa vang em em pawh nilovin, khatiang zawng khan Pathianin a ruat em ni aw, ka ti a. Chuvang chuan, hei hi chu ti hian a kal ve rih phawt turah ngai ila. Tin, Market leina tur Budget a pawisa dah, tih chungchang kha. Tunlai khawvelah hian privatization khawvel leh Sorkar-in direct a thil a leina tur Market chungchanga Market a pawisa dah tih hi hetiang hi tunlai India ram kalphung pawh hi a ni tawh lo reng reng a. Privatization out-source vek hi ani tawh a. Company lian pawhin an out-source vek tawh a. Chuvang chuan, hetiang ang atana a hranpa a pawisa dah hi.

PU LALDUHOMA : Pu Speaker, kan Minister zahawm tak hian "Risk ka la hrim hrim ang," a tih avanga pawmpui mai kan ni. "Budget ah ka dah hrim hrim ang," a tih avanga pawmpui chauh kan ni. Tunah a sawidan a dang leh si a. "Contract Farming a in kalpui dawn a, a rate in hrilh theih chuan a tha e," tiin kan pawmpui chauh a ni si a. "Tunlai khawvel dan a ni lo e," a ti leh tawh si a, a engzawk hi nge maw, kan pawm dawn le ?

PU H. RAMMAWI MINISTER : Pu Speaker, tuna ka chhanna kha ka sawi danphung pawh a ni a. Kan kalphung pawh a ni a. Risk kan lakna tur erawh chu, risk kan la ang, ka tih erawh kha chu ; nikum July thla atang khan kumin hi Mautam kum anih avangin mau a tam dawn si a. engnge farmer-te hi thlai chi khat tal offer dan a awm em ? Kawng izawng teh ang u, min finchhuah teh u, tiin NGO hrang hrang kan rawn kual a. Intellectual Circle rawn theih zawng zawng kan rawn kual a. Tin, Aizawla pa rawn tling, rawn theih theih kan rawn kual a. Chutah chuan pakhatah chuan Aieng hi a tha awm mange, tih hi ngaihtuahna hlawm kal pakhat anih avangin, Aieng kumin a hetiang kan promote, tam do nana pakhatah hi chuan ihmang ang u. Market lam pawh, International Market kan enin, chuti lutukin a fluctuate ve lo, khawvel demand kan enin he thil hi chu a him ang tih ngaihtuahna atangin kan hlawm khawm ta a. Nikum favang chhung zawng inrawn khawm nan kan hmang a. Chuvang chuan, hei hi chu a tha e, kan tih avangin hei chu huai takin risk ka la ngam, Minister ka nihna ang pawhin hei hi chu kan kal ngam ka ti ani.

Tin, Pu Speaker, Member zahawm tak Pu Lalrinliana Sailo zawhna kum hnih hnuah a thar tih kha chu, ani kha, Aieng a ching ve ngai lo anih ka ring. Kum khatah pawh a thar a, kum hnihah hian a tak leh thei deuh a. Tin, chu loah ka'n sawi belh duh lawk chu, a chawh hun pawh hi kan lo thiam lova. December, January ah hian lo chawh tur ani lova. February thla ah hian lo chawh tur a ni a. Chutah chuan a Procurement kha a sang tih kha mithiam ten min hrilh a. Chu chu kan tangkaipui khawpin ka ring a.

Tin, Tuirial ami Lakadong variety nei tih kha Radio nen Media hrang hrangah Pu Speaker, a lei hun zawng zawng puan vek a ni a, tlangzarh vek a ni a. A lei hun pawh hi Pu Speaker, (PU LALRINLIANA SAILO : A pawimawh ka ti tlat mai. Mamit bialtu khan khati khan rawn ti lo se a tha in ka hria a. Pu Rohmingthanga nimin khan helaiah min rawn hmu turin a lo kal a. "Ka la nei teuh mai a variety hi Lakadong hi. Hei hi kei lo pawh nei an awm ka ring," a ti a. Vai tan in dah tawh dawn em ni chu chu.) PU Speaker, Collection Centre leina hmun Mizoram mipui hriatah tlangzarh a ni a. Doordarshan nen, Radio nen, a period nen. Uluk takin a tihdan tur, a pack dan tur nen. Mahni hming ziah tur tih nen lam, Mizoram mipuiah tlangzarh a ni a. Ani kha a tlai palh ve ah ngai ila.

S P E A K E R : Khawngaih takin, a nei tam deuh hlek a, hun tiam chhung khan a cho zo hman lova, 100 quintals vel la nei niin a in sawi a. Kha kha Pu Rina rawn sawi khan khawngaih takin tlai deuh tawh mahsela lo en zui theih nise chu a lawmawm khawp ang. 100 quintals vel lai a la neih si chuan.

PU H. RAMMAWI : Pu Speaker, kha pawh kha fimkhur a la ngai tho a, nakinah ka la rawn sawi zawm ang a. Tunah khian a lei hun period a zawh tawh avangin Phai lam ami kha thingtlangah kan pe chhuak tawh a. Thingtlang a kan pek chhuah tawh kan NGO rualina farmer hnena an sem tawhna area ah chuan an sem tawh kha lei leh kan hlau a ni. Chuvang chuan, a area a zir pawh kha a ni ve ang a. Tin, khaw chhungah kan inhre vek a, a nei leh nei lo. Khalai erawh chu mi pakhat min rawn hmutu kha ani ang em aw ka ti a. Khawchhungah a area ah khatiang kha thil awm thei anih avang khanin, in hrechiang ang a. Khalam atang khan tan rawn la ula. Chutilo chuan, chung lam atang chuanin, Phai lam ami hi kan sem

chhuak tawh si a. Phai lam ami kan sem hma zawng kha lei hun kan tih kha a ni si a. Chuvang chuan kan lei sa lei leh kha a hlauhawm tlat a, NGO te pawh an fimkhur na em em ani tih kha ka sawi duh a. Chuan, Pu Speaker, a market lam kha sawi ta ila, a market hi ... engzatinnge in collect tawh tih lam te kha Pu Speaker, an zawh ka ringa, an zawt lova, kan collect tawh te nen lam hian.

S P E A K E R : An zawhloh kha chu sawi loh ni sela, khi minute hnih chiah chiah a la awm a.

PU H. RAMMAWI MINISTER : A tha e. Anih Speaker, a market lam kha sawi tawh ila hun kan hman rei lutuk palh ange. A market hi nikum favang lam atang khan Pu Speaker, mipui hriata kan puanzar hma khan sawhthing market hi, Aieng chauh nilo, eng thlai thlai nge market problem awmlo ber tur kan tihah khan; Aieng Demand hi a sang a, ei atan atha in, cosmetics ah leh medicinal atanahte an lo hman ve bawh nen. Pu Speaker, spices board ho te pawh hianin theitawp min chhuahpui a, a sample te pawh rawn thawn rawh u an ti a. Chuan, a sample te kan thawn a.

Tin, I.T.C. ho hi kan dawr mek bawka, chulovah chuan green cover hote nen pawh hian thui tak kan indawr a. Tin, green cover ho te neni phei hi chuanin anni hi idea nei deuh mai an lo ni a. Tunah hian indawrna pawh nimin pawh kha nileng deuhthaw in an indawr a. Inrinni pawh khan. Thil a complicate dan zawng zawng kan thlir a.

S P E A K E R : Khawngaih takin kan interrupt-lawk ange khi zawhna hun pangngai a zova, azo tep tawhin alanga, han ti zo law law mai sela a tha mai lawm ni.

PU H. RAMMAWI MINISTER : Pu Speaker, Chu chang a ni lova, tun anga kan kal chuan qtl. Nuai 6 nuai 7 thar thei kan nih avangin tun atanga fimkhur viau hi angai a, chuvang chuan kan Chief Minister zahawm tak hianin mimal takin hma min lak saka, a green form nilova a dry form a kan dah chhohva a lehpek a tha zawk quality kan kal

theih na turin tunah hian kan Chief Minister pawh hianin abik takin hma min lak saka a dry form a kan dah theih na turin khatiang ang kha tunah hian buaipui mek a ni a. Sumdawng International importers ah hian Europe a mi te, Europe ami tunah hian 235 an awm a, tin, Asia ah hian 428 an awma.

Tin, Middle East ah hian 212 an awma. A nazawng kha kan contact vek theilo anga reliable deuh deuh a kan ngaih hi chu kan contact meka, khatiang anga hma lak kha a nia. Pu Speaker minute khat chiah, hemi kan hlawhtlin chuanin entir nan qtl. Nuai 6 thar ta ila nuai 6 kha a dry form a kan dah chuan quintal nuai 1 ani ta anga, quintal 30,000-40,000 lekah a chhuak thei a, quality in a kal anga, chu chu farmer tan benefit na a awm dawna, tih tekha kan ngaihtuah a, mahse kha kha kan thei angem? kan theih loh pawhin kan theih chinah hian kal ila tih kan ngaihtuah avangin Pu Speaker kumin ah hian nichina ka sawi ang khan rawn theih zawng zawng nikum favang chhunga kan rawn tawh hnu atanga aieng hi kumin atanah hian thlai pakhat ah khawng Tam dona pakhat ah lo tang ve teh se dtiin kan promote a ni.

S P E A K E R : Le, zawhna hun a tawp ta a. List of Business-ah kan kal anga. Chumi hmian waviin kan rorelna ah hian kan Member zahawm tak Pu H. Lalsangzuala, Suangpuilawn bialtu chuan a hritlan avangin Session rawn tel theih loh thu a rawn sawi a. Leave a rawn dil a, kan remti mai em? Pu K. Lianzuala, Lungpho bialtu zahawm tak erawh chu kan hriat angin tun Session chhung atana leave kan pek tawh ani leha. Kan remti maw? A lawmawm e.

Tunah chuan Presentation of Report hun kan hmang anga. Hei, PAC in Report 3 present tur an nei leh a. Anni hi an thawk nasa hle niin alang a. A lawmawm hle a. Tunah PAC Chairman zahawm tak, Pu Lalduhoma The 30th Report, The 31st Report leh 32nd Report of PAC present turin i lo sawm ang.

PU LALDUHOMA : Pu Speaker, i phalna leh House remtihain 30th Report of Public Accounts Committee relating to Power & Electricity Department 31st Report of Public Accounts Committee relating to School Education Department leh 32nd Report of Public Accounts Committee on Appropriation Accounts for the year 2002-2003 te hi he House zahawm takah hian ka present e. Ka lawm e.

S P E A K E R : A lawmawm e. Copy te kha han sem ni sela a tha ang e. Business dangah kan kal anga. Nimina kan zawh hman tak loh General discussion of the Budget for 2007-2008 kan chhunzawm anga. Nimin khan Member 12 in kan sawi tawh a. Members 12 emaw 18 emaw la sawi tur kan awm ka ring a. Nimina kan hun inpek ang kha in pe leh ta ila a tha mai lawm ni? Le, tunge han sawi ang? Pu Lalchhandama Ralte.

PU LALCHHANDAMA RALTE : Pu Speaker, ka lawm e. General Discussion Budget chungchang ah tukin zingah sawi hmasa nih ka han hauh a. Ka hriat dan tlangpui leh ka hmuh dan leh lawmthu sawi ngai nia ka hriatte han sawi duh ka nei a. A hmasa berin kan sum dinhmun lo kal chho, tun kum kal lai mek 2006-2007 te han thlir leh ila, 2007 leh 2008 Budget atana ruahman chhohah reflect an neih dan han thlir hian, a changtu Finance Minister, Chief Minister ni bawk leh a Department-a kan Officer-te, thawktute inpek nasat ziate, an thawhrim avanga kan ram finance dinhmuna a lo that chhoh dante a tlangpui han bih pawhin a hmuh theih a. Lawmawm hle in ka hria a. Tin, 2006-2007 kal cho-ah pawh kan financial management a tha em em a. Chung te avang chuan kan ram chhungah hun danga a thawm kan hriat thin thil duhawm loh tak tak Treasury khar kan tih ang chite pawh kha Pu Zoramthanga kaihhruai Sorkar kum 8 zet a kal tawh hnu-ah vawi khat mah awm lovin vawiin ni thlengin a awm chho ta zel te. Hei hi thawnthu hlui a chang chho thei ta te hi a ropuiin ka hria a.

Tin, kan State Sorkar hnathawk bik liau liau-te an hlawh kan pek chinah hlawh pek theihloh bat, rei tak tak bat nei lovin vawiin ni thlenga kan awm thei kan hmuhte hianin a management-ah engkimah kan fel fai hle niin a hriat theih a. Hei heng kawngah hian lawmawm ka ti hle a. Tin, kan revenue surplus pawh kha 2006-2007 ah pawh khan Croes 135.2006 niin report-ah khan a lang thei a khang han hmuh khan a lawmawm hlein ka hria.

Tin, 2007-2008 budget tura ihan introduced takah hian lawmawm ka tih em em chu budget pawmpui full budget pharh a ni leh vote on accounts a tlemte te a kal lova hetianganga a han buatsaih theite, hetiang atana Finance Commision-te leh state lama kan sum leh pai enkawltute lamin ruahmanna an siam thei han hmuh hian lawmawmin ka hria. Tin, min ti lawm zual tu chu systematic takin economic survey nen, tun hunah chuan data base-a engkim kan ti

thei tawh tur, Mizoram Budget pharha a vawikhatna atana hetiang ang kan han nei te, kan economic-te pawhin theih ang tawka han thlir pawhin, hei hi chu data base a ni, a systematic hle a ni tih an hmuh theih tur leh keini ang duang pawhin han hriat ve theih tur anga chhawp chhuah a rawn ni hi a ropui ka ti a. Hetiang a nih theihna atana hmalatute fakawm ka ti a.

Tin, kan revenue surplus tur, deficit ni lo, surplus hrim hrim han sawi theia kan awm pawh a ropui ka ti a. 2007-2008 ah surplus-ah 162.84 Crores nei thei tur anga kan budget han pharha lo leng tur te hi lawmawm ka ti a.

Tin, Gross Fiscal Deficit (GFD) ah 2006-2007 ah khan 288.33 crores a ni a. 9.72% a ni a. He budget thar 2007-2008-ah hian estimate-ah crores 113.65 a a lo tlahniam duai thei te. Tin, chutiang a nih chuan 2008-2009-ah lo tlahniam chho lehin a flat rate-ah 3% lo kal thei tur anga lo lang theite han hmuh hian a ropui ka ti a. He kan budget pharh 2007-2008 ah 3.49% lo tlahniam thei tur han hmuh kan ram economy-a inset chhoh (interruption). Kan chhunzawm leh nghal ta ila, 2008-2009 nakum lawk budget pharh leh hunah chuanin kan GFD-ah kan danin Action a phut angin 3% velah tla thei tur anga kan awm han hmuh hian a ropui ka ti tak zet zet a ni.

Tin, 2007-2008 kan budget pharh ah hianin opening deficit-ah 104.17 Crores a lo lang a, chu chu kan Budget-a kan estimate-ah surplus kan hmuh tur 83.31 te, han hmuh hian hmasawna ropui, a hnung lam aia a phei lama a kal thei han hmuh hian a ropui ka ti a, chu chu lawmawm ka ti takzet a ni.

Tin, Planning Commission lama kan sum hmuh han en hianin kan budget plan size-ah hianin 850 crores kan han hmu chho thei ta a. Tuna kum kallaiyah 758 crores, a punna crores 92 zeta an pung thei te, Plan leh non Plan-ah te 2226.49 ni thei tur anga lang leh a punna pumpui 266.87-a 13.62% ang lo lang tur han hmuh hian Central Sorkar hianin Pu Zoramthanga kaihhruai Ministry hi sum enkawl kawngah pek belh tham, pek belh tlak khawp mipui thleng phakin ruahmanna an nei thinin hna an thawk a ni tih a tarlang chiangin ka hria a. Pek belh tlaka kan awm hi ropui ka ti a. Tin, kan budget speech, Finance Minister speech han en hian thil lawmawm ka tih em em chu ngaih pawimawh hmasak turah hianin planning base-a thil han tihah hianin Agriculture and Allied & Rural Development an ti a. Kut hnathawktute leh Zo khaw lam a awmte hmasawn na tur ngaih pawimawh hmasak a neih a ni dawn tih a rawn tarlang hi ropui ka ti a. Keini thingtlang lam bialtu tan chuan hei hi hahdam thlak in ka hria a. Tin, mi thenkhat in kut hnathawktute chanvo a awm lo an tih fo kha Priority a tarlan ah hian Agriculture & Allied & Rural Development a dah hmasa ber hian a tichiang

in ka hria a. Tin, Economic infrastructure lamah priority pek anih tur thu leh social service, Education leh Health ah ngaih pawimawh anih thu he Budget Speech a han hmuh hian kan zavai atan mipui huap, tupawh a huap aain. He Budget hi Party bik nilo Zoram mipui kan zavai atana a tha leh Huapzo Budget a ni a, lawmawm ka ti takzet a ni.

Tin, hemi piah lamah Mautam chho tur venna atan Crore 35 dah ani te, Mizoram intodelh project atanah Crore 20 avaiin crore 55 Mautam venna atante, intodelh na project atan te kut hnathawktute tanah te harsatna tawk mek te khai chhuah na tur atana ruahmanna a lo awm leh Budget a heti zat reflect alo ni hi a thlamuan thlak ka ti a.

Tin, kan Finance Minister Speech ah khan Mautam avanga tumah a khua leh tuiten harsatna lian tham, thihna emaw riltamna emaw an tawhlohna turin he Sorkar hian hma ala dawn tih uar taka a rawn tarlang ka hmuh khan kan Chief Minister hian ram mipui tan nu leh pa nih a tlin hle in, chutiang a priority a pekah hian ropui ka ti a.

Tin, Pu Deputy Speaker Budget ah hian he Sorkar hi hleih neilo, tute pawh kan hamthatna tur atan Zoram huap a hna a thawh zia a lang a. Mipui arawih thlawn thin mi 40 te kan MLA Local Area Development Fund tur pawh tunah thlei bik awmlo in nuai 10 he financial year tharah nuai 15 ah tihpun lo ni te, hei hi kan Finance Minister kaihhruai na hnuai a MLA zawng zawng te kan Area development-na atan Fund min petu kan nei hi he House amiten lawmthu kan sawi mawlh mawlh ngai leh, achhawrtu bial mipuite tan pawh thil lawmawm niin ka hria.

Tin, Central Finance Commission hrim hrim pawh hian Allocation ah hian Mizoram min duhsak hle in ka hria. Chumi atan chuan kan Finance Minister hmalakna te Finance Department hmalakna te, kan sorkar a Department changtu kan Ministry-a kan hotu lu ten an department theuh an enkawlina kawngah hian an thawk tha tawk ani tih a lang a.

Tin, 10th Finance Commission kan neih liam ta ah khan Crore 1802.01 award kan ni a. Chuta tang chuan 11th Finance Commission-ah Crore 2335.27 ah kan kal chho a. Tin 12th Finance Commission ah hian Crore 4660.91 ah kan zuang dawrh mai hmuh hian Central Finance Commission pawh hian he sorkar hi hnathawk tak tak a ni, huapzo sorkar mitin tan, Development Infrastructure a kalpui kawngah te hna a thawk nasa a award tlak ani ti a min chawimawi na ni in ka hria a, he House ah chu chu sawi tul in ka hria a.

Kan hriat angin Opposition Group Leader Pu Lal Thanhawla pawh 10th Finance Commission ah member a ni a, thahnem ngai takin he ram tan pawh kan chho in a hunlai pawhin hmasawna tam tak kan hmu a ni. Khata tanga 11th Finance Commission kan kai khan kan Up-na kan kai khanin kan Budget Finance Commission-in min pek punna kha 40.69% a ni a, khatih lai khan India ram State 25 kan awmah khan a pung tamna lamah 22-na a hnunglam atanga chhiara 4-na ah kan awm a ni. 10th Finance Commission 11th Finance Commission a kan up-na a kha. Tun tum Pu Zoramthanga han hruai kalchho hi Finance Commission hian a va ring awm nasa ve ti Chiang tu chu 12th Finance Commission-ah hian a punna hi 83.84% kan pung ta dawrh mai a, a let deuthaw a lo awmin India ram state 28 awmah hian a pung tam ber 11-na kan lo ni ta a, chu chuan he Pu Zoramthanga kaihruai Ministry-in Financial Management te Fiscal reform tih kawngah te ruahmanna kawng hrang hrang mipui tan a rawngbawlna ah hian Finance Commission hian award tlak ani tih a rawn hmu hi ropui in ka hria a chu chuanin a ti Chiang hlein ka hria a ni.

Pu Deputy Speaker, hetiang budget tha kan neih lai hian ka rilru ah thil tam tak lo chhuichhoh ve ka nei a, kan sum dinhmun duhtawk leh vang pawh a ni mai thei a, thil thenkhat erawh chu suggestion han neih ka duh a, chu chu R.E.-stage kan thlen hunah revised estimate kan siam hunah tal pawh kan Finance Minister-in min hriatpui atana han rawt duh ka neih chu Youth services ah hian ka duh aiin kan la dah tam lo tlatin ka hria, thalai kan nihna hmang atang pawha ka thlirin Youth Services ah hian tun ai hian priority kan pek leh zual hi a la tulin ka hria. Tunah kan budget kal lai 2007-2008 ah hian nuai 150 vel chuan dahsang niin alanga amaherawhchu, state dangte han thlirin Youth Services ah hianin hei aia priority kan pek zel hi a tulin ka hria a.

Tin, Information and Publicity (Information and Public Relations) kan tih te pawh ani ang chu, te hnuaiah hian hei ai hian sum dah hnema kan journalist hoten MLA ho hnenah lekhka min sem te han thlir pawh khanin helaiyah hian thahnem ngai theuh theuh hi kan thahnem ngaihna hei aia pho chhuah lan thiam theihna turin a tul hlein ka hria a. Tun dinhmun ah hian (2007-2008). Ah hian Advertisement-ah nuai 40 chuang deuthaw in lo tih pun ni mahse a la tawk lovin ka hria a. He Sorkar hian kawng chi hrang hrangin Zoram dung leh vangah chhim leh hmar, chhak leh thlanga zin zawng zawng ten he sorkar hi chu hna a thawk mawle, development-ah hi chuan tu sorkar kal tawh pawhin an tluk loh leh thawh chu an thawk a ni tih a an sawi thin a hi keini hianin kan phochhuak thiam lawk lovin ka hria a, kan media hotena advertisement-ah hei aia tam min dahsak teh u, an han tih te hi han pe ila, kan achievement-te hi hei aia tam hi puangchhuak ila a tha hlein ka hria a, chutiang atana thawpui inhuam em em kan media lam ten kan chanvo hi tlemin min tih len sak ta che u, tih te hi revised estimate-ah pawh hian hei aia sang hian dah ta ila, chu chuan he sorkar-in zuama mipui tana a hnathawh puan chhuahna ah hian nasa takin hma kan sawn ka

ringa, development nasat zia pawh hi Zoram khawvel hriatah hian puanchhuah anih ka beisei a ni. Tin, Pu Deputy Speaker, thil pakhat ka ngaih pawimawh tak mai chu he budget-ah hian kan thlir thina ka la hmu thiam lo nge ka hre lova, kan ram dinhmun han en hian development kalchho a hi theih ang tawkin semrual han ni dawn mahse Central atanga development scheme lo kal te nen han lakkhawm hianin kan khairual lo deuh niin a hriat theih a, chu lai chu ka ngaih pawimawh deuh point pakhat sawi duh ka nei a, chumi ah chuan border area-a awm te chuanin border fund an nei a normal fund bakah, Crore 1 dawn, (nuai 100 dawn) te neiin chutiang chuanin bial thenkhat chuan development nasa takin an kalpui chho thei a.

Tin, khawpui ho bikah hian tuna kan budget thar han en hi chuanin Urban development and proverty alleviation te a awm chhova, hei hian District Capital-te a enkawl chhoh pheih chuan, khawpui hmun tak tak hi development a kal double leh a kal chho viauin a hriat theiha, chutih lai chuan ram chhunga ram laili laklawh kan awm a ni. Entirnan, kan bial Tlungvel te, Saitual, Lungpho, Suangpuilawn, Ratu, Kawnpui, Bilkhawthlir, Sateek, Vanva, Tawipui bial 10 bawr vel hi khang Developmental project-in a thlawhkhum laklawh BADP hmang thei bawk silo. Urban Development atanga hmang thei bawk silo, Khawhai te pawh ani ang ka ring. Heng bawra awm te tan Special Development Package hi a hranpain han awm thei se hun kal leh zel tur atanah a tul awm mang e, ka ti a. Rawtna pawh kan siam duh bawk ani. A tlangpuia han thlirin kan Budget hian Zoram mipui te tan thil chhinchhiah tlak, thlamuanthlak, MIP leh BAFFACOS ah te sum dah dan han enin he Sorkar hian nu leh pa nih tling takin he lam hi a hmachhawn dawn in hna a thawk dawn a ni. A thlamuanthlak in lawmthu kan sawi duh a ni. Ka lawm e.

PU LALHMINGTHANGA : Pu Deputy Speaker, ka lawm e. Kan Budget Discuss mek hi General Discussion a nih angin Department mal ka luhkhung dawn lova. Nikum ah khan Fiscal Responsibilities and Budget Management Act kha House ah hian kan Pass a. Khami kan Pass-na chhan ber kha kan House Leader sawiah khan 12th Finance Commission khan Recommendation an nei a. State Finance Reform dan tur te leh Central lam atanga kan Relation te tha zawka a kal theihna tur. Chumi avang chuan Fiscal Responsibilities & Budget Management Bill kha kan sorkar-in a siam ta a. He House ah hian kan Pass ta a ni. Khami ah khan tiktur kan inbat teuh a. Chumi dungzui chuan tuna kan Budget hi kan House Leader in a rawn puilut ta hi kan Ram leh History atan thil thar leh thil pawimawh tak a ni a. State dangah te pek, tiang tho hian an kal a ni tih kan hria a. He kan Budget ah hian khami

dungzui khan thil a kal famkim em? Fiscal Responsibilities thar Sorkar-in a inbel a. Budget Management chungchang thu ah tunhmaa tih anga ti tawh lo turin kha Bill khan a phuar ta a. Chumi ang chuan a kal chiah em tih a kha a ni a. Chumi atanga thlir chuan kan kalhmang pawhin kawng thar a kaww tan ta hi lawmawm kan ti phawt mai anga. Mahse, uluk deuh taka thlir hian thil thenkhat siam that ngai lai a awmin ka hria a. Kan Chief Minister thusawi para 3-na ah khan State Gross Domestic Product thu a rawn sawi a, kan GDP kan Act tharin a phut ang khan, Statement on Prospect of the state economy and medicine term fiscal policy.” tih a rawn siam ang hian rawn sawi lan ani baww a. Act tharin a phut angin blind taka kan kal lohna tur leh Sorkar pawh a kal lohna turin a State pumpui a economic survey nei turin a phut a. Chumi survey-in a social economic dinhmun a rawn tar chhuah rail khan Budget thar chu siam turin a phut ta baww a ni. Chumi dung zuia survey an neihnate han thlir hian kan GSDP chungchang hi han luh chilh ta lawk ila, GSDP hi a tlangpuiin chi hniha kalpui a ni a, an tarlan ah pawh hian tun advance estimate current price level a siam khan Rs.296.549 a ni a. Vaibelchhia a kan dah chuan Vaibelchhe 2965 leh 49 lakh tih a ni ta a. Tichuan, hetiang ang zat neih chuan Mizoram population a kan base leh chuan mi pakhat hian nausen pawh tiam vekin kum khatah Rs. 33373.62 theuh thawk chhuak angin tunah hian GSDP hian min rawn tarlang ani. Mahse a dik ang em tih kha ka ngaihtuah a.

Tin, constant level hi ram chhiarpui neih kum dawn a zuk lak thin a ni a, an rawn tarlang a. Rs. 216314 ani a ti a. Hemi ang pawh hian kal ta ila mipakhat thawh chhuah kan project-a hi Rs.44343.97 anih a ngaia, chuvangin survey figure hi a dik taww ang em aw. Chutah kan per capita income hi a rawn present ang hi chuanin 2006-2007 ah hianin mipakhat in Rs.26673 income ang a lo ni a. Chutiang anih chuan kan gross income hi census figure angin kalpui ila kan gross income tura kha vaibelchhe 2370 ah chiah a chho ani. Survey figure a rawn tarlan a en hi chuan, survey report hi a hleihluak deuh ang em aw, kan Budget a kai hruai tur ani si a. Henglai hi chianguang deuhin kan House Leader hian min hrilhfiyah thei sela tih kan sawi duh phawt a. Tin, hemi figure hi a dik anih chuan, kei ka thlir danah chuan Zoram hianin GADP per head a nausen pawh huapa Rs.33373.62 vel hi kan nei anih chuan kan tha hle turah ka ngai a.

Amaherawhchu, vawiina kan dinhmun kan han en chuan a tam ber a hi chu nghei lo chauh thingrem pawh in hawnsak ta ilangin Rs. 100 hmuh loh na tur chungkua hi an tam mai si a. He figure hi a dik anih chuan kan ram dihmuna chuan equitable distribution kan ti rualkhai a insem sawmna leh income insem sakna a kha kan nei lo a ni. Kan Sorkar hian khatiang siamsakna tur chuan hmalak thar a va ngai nasa em. A neia ten an nei vak a, a neilo aten an neilo hle si a ni, tih hi hei hian a tarlang tlat mai ani. Chuvangin,

kan Associate Economic dinhmun hi derthawng taka awmna lai a awm ang, hei hi a dik anih chuan. Tin, helaia report dawng pakhat han en hian hei hi prospect of Statement State Economy Medium Term Physical Policy tih kha zuk en leh ilangin, heta kan GSDP raawn siamtu Primary Sector ah hian mi 100 zela 60 chuang an awm ta a. Hei hi a mipui tam ber awmna lai chu a ni.

Tin, kan ram dinhmun kan zuk en hian loneitute leh kut hnathawk dinhmun a ni a kha kha. Tichuan, Secondary Sector-ah hian Industrialist te ang leh khatiang ho kha lo awm ta selangin kan contribution a hi one percent pawh a nilove tiin a rawn tarlang a. A nepnawi kan ti mai ang a, tertiary sector an contribute tu ah hian 10 percent vel a ni a, tih a rawn tarlang leh a. Chumi awmzia chu kan income leh kan contribution income a kha tun dinhmunah chuan a ti theite pawh khan hemi economic survey atang hi chuanin hausa meuh kan lo pu ve ta ringawt mai a, a tak takah hausakna awm chuang silo, tih hi kan hmuh chuan, vawiinah pawh kan hmuh chian lai a zuk ni ta a. Chu chu tuna Act thar Fiscal Responsibility leh management ina a demand atanga a Department hoten kan ram tha deuh maia an lo ziaichhuah helai House atan pawh bengvar thlak em em a. Tin, Chanchinbu mite tan pawh. Tin, a inzir hrim hrim peih mihring tan pawh. Tin Zoram mihring hrim hrim tan pawh kan ram dinhmun a rawn thar chhuah thar chu a ni ta ani. Act thar Fiscal Responsibilities leh Budget Management-in a rawn tar chhuah chu ani ta a. Khalai kha kan Chief Minister hian nakinah mumal deuh takin engtingge kan GSDP te hi chhut chhoh a ni a. A realistic em? A realistic lo em? Tih laia kha min han hrilhiah turin kan ngen a.

Tin, rinhlelh theihna lai pakhat awma chu kan GSDP hi kan growth income ai khan Rs. 595 crore-in a sang a. Heti laia variation hi a sang ang reng viau mai a. Entiran, growth income per capita income atanga kan population a han chhut chhoh a kan gross income kha khang ang velah kan GSDP hi awm awm tak a ni a. Mahse GSDP kha a la sang zawk daih nghe nghe a. Chutiang chu thil awmdan a lo nita ani. Hemi hi kawngnih in ka han sawi khan a zuk thlir theih ta a. Hemi awmdan hian kan budget chu a kaihruai tur a ni a, chu chiah chu kan Chief Minister pawh hian GSDP pawimawh na kha a rawn sawi a, chumi a rawn sawinaah chuan hemi hian kan budget leh kan awmdan tur kha a hril tur a ni tih a rawn sawi a. Hemi eng atang hian kan budget kha lo thlir ta ila, tah hian estimate of Gross State domestic product (GDP) is one of the most important single economic indicator to measure the over all economic development of a state. It is the estimate of the value of all goods and services produce within the state during different period of one year a ti a. Hemi kan dinhmun chiah eng sector of population hian nge kan budget allocation ah hian priority chang ang a engnge a kalhmang tur tih lai kha GDP ah a contributor sector ho ah hian a va in ngah a ngai ta a, kan dan thar in a phutdan ah kha

chuan. Tichuan Primary sector a mi ho kha chu kut hnathawk leh mirethei Association te hial siam a, eitur harsa em em leh thawhchhuah na tur nei lova Zoram mipui chanve vakvai te hi an ni tlat mai a ni. Chumi te zuk relief-na tur atan chuan kan budget thar hi chuan in a sectoral back-up ah pawh lion share a chang ang a.

Tin, a dawt leh ah Secondary sector a awm ho Industries small unit te pawh a niang khang leh hemi in a huam chi reng reng kha 1% pawh rawn contribute theilo te thawk leh khata rawn contribute tam thut tur a kan swi te pawh hi a dik chiahlo mai thei a. Engpawh nise, khami te kha a lo pawimawh leh ta a. Khami atang khan kan kumin annual plan Rs. 850 Crore sectoral allocation kha han en leh dawn ta ila hetiang hian a ni ta a. Agriculture and Allied khan 76.25 Crore a chang a. Rural Development khan 46.59 Crore, special Area in 44.63 crore ang khan an kal ta thliah thliah a. Tahchuan Secondary sector-in a chan tak hi Industries and Mineral tih heng ang promote na atan hian 20 crore chauh, 80 a rawn chang chhova. Transport hian in a chang tam em em mai a. 147.91 crore a chang a. Hemi Sectoral allocation atanga kan zuk en chuan tuna kan ram economic dinhmun chawikang tur khan hemi Fiscal Policy kan han siamthar takte leh survey atanga khalai a tul ang zuk beih na tur kha kan bel fuh tawk lo deuh a nih hi mawle tiin ka hria a. Helai pawh hi thil tihthat leh theih loh anga awm tlat tur a ni lo a, chuvang chuanin kan House Leader khan uluk zawkin min thlir sak se a tha awm hle e tiin ngenna kan siam duh leh a.

Tin, hemi sectoral allocation a priority an han set ah hian in Agriculture & Allied Services Activities hova thlan hi chu a dik reng mai a, tuna kan Contact ah pawh khan. Helajah hian a hman danah kan fimkhur lo em mi ang aw! tiin ngaihtuahna ka nei a, hei mirethei Association te a lo ding ta a, chu chuanin Member hrang hrang heng te hi tunah pawh an retheih ziate leh chhanchhuah an ngaihzia sawichhuak turin lehkha min pe theuh va. Chuvang chuan khang Mirethei Association hova te kha hemi Agriculture & Allied Activities neitute ho vek hi an lo ni ta a. Chuvangin kan budget hi kan hman chhoh kawngah a target group a te thleng ngeia siam a pawimawh dawn a ni.

Tichuan, chumi rual chuan kan GSDP a, a Contributor Secondary Sector ho tan khan an infrastructure pawimawh deuh mai lo lang a chu Power Sector tih ang te hi a lo ni ta a. Mahseng heta kan distribution allocation ah hian Power Sector te chu pathumna emaw chauha dah a ni a, tichuan kan install capacity kan neih lai han sawilan a te pawh kha 46. Mega watt emaw chauh a ni a. A tak taka Power Sector survey-ah te kha chuan tun kuma kan power demand te chu mega watt 110 chuang 120 vel lai a lo ni tawh a, chutiang khawp chuanin thil fiah lo deuh a awm a hengah hian. Chu chu mumal zawka thlir tlan leh te pawh a tha awm mange tiin kan ngen a ni e. Ka lawm e.

PU R. LALZIRLIANA

: Pu Deputy Speaker, vawiin niah Budget sawihona tur General discussion hun tha tak mai kan nei leh a, a lawmawm khawpin ka hria a. Hei vawiin niah hian

kumin Budget hi kan House Leader hian sorkar sum indaihlohna deficit pawh a tlem ta hle niin a sawi a. Chutah chuan kumin ah hian cheng nuai singkhat leh sangli zali leh sawm leh pasarih a ni tih thu kha a rawn sawi a. Tichuan nakum lama tun hun tawpah pheih chuan cheng nuai sanghnih leh sawmriat leh paruk chauh anih dawn thu te min rawn hrilh a ni a. Kan Finance Minister zahawm tak hianin hei para 9-na ah hian a rawn saawi a ni a, hetiang anga a thusawi hi belhchian a dawl em tih hi han en chuan Annual Financial Statement 2007-2008 ah hian 2006-2007 a kan indaih lohna tura an chhut lawka chu Cheng Nuai sanghnih leh zasarih sawmpakhat chauh a ni a. Amaherawhchu, a takin kum a lo thar a 2007-2008 opening balance kan han hmuh chuan cheng Nuai sanghnih leh zasarih leh sampakhat nilovin Cheng Nuai singkhat leh zali leh sawmpasarih daih ani tih hi kan Annual Financial Statement column tawp ber ah hian chiang takin a lang ani. Chuvangin, kumin closing balance a Cheng Nuai 2085 chauh ni tur anga a rawn sawi hi tun kumin kum 2008-2009 opening balance kan han en ang a, hei hi ani dawn lo ani tih hi Member zahawm tak te hian lo chhinchhiah ula a thain ka hria.

Hei hi thehlep taka mi in tih lawm tumna reilote intih lawmna chauh niin a lang ani. Tichuan, The Mizoram Fiscal Responsibility and Budget Management Act, 2006 avang hian kan Finance Minister zahawm tak hian kan kal tha ta hle niin hemi a speech para 6-naah hian a rawn sawi leh a. Mahse, a fel tawk lo nia zua hriat vena kan nei leh tlat a. Hei hi a dik em? Nakinah min lo chhang sela. Kan lo hre sual zawk pawh ani thei mai thei a. Kum 2006-2007 sum hman tur Budget Estimate B.E. chu buhfai leh thildang stock suspend dang tiam lo khan Rs.19,66,94,064 a ni a. Chu chu Financial Year a lo nih hianin CSS te, NEC te atangin pawisa tam tak kan hmu a. Chung chu supplementary demand ah hian 2006-2007 ah hian a rawn lang leh vek ani. Chungte leh kumin BE leh Supplementary Demand belh khawm hi kumin 2006-2007 a Sorkar pawisa hman chu ni mai awm tak a ni a. Chutiang chuanin Budget Estimate leh Supplementary Demand a pawisa lo lang hi han han belhkhawm chuan Rs. 25,58,39,95 a lo chhuak a. Mahsela, Revised Estimate 2006-2007 ah hian Cheng Nuai sanghnih leh zali sawmhnih leh sing ruk leh sang thum point eight six a lo lang leh si a. A inthlahna hi cheng Nuai singkhat leh sangthum zasarih saawmsarih leh point zero nine ani. Hei hi engnge a chhan hi kan Chief Minister zahawm tak Finance Minister hian min rawn chhang sela a thain ka ring ani.

Tichuan, Treasury khar ve ngai lo MNF Sorkar-te kan han ti a. Kan MLA zahawm tak tak mithiam pui pui keini aia hre daih zawk ten an hriat dik tak zawk an rawn sawi duh lo hi a run thlak hlein ka hria

a. MNF Sorkar a lo din tan tirh 1998, 1999 vel kha chuan K. deposit ah hian Nuai sangnga leh zasarih leh sawmthum pathum vel chauh an dah ani. Khang kuma Financial Statement en ula a entheihin ka ring ani. Chutiang ang chuan chung hunlai chuan Treasury hi a pangngai anga a kallo deuh anih pawhin Sorkar hian a duhsak ani. Chumi avang chuan Treasury kan khar lo han tih vel hi a zahthlak hlein ka hria a. Helaiah hian Annual Financial Statement page 17 naah khan column 3 naah khan a lo lang ani. Tahchuan nikum 2006-2007 a BE ah chuan 1710 chauh kan hmang ang an ti a, an dah ani. Nimahsela, helaia an dah tak tak ta chu ni phalo chung an dah sak a chu Cheng Nuai 29552.21 daih ani.

Chuvangin, vawiin niah hian diklo taka mite zirtir thin khan vawiin niah hian ngai kha an la awh ani tih hi a chiang reng ani. Chuvangin, Treasury khar loh in tihtheih te hi an hriat zawka mipui hnenah an daw duh lo, a diklo zawk mipuia an rawn hrilh thin hi thil runthlak tak niin ka hria Pu Dy Speaker, He kan Finance Minister zahawm tak thusawi ah hian thil tamtak a lo lang a. Home Department ah te pawh 3rd IR Battalion din mai tur ani tihte pawh kan hria a. Nimahselangin, helaia a thawktu Mizoram Police Service Organisation (MPSO) ten an mahni a latu zawk turin dik leh fel taka lak nisela a tlingte chauh lak nise tia PR an rawn siam Sorkar an rawn vau dawt te kha a zahthlak tawp ani lawmni? Sorkar hian an tih loh tur ti turin kan Police Officer te hi nasa takin an nawr ani tih hi heta tang hian a chiang em em ani.

Roreltu thalo hnuaiah pawl tamtak vawiin niah hian a lo piang tawh. Tunah mirethei pawlte a lo ding, kuthnathawk pawl ka bial atangin a lo ding chhuak. Heng te hi engvangnge he Sorkar ah hian an chan tur an chang lova, an chanloh tur paawh chu chang chuang lova, helaiah a thil tithei zawk ten an ei zawh sak zel avangin kut hnathawktu pawl an lo ding chhuak a. Vawiin niah he Sorkar ah hian mipui ten rinna an nghat tawhlo ani. Chu mai anilo mirethei pawl lo ding chhuak hi a va zahthlak tehlu em Pu Deputy Speaker, keini kan Sorkar ve leh thei anih chuan heng pawl hi a ding mai lovang tih hi vawiin niah hian ka sawi ngam ani. Chutiang chuanin MNF Sorkar hi rorelna Court hmaah vawi 4 tawp an tlawm tawh. In hria em? Vawiin ni a thusawi mek Pu R. Lalzirliana'n thudik a puang chhuak a, he Sorkar hian hel hnenah sum a pe thin a, chu chu mipui hnenah ka puang a, thudik sawitute rahbehn an Sorkar chakna ban tha ringin Court ah min klhing a. Nimahsela, Court zahawm tak chuan vawiin niah chuan he Sorkar hi thiamloh a chantir ta zawk a ni a vawikhat nan.

A vawi hnihnaah Chhim lamah Mara Autonomous Council ah thudik tantute rahbeh nan Court ah an kal a, Supreme Court ah an kal leh a. Tum thum an kal zawn a. Nimahsela, dikna hi rahbeh hlen theih anih loh avangin, he MNF Sorkar hi tum 4 tawp tun hnaiah hian Court hmaah an tlawm tawh ani. Rorelna Court hmaah zamlo la kan vote ang che tih

hlasa thinte kha kan ni lawm ni. Vawiin niah hian a zam leh thiam loh chang zawk chu he MNF Sorkar hi ani chiang alawm. Vawiin niah hian Rorelna Court hmaa zamlo chu tutenge ni? Pu Lal Thanhawla in heknate hi vawiin niah hian ti chhuak rawh u. Kan zam love. Pu Thleng, Minister ah pawh an dah ve theilo che a, engatinge heti em em a i la tan. Ka sawi vek mai tur che ania. Chuvangin, Pu Deputy Speaker, I kal tlangin helaia ka thianpa kha ka va ti lawk ania. Tichuan, vawiin niah hian sawi thiam politician te chuan heng kan Budget ah te mawikhai takin kan deficit-na tur chu cheng tlemte ani an ti. A tawpa a actual lo lang leh chu mipuiin an hmu leh tho. Rintlakah he Sorkar hi an ngai tawhlo ani. Sawithiam politician ai chuan a taka ti thiam politician he ram mipuite hian kan mamawh tawh zawk tih ka sawi ngam ani. Tichuan, he ramah diknaa rorelna daltu te Sorkar hnathawk leh Minister te pawh mi pamham tam tak kan awm thei ani.

Chuta, dikna a rorel anih theih nan Mizoram State Information Commission India Sorkar-in he Sorkar-ina function tir a duhlo chung tih luihnain min rawn tih tir ta a. Chu chuan hna tha takin vawiinah hian a thawk mek ani. Nimahselangin, chumi tibuai tur chuan ti khawtlai tur chuan, RTI hmanga an lakchhuah theihthe kha tih danglam tumin/tih khawtlai tumin vawiin niah MSU chu engtinge ni thamna an pe nge ka hrelo an lei nge ka hre lo. Hman theihin an lo awm leh ta a zahthlak ani. Heng te hi enchiang rawh u. Tuirial Hydro Electric Project Compensation kan Chief Minister unau ten an phuloh chung lak an duh avanga khulai In 67 tal tap total band an siam ang khan, Commission member te dang tura an tih te hi, in tih leh tir palh ang e. In mualpho lutuk ang tih hi ka hlauhpuoi tak zet che u ani.

Vawiina diknaa rorel duh zawng zawng he Sorkar hian uphlum in tum na lamah hian in mualphona hi a la thleng dawn tih ka hrilh duh che u ani. MIP ah te 20 Crore kan dah kan ti a. Mahse, MIP ah hian a changtu tak tak turten chan an nei lova. A tirah 1st installment tihte a la ngai Rs. 3500 a tawpah Rs.4000. Chutiang chuan an semkual vel a Pu Deputy Speaker, he Sorkar hian. Chuvangin, hlawhtlinna tham tur reng reng a awmlo tih hi ka sawi duh. BAFFACOS kan ti vawiinah hian ka bial chhung ami nge. Lo neitu ten Lo an nei a, nikum ah sazu in a seh zawh sak a, an in report a, Sorkarin sum tlem chu a han pe ve a. Nimahsela, V.C. ten mipui nawlpui inhlawh nan a lo hman sak leh vek si. Heng BAFFACOS hi tu tan nge in dil chhuah? Lo neitu sazu in a seh a tuar tak tak tute tan khan a ni lo em ni? Vawiin niah khian ngatinge heti mai maia Sorkar hian in hman le! tih hi ka ngaihtuahnaah chuan a la awm thei ani.

Chutiang chuan, heng kan Budget Speech ah hian Finance Minister zahawm tak Speech ah hian Tax lakna turte Tolls on Roads and Bridges te a han ti a. Water meter ahte Tax kan han la leh zel a. Heng te hi

vawiinah tui chu pe tam thei chuang si lovin, kan dawn ngai reng kha meter system in bil anih chuan a tam zawk Rs.400/500 Rs.100 kan chawina thinah khan kan han chawi leh dawn a, mipui tan a na em em ani. Aizawl Greater Water Phase II kan han ti leh dawn a. Mahsela, tum 3 a flop tawh ani. Hawn an tum a, an hawng thei tawh lo a ni. Hengte hi engngeni a chhan kan Chief Minister leh Home Minister te khan Contact an pek dawna, vaibelchhenga an dawng ani tih he House ah kan sawi tawh thin kha. He Contractor hi an ti tak tak ngam lo nge? Sawlaia Bungkawnah an thawh mawlh mawlh laite enngun lovin, Arcadia in bul lawkahte chuan Pathianni khan an lai chhuak leh a. Cement concrete a tih tur ngawih ngawih ti si lovin, khatiang mai mai khan an ti a. Vawiinah hian khatiang kha an Contractor tena kan Chief Minister kan Home Minister-te an zahlohna kha ani. An zahlohna chhan kan tih chuan sum leh pai an lo lak lawk vang kha ani. An zahlohna chhan kan tih chuan sum leh pai an lo lak lawk vang kha ani tih hi vawiin niah hian ka sawi duh ani. Ka lawm e.

PU LIANSUAMA

: Pu Deputy Speaker, kan Budget kan hmuh tlan tak hi lawmawmna a tam hlein ka hria a. Pakhatna ah chuan kan Finance Minister, Chief Minister nikhawpin nikuma

Dan tha deuh mai thlasik Session a kan passed takin a ken. Kan hmaa Member-te pawhin an rawn sawilan kha thual ka duh a. Economic survey report kan hmu thei ta te, State economy dinhmun te leh medium term Fiscal Policy kan hmu thei ta hi he Budget discussion min ti bengvartu leh kan ram dinhmun dik tak rawn pho chhuaktu anih avangin a lawmawm hle a. Tin, kan Financial Administration pawhin phuisui lam a pan zel a. Kumin kum tawpah phei chuan kan Budget pumpui deficit tur hi a tlem ta hle mai a. Kum 2009 ah phei chuan deficit nei lovin kan awm thei dawn ta a ni han tihte bak hi chu dik tak chuan Budget present danah hian keini State Income nei tlem tan chuan vang tak ani.

Tuna kan Chief Minister te term hun hmasa lam dinhmunte han ngaihtuah chuan kan Financial Administration chhiat luattuk vang pawh ani kher lovang. Hun a kal zel a, Central Sorkar economy a lo tha chho zel a, tun dinhmunah chuan chumi zar zo zel chuan leiba rulh kawngah te, interest payment-ah te, fiscal difficit hrim hrim te pawh a lo ziaawm ta hret hret mai han hriat hian a lawmawm. Chutih mek lai chuan Lunglei 'S' bialtu zahawm takin a sawi kha ka rilrua ka lo ngaih pawimawh em em a ni a. Economic Survey-a a landan hian kan income pumpui 2965 Crores a ni. Chu chu Mizoram population-a han sem rual chuan per Capita income-a lo chhuak ta a. Mahse kan bihchian chuan he kan Gross State domestic product rawn thawk chhuak tu Agriculture and

Allied Sector 60%-in a an Contribute hi vaibelchhe 2965 atang khan vaibelchhe 593 vel an rawn thawk chhuak ve a ni. Secondary Sector te vaibelchhe 504 vel an rawn thawk chhuak a. A bang zawng za zela 62% vel kha Tertiary Sector ten an thawh chhuah a ni. Chung chu sumdawng leh Contractor-te leh Sorkar hnathawk hlawm tihna a ni. Chuvang chuan Agriculture Sector-a hnathawk tu ten an per Capita income chu a ni ta a ni. Chuti a nih si chuan chumi te tana tuna vaibelchhe 850 investment kan pek lai tak hi ngaihtuah a ngai ta chu a nia, engtik hunah pawh he Agri Sector leh Allied Sector ami te an changkan ve hma chuan kan ram economic dinhmun hi lengtha thawkhat hle mahse ram changkang ten an tihna ang tlangpui hi an thleng ve pha ngai dawn lo a ni.

Tichuan he kan report-a a lan dan hian an that zel dan tur kan forest pawh hi neu angreng tak a la ni tlat mai a za zel ah 4.5 in heng ho hi an thang dawn chauh a ni. Chutih lai chuan Secondary Sector te chu za zelah 12.5 in an thang a. Tin Tertiary Sector ami te 10% in an thang dawn. Tichuan a population za a 60 chuang kha kut hnathawk tu an ni si a. Chumi income a san ve hma chuan per capita income hi sang in lang mahse a rualkhai lo ta a ni. Chuti a nih si chuan he kan plan vaibelchhe 850 sem leh dan hi han thlir chuan Agriculture & Allied Sector-ah Kum hlui ai khan kan pe tlem a Power Sector-ah a tlem baw a, Social survice leh Education ah a tlem zawk baw a. Kum hlui total budget atanga 10.1 a nih laiin tun kan Budget saawi mek ah hian 8.97% in Agriculture Sector pek a nih avang hian heti zela a kal chho a nih chuan ngai pawimawh a kan in sawi lai tak hi Budget-hi mawi viau mahsela kan ngaihpawimawh ber ah kan in seng phal tlem deuh niin a lang a, chuvang tak chuan Fiscal Administration ah Correction lawmawm hle mahse Economic development tak tak thleng tur kan nih chuan lo neitute leh kut hnathawk tu chi hrang hrang chanvom hi kan siam tam hma chuan kan ram hian he Budget zar kan zo ve thei tak tak dawn lo a chutak chu kan Chief Minister Finance Minister ni kawp baw kan ngen pahin Revised Estimate-ah te pawh heng hi la siam that theih zel a ni a kan Budget pumpui Overview ka lo hmuh dan atanga khang kha ka sawi chhuah leh heng report atanga lo lang te an ni a. He kan Sorkar hian tan la sauh sauh turin kan nengin kan sawi ve a ni.

Pu Deputy Speaker, kan ram kan vannei hle a 5 year plan tharah kan chuangkai chiah chiah a. He 5 year plan thar lo awm turah phei chuan Crore 4500 lai Kum 5 chhung kan hmang chho dawn a a tak tak ah phei chuan hei hi kan khum nasa dawn hle in ka ring. Chuti a nih si chuan kan ram hi India rama State entawn tlak Financial Administration ah paawh khawsak phung hrim hrim ah kan ni dawn a nih chuan eng ang in nge hma kan lak ang tih lai hi a pawimawh ta a ni. Budget ah pawisa kan thawh chhuah hi a tha khawp mai a kan Planning pawh hi a sual hranpa in alang lo, mahse a execution lai tak hi a pawimawh chu a ni ta a ni. Kumin ah pawh hian Budget provision

han en hian Food Security atan Sorkar a lo phal khawp a, chungte zingah chuan Tui lakna tha leh thil dang a lang teuh mai a, kum hluia kan Budget passed-a Minor Irrigation a pawisa kan neih a pawh hi pakhat mah March thla tawp dawn thlenga kan la hmang theilo te hi working Season hi a uihawm hle mai a, chuvangin pawisa kan hmang thei tlai lutuk lai hi en ngun a ngai khawp a, nikum ah pawh khan Agriculture leh Horticulture lamah thlai chi tha tak tak an dah chhuak a, a lo thlen a, a chin hun lo pel tawh te a awm thin. Chuvangin a scheme leh a plan hi a thalo ni lovin a execution lai a hian kan Sorkar hi tun ai hian fimkhur deuh hlek sela chuan heng pawisa tam tak hi a va tangkai leh zual dawn a ni.

Tin, pawisa cheng vaibelchhe 850 kan hmuhna Sorkar hrang hrang kan budget bu a a lang vek a, kan hman leh na tur ah hian Tlungvel bialtu zahawm takin a swi ang khan thalaite huang lam pang hi duh ang tawkin kan ngawrh lo a ni lawm ni? Tin, kan Ram leh Hnam Khawvel a min pho chhuaktu Sport and Youth Department chungchante, tin, Score thatak kan neih Tourism chungchante, Governor thusawia te leh kan Finance Minister thusawi te hmaih ani zel ta hi chu tih leh hunah chuan kan hmaih tur a ni tawhlo ang tih ka ring a, thalai tam tak a awmlai hian a famkimlo laite General discussion ani bawka, kan tarlang a ni.

Tin, Pu Deputy Speaker, kan Ram hian reilote a kan intodelhna kan ban phak mai si a awm a, chu chu Sericulture hi a ni, Sericulture tuna pawisa kan pek tawh hi a tlem hle mai a, cheng vaibelchhe 850 atang khan nuai 400 Plan a kan pe a, hlawh a engemaw zat an han hmang then leh bawka anga, chuvangin kut hnathawktu tak tak te tan helai hian han thil phal deuh ilang chuan kan ram hian Economic-a thla kan zar thei anga chu bak a Fisheries ah hian nuai 250 vel kan han pe ve tlat a, he sectors pahnih ah hian nuai 250 vel kan han pe ve tlat a, he Sectors pahnih ah hian tan han la ilang chuan kan ram a kan kut hnathawktute tan leh a ram pum tan hrim hrim pawh hian a tha dawn a.

Tin, Sericulture that zualna chu Afforestation a tel nghal a, water shed Development atan a tangkai nghal bawka. Tin, a Market-a buaina awm ve reng reng lo a ni a hralhna tur zawn chawp ngai Aieng kan buaipui ai hi chuan Sericulture-ah hian in concentrate ilang chuan kan tisual reng reng lovang. India ram in silk a Import nasat ziate kan ngaihtuah chuan Mizoram hi hamthatna tur, Apple an sawi apiangin Himachal Pradesh leh Kashmir mitin te rilru-a a lo lang ang hian Silk sawi apianga Mizoram lang ve thei mai tur hian kan inpho chhuak thei a ni. Chuvangin MIP hmanna tur atan te, BAFFACOS hmanna tur atan te hian hei hi kan hmuh hmaih in ka hria a, kan Chief Minister ngei pawh hi House-ah hian kan ngen a ni. Helam pangah hian tan han la deuh ilang

tuna pawisa kan pek let han pephah ilang chuan kan kut hnathawktute hian khua an hawi ngam ve anga. Raltiang an kai ve ang tih hi, a rin theih a ni. Chuvangin chuan Agriculture & Allied Sector ah hian Sericulture pawh hi khung lut ve law law ila. Industry Sector ah hian telh tir lo nghe nghe ilangin a tha zawk lawm ni chu aw! ka ti a. Tiang chuan, priority tak tak anlo chang anga. Thu mai ni lovin, sum leh paia kan vawm belh bawh chuan atha ang tih ka ring tlat maia, Chulai a chu, uar deuh hlekin kan sawi a ni.

Tin, Pu Deputy Speaker, ka rilrua lang lian deuhreng chu, chawhma lamah pawh khan zawhna chhannaah khan kan cheng reia Aieng chungchang hi a ni a. Aieng hralhna tur atana kan sorkar tena an biak pawh hi kan phak ang tawkin kan lo thlithlai ve renga, green Cover an tihte, ITC an tihte leh adang te pawh hi. Heng hi vawiin niah chuan kan la inbe meka, a chi kan ling tan mek tawha, ka hlauhthawn angreng chu, Mau a tam meka, buh kan thar bar dawn lova. Tichuan nakum February thla ah kan Minister zahawm tak khan Aieng chawh hun takah kan han cho anga, buh kan thar dawn silova, kan hralh leh lo anih ngat chuan, kan ram mipuite hi an rethei ngawt ang. Chuvang chuan, Indopui puana, tuna kan do tur chu Mautam tam kan do dawn a ni a. Chuta tan chuan BAFFACO Vaibelchhe 35 kan sem dan te pawh hi, Sectoral Allocation ah hian alang veka. Kan tan dan turah hian khami lam hawia kan tanglo anih chuan, vawiin nia busget taka theihtawp chhuah tute hi nakum budget Session-ah chuan, a hrialhai tur kan nih dawn avangin kan sorkar lam hotu te hian thahnemngai takin hma lo la sauh sauh teh u. Kawng dang hi a chawl deuh anih pawhin a pawilo mai lawm ni? Jathropa kan lo thar anih pawhin a hralhna tur a chiang mai, Sapthei te pawh a process na tha tak, Chhingchhip ah kan nei tawha, a hralhna tur a lungngaih thlak lohna a ni tih kan hotuten an sawi hi kan awih a ni. Sorkar ina kutthlakna lianpui a ni. Kan Minister pawhina chawhma lama a sawi Demand ah pawh kan la sawi zel anga. Aieng hralhna hi soekarin a lei dawnlo anih pawhin, a hralhna chu Anthurium te, kan hralh thei anih phawt hi chuan, chin chakawm ngawih ngawih a ni dawn. Chuvang chuan hetah hian, sorkar in thapui a thawh angai a ni, tih hi kan sawi duh a ni e. Ka lawm e. Pu Deputy Speaker.

PU LALTHLEGLIANA

: Pu Deputy Speaker, ka lawm e. Hei, kum-in Full Budget kan han sawiho thei hi a lawmawm hle a. Tin, kan Budget han thlir hian a ropui pawh a ropuia,

Vaibelchhe 225267 lai kan han neih hi a ropui em em maia. Hetah hian kan Finance Department lam leh a changtu Minister te an fakawmin ka hria a. Kum 1998 leh 1999 ah khan khami Congress Vanglai, Sorkar huntawp mek, an Budget san lai ber khanin Vaibelchhe 771.45 a ni a. Tun budget nen hian a va inthlau ta

em em ve ka sti a. Vaibelchhe 1481.22-in a inthlau a khatih lai hun nen khan an inthlau daih maite hi a ropui khawp mai a. Central-ah an sawrkar bawka, helamah an sawrkar bawka. Chutichung chuan khatihlaia 771 vel chauh mai kha a ni a. Vawiin niah hian lawmthu sawi tlang ngawih ngawih awm kan ni a.

Tin, Central lampang pawh hi fakawm ka ti a keini ang State rethei te hetiang taka hriatthiamna neia min han duhsak te hi Central sawrkar chungah pawh lawmthu sawi ngaiin ka hria. Amaherawhchu hetih lai hian ka ngaih erawh chu a tha vak lova, a chhan chu Mizoram min duh sak em em tu Sawrkar khu a tla mai dawn ni awmin a lang a. Punjabi Prime Minister-ah an dah chung pawhin an Policy hi a thalo a ni ang, an tla hneh em mai a, Uttaranchal-ah an tla bawka, hei Left Party-te lah hi an in Withdraw tum ut ut reng mai si a. Nizan thleng khan thawm lian tak an la nei zel mai a ni si a. Chung te han ngaihtuah chuan reilo teah hian an tla leh mai anga, min duhsaktu hi kan chan ang tih te pawh chu kan hlau deuh a.

Engpawh nisela an tlak loh nan te pawh Pu Deputy Speaker, I veilam a mite khu lo tawngtai uar deuh sela a duhawm khawpin ka hria. Hetiang anga budget tha tak mai kan neih karah hian, hei kan NMAA-te advertisement atana sum dah tlem thuah MLA te lehkha te min han pe a, a lungchhiat thlak an han ti hi a dik pawh a dikin ka hria a. Amaherawhchu helajiah hian chian ngai deuh chu a awm a, heng office expensive atang te Budget atang, khatiang atang khan Work Project atan 10% te dah a ni a. Khang atang khan a provision dah atang khanin heng advertisement-te hi pek fo an ni a. Chutiang chuan heng bakah hian a senso na tul a nih pawhin R.E. lamah kan hotuten an ngaihtuah thei zel ang tih ka ring a, lehlamah a hlauhthaawn awm lutuk lovang tih kha kan ngaihdan a ni a. Office expensive budget atang tein an hmang ber a. Chubakah Work provision project atangin, khatiang atang khan 10% ah a nih hian department pakhatin hna te lo nei ta se khata tang khan advertisement tam tak hemi pawisa dah bakah hian a piang thei a ni. Chuvangin kan Chanchinbu lam MJA-te thlaphang lo turin kan duh a. R.E. lamah pawh kan hotuten an dah belh sak zel thei turah kan ngai bawka ni.

Tin, a dawt leh ah chuan Pu Deputy Speaker, kut hnathawktute hlamchhiah lutuk angin i veilam a mitten an han sawi thin hi a mak ka ti a. Kei tunah Baffacos-ah pawh a vaibelchhia, a vaibelchhia 35 a dah a ni. NEP-ah vaibelchhe 20 zet an dah te hi tunhma hunte kan ngaihtuah chuan, tunhma 1998 vela budget te kha han thlir kir ila, a nuai bi khan tlem te te dah a ni a. vawiin ni ah chuan kut hnathawktute tan hian ni hi a chhuak tak meuh niin ka hria a, a thlamuan thlak niin ka hria a, a thlamuan thlak a ni. Reiek Aieng te pawh kha chin pun theihna tur in Nuai 18 pek an ni a, tunah khuan a nuai tam tak Vaibelchhia dawn an lei a, food for work a hnathawk tur pawh an hmu tha

tawh manglo a ni. Chutiang chuan Aieng cho in an feh chhuak suau suau mai a ni, kha kha tunah hian an phur chhuak vek tawh a, uluk takin AMFU-te V/c ten an buk a, tiang chuan an dahkhawm zel a, Rawpuichhip ah, Hmunpui ah, Lengpui ah, Ailawng ah, hetah Tuahzawl ah te khatiang khan an pe pheii vek a ni a. Tunah hian sawichhuah vek tawh a ni a. Reiek-a an thar zawng zawng Quintal tam tak kha, 4000 qtls. Chuang daih kha tunah khuan Reiek khua ah an chin tir mai nilo pheii chu a awm tawh lo a ni.

Hetieng tak hian kuthnathawktute tan Malsawmna hun a rawn in hawng ta hi a ropuiin ka hria a. Pu Deputy Speaker, kan sorkar sum hi mipui te tana ngaihtuahna leh hamthatna tura hnathawk an nih zia hi a lang Chiang em em a, tun Budget thar kan han pharh ah pawh hian a hma ang bawkin dik takin mipui te hnen thleng phakin a thelmg thei tur ang chin chin chu a kal dawn a ni tih a lang reng a ni. Kawngpui 59 lai laih a ni tawh te Bamboo link Road te siam a ni a, nimin a Chawngte bialtu zahawm takin a han sawi Chawngte bial tunhma a ngaihsak ngailoh helai ah mipui te hnen pawh ri thleng ngailo kha Diltlang to Chawngte kawng te Chawngte to Borapanni kawng te Chawngte to Ajasura kawng te khang laih zawh vek mai alo ni ta te han ngaihtuah khan tunah chuan Chawngte te pawh Chakma District-te pawh harhna thlarau in a tuam ta a.

Chuvangin Bye election ah pawh khan a Sangtel chuangin kan han hneh a ni a. Vawiin ni ah khian MNF lo chu hmuhtur pawh an awm tawh lo a ni. Congress tih ang reng chu kelchal tlanche ek ang hian an lang pheuh pheuh chauh mai a ni a, hei hi engvangnge kan tih chuan kiltin kiltang hi Development hian a thleng a ni tih a Chiang a, hetah tamtakin kan hmuh phakloh Saiha Bialtu zahawm tak Pu S. Hiato kha chuan a hria anga, a sawi duh thin si lova, hetah Saiha tlangpui piah lam Siachangkawn Lungpher kawng te hi han en ila Burma ram ep ut mai a ni a, khi laia an kawng laihte han hmuh chuan Kawng ropui tak tak vek a ni tih hi a lang reng mai a ni. Chutiang khawp chuan he sorkar hian hna a thawk a, hetieng budget ropui tak hnuaiah pheii hi chuan kan va han che nasa dawn em ! tunah pawh Token angin Nuai hnih leh tih lek kha NEC ah te dah a ni a, lo la kal tur a ni a, khang zawng zawng alo kal chhoh leh pheii chuan Mizoram mipui hian nuamsingkhaw kan ti ngeiin ka ring a ni.

Chutiang taka hnathawk kan nih avang chuan nimina Kawnpui bialtu zahawm tak pawh khan lungchhe Van *kaiin fehkawng zawng zawng hi Truck Road in min han siam sak teh u an timai te kha a ngaihtlak a nuam angreng a. Lehlamah chuan a huphurhawm bawk si a. Thil ti thei hian min ngai khawp a, he sorkar hi a va lawmawm em ka ti a kan lawm tlang a ni a dik tak chuan. Chuvangin vawiinnia thu khawm te hian i dinglam a mi leh i veilam a mite Pu Deputy Speaker kan zavai hian he kan Budget-ah hian lawmtlang tur kan niin ka hria a. Nuai sangkhat leh zali dtia an hunlai leh tun in

thlahna te a rapthlak lutuk a ni. Chuvangin lawmthu sawi bawrh bawrh tur kan nih lai hian khawimaw lai point la chhuakin thinrim lek lek a kan han ang thin te, in an thinrim hrim hrim te kan han tum, nuh te pawh hi a za deuh thin a, a dik tak chuan hei thlichhetleh kum atang a thil la awm ngailo hi eng sorkar mahin an la tih theih ngailoh MLA, LAD Fund nuai sawm leh panga kan han nei ve ringawt mai te hi kan hmang dik ropuiin ka hria a Pu Deputy Speaker, I dinglam a mite hi chuan a dik takin kan han pek reng reng a pawh hi phochhuah ngam niin ka hria a. I veilam amite erawh hi chuan an party tan an pe nasa lutuk deuh em aw! ka ti a. Heng te hi a lawmawm tehluul nen. Hmuntin ah an ziak a an tar a ni a. Ka bial ah te khuan khawtin maiah hian kan hmalak na hi hmuh a nuam em em a ni. Keimahni kut ah cheng khatmah a lut lova, DC. atangin kan pek zat tur kan ziak a an lo siamrem mai a. Khatiang anga thil thianghlim hmanna tur hi vawiinni ah Jarkhan te Delhi ten Crore zahnih te anneih lai hian MLA hovin sawmpanga kan lo nei hi tunhma atanga lo tan tawh chu ni ila tunah hian nuai sawmnga velah hi chuan kan lut ve turah ka ngai a. Mahse eng sorkar mah khan an ngaihtuahloh thil a ni a. Chutiang chuan vawiin niah he sorkar chak tak mai hian hetiang ang MLA te harnthatna tur mai nilovin mipuite hamthatna tur tak tak thil ngaihtuah chhuak a MLA zawng zawng te hmun tur nuai sawmpanga theuh min han siam sak te hi a lawmawm tak tak in ka hria a ni.

Tin nimin a kan Buarpui bialtu zahawm takin a an sawi Salary Pay Allowances, office expenditure tih vel tam lutuk fatu hlui tam a rawn sawi te pawh kha a dikna chen a awm a ni. Sorkar hnathawk an tam si a, tin, hemi Motor lamah te Expenditure namen lovin a lo sang a. Heng ang chi hi tam lo thei pawh a nilova, Sorkar hmasa zawng zawng pawh khan an lo buaipui tawh thin a ni. Tiang chuan tun sorkar ah erawh hi chuan pension ai te, bang aite, khatiang thi aiah te in duh duh in lak ang thin kha tunah chuan a theih ta loh a ni a. Khang ang kha an post an thihpuia, an post an pension puia, an post an ban pui a ni. A thar a dil leh ngai sel a ni a. chutiang ang chuan renchem takin kan kal a namen lovin hmasawna a lo thleng chhova, a zia pawh a awm chhova.

Tin, namen lovin hmasawna a lo thleng chho a, a zia awm chho a, Motor privatize chungchangah te pawh hian namen lovin Expenditure-a suhniam a ni. Chutiang tak chuan he sorkar hian hma a la nasa a ni. Tunah pawh buan a hmaa kherh tih angin hma kan lakna turah, thenkhatin dah ni rawh se, DAH a ni mai kan han ti ngawt thin te hi, tihdan a ni lova, a leina tur erawhchu engemaw thlai, Zoram pumpui leh ram tana hralhchhuah theih leh hlawk chi zawn a ni a, tuntumah aieng kan han ti a. Aieng hi chu Khawvel hnamtin chawhmeh ti engtu a ni a, damdawi atan a tha bawk a, a hralhna hi a tam ngei ngei ang, tih hi a chiang em em a ni. Helaiah pawh ngaihtuah buai em em mai tawk kan awm thin hi chu a vanduaithlakin ka hria a, kan hralh em em ang. Tunah pawh a chi tur, heti zozai mipuiten a thlawna an lo chin theih tur malsawmna lo luanglut ropui ziate hi amah fak mai loh zawng tih tur dang a vang

hle ti awm tak kan nih lain a ni lo zawnga kan iak kan iak mai pawh hi a pawiin ka hria a ni. Entirnan :- Thlai chin uar tur bik Sericulture chuangchangah te pawh thingtheihmu, emaw sasawthing emaw uar te pawh a tha tho. Chutihlai chuan thlaichi leina tur dah ngawt ila, Maian thlengin kan lei dawn em ni ? Heng ang chite hi ngaihtuah chian a ngai a, a tul anga sorkar-in a ngaihtuah leh rawn tang hlawk tur leh mipui ten an chhawr tur ang zawnga ngaihtuahna rawn hmang chhuaka tam tak a lo fail tawh karah vawiinah thenkhat a fail avanga BAFACOS sum eiru, hmawmzo kan han inti ngawtte hi a dik em ? Pu Seputy Speaker, I veilam amite an sorkar laia an land Use zawng zawng kha khami laiah hian nge hlawhtlin tur awm ? Chuvangchuan, anni khan an eizo vek em ni ? Ani chuang lo, in pe a, a hlawhtlinna erawhchu a langlo a ni. Chutiang ang chuan in entlan pawh a tha lawm nim ? Khawiahnge in serthlum te, in vawkin sei pui pui chungah te kha sakuh tiat lek te in dah mai mai anih kha. Chutiang anih avangin midang han ti vak tur kan awm chuang em ni ? Tih ngaihtuah a thain ka hria a. Vawiina kan Budget heti khawp maia kan hunlai ngaihtuah a, a vaibelchhe sang tela a insan hleih ta te hi 1481-1 tunhma sorkar aia a han kang ta daihte hi a tam a ni. Vaibelchhe za chuang ngat pheih hi chu helaiah pawh hian hung ila, hnawksak tham a ni. A tam em mai, hetih lai pawha a phun tam zawka kan tang hi chu Zawngin a ngumkhak a hmulo, tih ang deuh hian a zahthlak. Chuvangin, lawm takin awmtlang ila, a lawmawm zia hi sawi ila a tha a ni.

Awle Pu Deputy Speaker, ka lawm e.

DEPUTY SPEAKER

: Awle, hei dar 1:00 PM. A ni dawn a, chawl ila, dar 2:00 PM-ah kan thukhawm leh dawn nia. I chawl rih ang. Sitting Adjourned at 1:00 PM.

S P E A K E R : Kan rorel kan chhunzawm ang a, tu nge han sawi leh ang? Pu F. Lalthanzuala i lo sawm ang.

PU F. LAL THANZUALA : Pu Speaker, budget tha ka tihna chhan te sawi ve ka duh a. A hmasa berah chuan, hei over view of economy tih ah hian in survey report atanga State Growth Domestic Product chu hemi current year hian 4.84 percent-a pung tura beisei a ni a. a lawmawm hle a. Hei hi, a punna tur chu duhthusam lo hle mahsela, kan budget in kalkawng mumal leh beisei tur mumal tak a han nei tan hi lawmawm tak a ni a. Eng eng emaw kan tih tur chi hrang hrang an ziak chhuah leh a pawisa awm dante mai ni lova hemi budget in a cover chhungah hian hetiang hian kan product te pawh 4.84 percent laia hmasawmna awm tur beisei theih a ni hi a lawmawm ka ti a. Tin, kan budget pawh a changkangin a mumalna, tumbik chiah, leh target fel tak, thlen chin tur nei ni a an lang hi a lawmawm hle a. Tin, hei a ambitions viau a kan budget hi. Efforts are on not only to sustain but to improve the present level of growth and bring the state at par with many of the better of state of the country an ti hial a. Nasa taka beih a, sustain taka beih a, economy lamah te pawh lo tha tawh zawk te nena intluka kal tumna fel tak, chiang taka a han ziak hi a lawmawm hle in ka hria a ni. Hemi Mizoram mipui mi hrang hrang te dinhmun hi sawi leh thlir dan hi a in ang lo thei thin hle a. Mi thenkhat te rilru ah chuan kan loneimite hi bet ngawih ngawih leh rethei telh telh, heng budget ah te pawh beiseina nei ve lo ang hial a han chhuah chang te pawh a awm thin a.

Mahse, Pu Speaker, kei ka chhutna ah ve chuan kan ram hian kawng tinrengah hma a sawn a. Lo nei mite, thingtlang mi te pawh in hmasawmna nasa tak sum leh pai ah pawh an nei a. Chumi a lanna chiang tak pakhat ni a ka hriat chu, hmasangah chuan Zo khua ah kum khat chhunga sa han ei theih pawh hi a tamlo em em mai a. Krismas vela vawk talh te a lo awm chuan chungte chu an han rep a, an han dahkhawl a. Vawk talh leh khatiang ti kha a kar lakah khan a vang tawh thin a. Tunah erawh hi chuan khawtinah hian Inrinni ah emaw hi chuan sa lei tur hi a lo awm ta a. Sa hi kan ei a, kan ei nasa lutuk mah mah a ni lawm ni tih khawp hialin kan awm ta a. Khatianga kartina sa leina pawh nei thei, tin, kan ei te pawh hi a tlangpui thu in a tha vek tawh a ni.

Tin, zin vei vahna han ngaihtuah ta ila, bus ah. Bus pawh a tam ta a. Bus aiin Maxi Cab chuan man chu a to zawk a. Mahse, a chuan hi a nuam zawk a. Bus a mipui tlim dul han inthen dul dul ai chuan motor te a kal te hi a nuam zawka, a chuanman te erawh atam zawka. Chutiang chuan

man tam zawk pawh chu tunah hianin zokhua ami zin vei vak mi te hianin an bawh deuh vek zawka, bus then khat khat chu Maxi Cap in min lan a ni. Maxicap ah an chuang nasa lutuka, passenger kan nei tha hlei thei lova, kan tlanlo ti hi an awm nual tawh mai a ni. Chu chuan sum leh pai hman tur hi hman ai chuan kan nei hle tawh a, zin vei vah pawh kan lo sam a nuam kan tih zawngah khan kan lo kal thei em em tawh a ni tih a tilang a ni.

Chuvangin thingtlang ami te hmasawn ve reng reng lo ang leh bet ngawih ngawih a sawi hi chu a dik theiin kei chuan ka hrelowa. Bus leh khatiang vela kan zin chu sawi loh thlawhtheihna a zin thleng pawh hian zin thei kan tam nasat zia chu, Lengpui record atang khan alang chiang em em a. Engemaw lai chuan kan leader thenkhat tepawhin thlawhna tumhmun te nei ve ta ilangin atha ang tih ngaihtuahna a awm lai khan, a, mi hausa zualte hman mai tur aniang tih ang ngaihdan tepawh kha a awm hial a ni. Mahse tunah chuan mihausa zual pawh ani lo, chuang thei hi, thlawhna a thlawk thei hi kanlo tam ta lutuka a singtel kanlo awm ta takzet a ni tih hi alanga, chutichuan kan economic dinhmun hi alo thang zel a, Ministry liamta leh tuna kallai ah pawh khan zawi zawi chuan kan economic dinhmun hi a chawi kang a ni tih hi chu a chiang em em in ka hria a, chu chu kan sawi duh a ni.

Tin, 2-na ah chuan Education hi ngaih pawimawh hle tur high priority pek tur a ni tih kan Budget speech a alo lang hi a lawmawm in a ropui a ni. Education ngaihpawimawh phawt mai hi hnam rilru, hnam ngaihtuahna, hnam thluak improve na siamna anih avangin education a priority pekna an tilang te hi a lawmawm em em in ka hria a.

Tin hei district headquarters thenkhat leh khawpui thenkhat tana chanchin tha lawmawm em em mai awm chu tun budget ina a khuh chhungah hian College engemaw zat Hnahthial College te, J. Buana College Lunglei te, Lawngtlai College te, Mamit College te, Aizawl North te, Aizawl West te hengho hi provincialise tur ani tih chiang takin kan hotuten an sawi a, hemi chhungah hianin, chung te chu thil lawmawm kan budget in a pai chhunga thil tih tur lawmawm, Hnahthial mipui te leh Bialte, Lunglei tan te, Lawngtlai tan te, Mamit tan te, Aizawl ami tan tepawh chanchin tha ropui tak a ni a. Heng te hi kan budget hian a raawn ken tel a ni a, kan budget hi a tha ani tih kha sawi loh theih hi anilo ani.

Tin, kan sorkar hruaitute kan Minister ten, thahnem hi an ngai hle a, keimahni budget bak atanga sum hai chhuah thuah te an fakawm hle a, Education Minister (a hming tepawh han sawi ta ila) Pu Thangtea pawh hi thahnem hi a ngai hle a, Hindi Teacher 500 lak anni tawh a, tunah pawh 687 lak tur an han ti chhuak thei te hi, tuna kan budget pharh pawnlam pawh nisela kan hotute thahnem ngaihna leh ram hmangaih a Education tana priority an pek nasat zia lantir na a ni a, a lawmawm tak meuh meuh a ni.

Tin, thil lawmawm tak mai sawi leh tur ka neih chu Baffacos chungchang thu hi a ni a. Baffacos kha a tih tirh lamah mau ala tam lova, tam in min la thleng lova, khatih lai khan hmasawna chi hrang hrang a hman atan Department-ah pek a ni a. Thil chi hrang hrangah hman a ni. Amaherawhchu, tunah Mau te a lo tam a. Kan buh leh bal rah eichhe theitute an lo pung tih kan hriat achinah khan pawh khawm a lo ni a. Nikum amite pawh kha tunah hian an la hmang char char a. Hman tur pawh tam tak a la awm a. Chutih lai chuan kumin hianin Crore 35 lai mai a lo ni ta a. Kan chhut chhin a. Vaibelchhe 35 lai mai kan District 8 hian han insem ta se ti mai hianin, Vaibelchhe 4 aia tam daih theuh kha an han insem thei dawn ta a ni.

Chutiang a lo nih chuanin, Tampui mithi kan lo tih thin rapthlak tak nia kan ngaih pawh kha a zuamawm ta a. Thingtlang mi leh sa tam tak tan inhlawhfakna kan siam dur dur mai dawn a ni. An quota lak tur buhfai a awm phawt chuan, pawisa chu thlaphanawm ani ta lo. Kan Budget-ah pawh khan a inziak a. Hemi Mau tam tam avanga harsatna, eitur neih loh zia a rawn tarlang a. Chumi a thusawia chu a pawisa dah pawh hian a chawi hle-in ka hria a. Tunah Lunglei District angte khanin Vaibelchhe 4 aia tam fe mai kha han insem ni ta ang ila bial hrang hrangah khan. Chu chu kan mipuite inhlawhfak nan kan han siam dawn ta a ni. Chu chuanin buhfai leina turte, mamawh leina a tum theih bakah khanin, mahni khua theuhah, kan feh kawng emaw, kan khaw kar kawngte, kan khaw chung kawngte, thil tangkai tak tak kha kan thawk teuh mai dawn a.

Mau tam tam dawmna ni pah khan, hmasawna hna pawh ropui tak thawh theih ani dawn ani tih hi a chiang khawp mai a. Kei chuan hei lo liama mipuite Budget a awm thei dawn em ni tun ang hunah hian ? ka ti a ni. A tha laite leh a mipuite hawlh lai kha kan sawi duh lo hlek thin a. A eng emaw laiah khan kan han cheng thin tak a. Mahse tunah Mau tam tam in min han nang tan ta a. Tunah ngei pawh hianin engemaw zat inhlawhfakna a awm a. Inhlawhfak nana hman mek reng a ni a. Hemi 35 hi kan han hman leh chuan, Mau tam tam hi thingtlang mitten harsatna tel lova kan paltlang mai hi a rinawm. A thlamuan thlak hle a. Chuvang chuanin eng vang nge kan Budget hi a tha kan tih loh ang le ? A tha hle ani lawm ni ? Mipuite mamawh, Tampui mithi lo thleng tur atana mipuite mamawh a phuhruk dawn a ni. Chuvangin Budget tha tak a ni. A technical thilah chuan thil eng eng emawte pawh a lo awm ani thei e. Mahse, sorkar zawng zawngin a tum chu mipuite kha a ni a. Mipuite 60 % zet mai kut hnathawktute tin zawn pawisa hi tha tawh a awm ani tih hi chu a chiangin ka hria a ni.

Tin, pakhat ka sawi leh duh chu hei Aizawl khawpui kan nei a, a develop-na tur atan pawisa Vaibelchhe 298 zet mai kan Budget-a an awm hi, a ropui ngawt mai. Kan Aizawl khawpui hian chei leh buatsaih hi a ngai hle a. Kawng tha kan nei lova. Tlang dung kawng hi kan zawh

rawn avangin, traffic Jam hi awm lo thei pawh a ni lova. Heng ang tikiang tur hian hma chi hrang hranga lak theihna tur a awm a. Tui lampang Water supply a hman turte. Tin, hei solid waste management, bawhlawh kan pah sawngbawl nate hi pawimawh tak a ni a. Bawhlawh kan han rut a, motor-in kan han phur a khawimaw lai a kan va bun ringawt kha chuan kan transfer a ni ringawt a, kha kha ruahten a han nan a tuihawk ten an put leh chuan kan Lui ti bawhlawhtu an ni leh a, pah ringawt hi chu a diklo a ni.

Kan Budget ah alang a. solid waste management atan pawisa tam tawk hman theih a a awmte hi changkanna ropui tak a ni. Hmanlai chuan pah mai mai zel a ni a, tunah erawh chuan Plastic leh polythene te pah mai mai pawizia te kan hre zel a. Agriculture leh Horticulture ah te pawh leitha atana tur tel hman pawizia te kan hre chho a. Chuvang chuan khatiang lo zawng a kaldan tepawh kha heng pawisa 298.58 Crore hian a huam tel vek a. Water supply te, solid waste management-te, Urban Roads siamna te, transportation lam te, drainage te, land slip protection leimin venna te, slum-upgrade na tur te sanitation te a awm bawh a ni. Hetiang te hi chu tunge thalo ti ang le? Kan Aizawl khawpui in buatsaih angaih hretu kan ni a. Budget Session laia zing a chhuah pawh in thlahrung hle mah ila motor lo ding thap tlan pelh te a lo ngaia. Khatiang awmlova kawng tha zawk, leihlawn thazawh te, Fly-over ang chi te kan buatsaihna tur pawisa hi tam tak a awm hi kan Aizawl khawpui tan pawh hian a tha em em a ni. Chuvangin he kan Budget hi Budget tha tak a ni a. Engemaw neuh neuh a awm ani thei e. Hei Non-Plan a hlawh la Group C atangin 1604, Group D atangin 1013 lai mai non-plan a dah luh a ni tur te hi an lawm ngawt ang.

Pu Speaker, kan Budget hi loneitu leh sorkar hnathawk tan pawh, Khawpui leh Zokhua tan pawh Budget thatak ani tih hi ka ngaihnan a ni. Chu chu ka rawn sawi ve a ni.

Ka lawm e.

PU K. VANLALAUVA : Pu Speaker, kan discussion tawpna ni a lo ni reng ta mai a, sawitur tam hle mahse sawisen a ni lova. Session tan ni hmasaber a Governor thusawi kha a sei viau thu kan ngaithla a. A rei bawh lah tak a Delhi lam a kan thiante kan zu zawt a Joint Parliament Session a India President thusawi darker 1.47 Minutes anih thu min rawn hrih a. A rei ve hle tho mai a, ka ti a. Thusawi tur a tam hi chuan a rei duh khawp mai a lo ni a. Sawi tur a tam miau loh chuan a rei thei lova. Chuvangin kan Governor thusawi zah pawh khan darker 1:30 bawr velah pawh khan, a sawi zo chuang lova. A rei viau tak nanga, kan Sawrkar hian sawitur angah ve ta hle a ni tih ati lang a, lawmawm ka ti hle a.

Khalai a thil pawimawh a sawi zingah khan holam deuh a chhuah hlauh ka neih chu "Home Guard thisen pek te mai mai an ziaak tel" tih kha a ri deuh in ka hria a. A lo ri chiahlo anih pawhin ngaihdan ah ngahsan tawklohna a ri a, paw ka ti a. Thisen pek hlut zia hi sawitam ngai loin kan hria a. Tunlaia kan tlawmngai pawl zawng zawng ti teh ang ina mi mangang te tana thisen an pek hi a hlu em em a. Dam chhuak zo lo tura ngaih chung thisen pek khawm atanga an dam dan turte ka hmuhin Home Guard chang ni lo midang dang ten thisen an pe hi lo ziah kim vek chi a nih tehlul nen tih min ngaihtuhtir a. Chuvangin mimal tana thisen pek hi a hlu a ni tih a hmasa berah ka tarlang duh a ni.

A dawt lehah chuan, ka document hluite ka'n keu a, 1998 leh 1999 budget tuna eptu lama thute Sorkar tawp dawn chiah khan 282 Crores kan budget-ah pharh a ni a. Kha pawh kha a tam hle mai kan ti a. Crores 282 te kha chu a tam reng a. Tichuan a lo kal chho zel a, kuminah chuanin kan plan budget atan liau liau, a behbawm tel lovin 850 Crores a ni tih kan Finance Minister sawi atang khan a lang a. 1998 leh 1999 budget nena khaikhin chuan 586 crores-in a rawn pung ta a ni tih kan hria a, kan lawm tlang hle a nih kha. A punna chhan kan ngaihtlakah pawh khanin Central lama hotu heng zawng zawnga thuneitutena kan Finance Minister an lo hrilh chu, "Kawngpui in siam dan a lungawi thlak viau a, khua zawng zawnga 94% kawngpuiin in pawhtir thei tawh a, tin, khua zawng zawnga 98.6% electric eng in pe hman bawka, chuvangin in budget hi chu tih punsak inphu a ni", an lo tih atanga heng pungte pawh hi kan hmuh a ni tih kan hria a. Khangte hlei hlei kha a lawmawmna a ni a.

Kawngpui chungchang thute chu nakinah department-wise discussion hunah tarlan ni selangin a thain ka hria a. Chutiang a nih avang chuanin kuminah chuan a behbawm zawng zawng nena kan Finance Minister zahawm takina a rawn present-ah khanin 2252.67 Crores a ni tih kan ngaihtlak kha. Hetah hianin hlauh la thei he sorkarah hianin kan thahnem hle tawh a ni tih a lanna chu khami chhung atang khanin 1401.39 Crores non-plan a ni tih tarlan a ni a. Kha kha a letling zawnga sawi tum talh chuanin non-plan ah heti em em a an tam ta hi engti zia nge ? Plan-ah 850 Crores lek awm ta hi engtizia nge ni ? Mipui chanvo tur a va tlem ve ti zawnga sawi chiam chiam tum chuanin a sawi theih reng mai. Amaherawhchu chu lam chu ni lovin, he sorkar belhfakawm tak hnuaiyah hianin hlauh la an lo tam ta viau a ni tih hei hianin a kawk niin ka hria a a ropui ka ti khawp a ni. Chuvangin, kan plan budget hi Rs. 850/= Crores mah ni selangin a behbawm zawng zawng nena tar lan chuanin duh tawk tak tak awm lo mah selangin kan hnianghnar thawkhat turah kan ngai deuh a. Tichuanin, nikum 2006-2007 ah khanin kan plan buah khanin 758 Crores ani tih kan hmu a, kumin ah 850 Crore a ni a, Vaibelchhe 92 lain kan pung kan tih kha a lawmawm viau mai a, heng a punna kan han tih zawng zawng te hi "Punna tam ani lova, hei zawng normal alawm, a pangngai alawm", tih zawngin a

sawi theih a, a pangngai pawh a lawmawm tehlu nen, a'n pung leh nghal phei hi chu a lawmawm lo tia sawi chi a nih ka ring lova, a lawmawm tih tlak ah ka ngai a. Sawisel zawnga rilru kan put thin hi chuan sawiselna awmlo tawp zawng a ni bik lo. Sorkar-na hmasa chelhtute policy pui tak mai NLUP pawh kha Pu Speaker, I veilampanga kan thut lai kha chuanin kan han sawisel ve lauh lauh thin a, amaherawhchu, pawisa kha an sem viau a ni, an tum ang erawh chuan an sem bik hauh lova, indawng ang, in chang ang an tih ang chuan an sem bik hauh lova.

Tin, an sem khan rah tha engemawzat a chhuah laiin thenkhat te erawh chuan a chhuah bik vak lova, kan bial kan fanna ah chuan radio an lo set vang vang mai a khawlian vaklo a ni a, radio nei pawh kha an la tam vak lova, khawlaili tak ami khanin radio II-band kha ring takin a lo seta khua kan luh tan chuan Ka Pu, radio a zai chu i hria em, a ti a. hria e ka ti a "Chu chu NLUP anih chu" an ti a. NLUP kha a zai a ni ve mai a ni. Sawisel tum zawng chuanin ani vek mai taka, a tha hi chu a awm tih erawh a hi chuan kan chianga. Chutiang chu anih vangin MIP leh Buffacos ah te pawh hianin sawi tur ting chuan a tlahawh chu a awm ang tih i ring ang, khawvel ani a, Pathian fapa sual neilo khengbet rap thei a cheng kan nih avangin thianghlim filh teh thiau zawng kan ni hauh lovang tih i ring ang. Amaherawhchu, a tlangpui thua han then phawk phawk hi chuan ram enkawlina sum erawh hi chu a kal dik thawkhat ani tih hi chu a chiang viauvin ka hria.

Chuvangin kan budget pumpui kan hmabak leh tur pawh hi hetiang bawka a kal chuanin ram mipui chu kan thaw zawng a veng thawkhat dawn ani, tih theih a niin ka hria. Kan khawvel thang zelah kan mitin a hmuh reng chu lirthei a lo tam ta em em te, hming kan hriat ngailoh motor tha tak tak, tleng zal zal a va tam tak em, hei hi kan budget chhung ami ani emaw ni lo emaw he kan ram hian pawisa chu a dawng tam a ni. Mipui pawhin lawmna chhek arbawm an nei ani tih a lang chiangin ka hria. Kha mi motor neih kha chhui chi emaw hei hi tute fa nge tih a zawnga tih tih chuanin lungawina reng reng kan neih ka ring lo. Khati zawnga ngaihtuahna kan hman kha chuanin a hahthlak thlawn mai mai a, kan mumang pawh a diklo vang, khatianga ah kha chuanin, a makzia mi chhui neuh neuh ching, mi khak neuh neuh ching hi chu zanah mumang pawh khuarkhurum ah kan tla thui duh asin, chu ai chuanin a piah lawka thil tha a awm a ni tih hria in leh mi thil tha tihte lawmpuina chang hria kha mumang pawh a dik duh bik, Vana Vantirhkohte mumang pawh vana an lo thlawk duai duai thin a ni, kha zawk kha a ni. Chuti lova hahthlak lam zawnga hun hman chuan laklawh a awm a. Nu/Pa phunchiar kan tihte pawh hi an tih laklawh vang mai mai a nia. Upa in Ar ngum ei chu phunchiarna an tia. Hei pawh hi thil tui anih vang ania. Pain hei chu ei hlauh se tihna lam ania. Mahse, an phunchiar kha ar ngum ei vang a ni lo. A laklawh mai mai ani. He budget tha taka lawmna Point khat mumal tak ka neih chu MLA LAD Fund nuai 15 a ni ang tih kha chuan dawhkan kha a ei vei tlak tlak a. Kha kha chu a Privacy lutuk.

Kan chanvo tur mah nise, na tivak lo mah ila kan chang dawn. Finance Minister in min pe der tawh. Chu ai chuan mipuite chanvoah lawman chang hriat a tha. Naupang huaibak a pa in a thlem a. "Mami tap teh suh, kawr mawi deuh ka leisak dawn che" a ti a, "Ka pa, a fual awm hnek hnuk em mai" a ti e an tih ang in. Khatiang chi kha tih laklawh a awl lutuk. Khang zia kha he House ah hian chin a awl lutuk. Keipawh hmanah ka ching thelh tawh. Thiltha sawi a hlawk. Minister tellovin kan kal thei tak tak lo.

Dik takin Saitual bialtu kha a mutthluk loh lai anih chuan lo ngaithla sela, a biala kawngpui leh PHE te leh Department zawng zawng ina an han chhunglut ruih ruih te hi- a Note bu-ah chuan a chhinchhiah vek a nia. Tunah hian a sawi duh lo mai a ni. Han sawi se chu midang tan pek leh a chakawm dawn ani. Chu chu Mihring zia a ni. A tha awmchhun pawh sawi lova, a thim lampang kan chhut tlak tlak khan thil tha a ni chuang lo. Chuvangin, he kan Budget hian a tha lam hawi tur hian chhenfakawm tham min siam sakin a lang ani. Budget hmangtute hian kan hnungah mipui an awm ani, mipui ang zau tak an awm tih hre reng chungin dik taka hman kan tum chuan awmzia a nei pha. Kan chanvo theuha kan fimkhura kan rinawm chuan kan ram tan a hlawk Pathian leh kan ram tan tite hi chuan rinawm takin i kalpui zel ang u.

PU LALDUHAWMA

: Pu Speaker, ram hruaitute hian ram leh hnam hruai an tum dan "Vision Statement" an siam thin a. Chutianga an thlirlawknate chu a taka chantir turin

Budget hmangin hna an thawk thin a, Budget Speech ah a lo lang thin a ni. Kan House Leader pawh hian Vision Statement tam tak a siam tawh a. Chakma District Council thiah te, Missionary nuai 1 thawnchhuahte, Contractor singtel lakbelhte, Aizawl khawpui chhung leiverhte, sum nem muka liam zawih zawih khawpa tam min pekte, Zoram mipuite'n buhfai kan mamawh kum 100 chhung atan mau hralhna atanga lei a tum dan te kum 3 chhunga intodelh te. Mizoram Model State a siam te, tlangram leilet sianna tur tlanga lawn thei Buldozer te chi te, Sapthei sawrna khawl kal thei leh thingpui sihna khawl kal thei te a puang chhuak thin a nih kha. Zoram Mipui hmaah hian vawi 9 Budget speech a siam tawh a, Pu Speaker, a vision hawi zawng hian budget speech hi a awm ngai silo a ni. Ram leh hnam hruaina tura mipui hma a thu puang chhuak a, a taka hnathawhna lama theihngihl leh si hi a pawh em em a ni.

Keini chuan kum 35 kalta kha kan thlir a, he hun chhung hian kut hnathawk tute hnenah rate hre sain thlai pakhat mah chin tir an la ni lova, Thlai thar hralhna tur Mizoram pawnah tender koh ala ni lova, thlai thar leina tur Budget ah cheng khat pawh dah ala ni ngai lova, Crops Insurance pawh pek ala ni hek lo. Chutianga tello budget chu engtiklai mahin budget tha kan

la ti ngailo a ni. Chuvangin chutiang tello budget tho chu vawiin ah hian kan chai ani tih kan hria a ni a. Tunlai hian "Mipuiten kan chan ai min ei ruk sak" tih a ri ring hle, mahse a nihna dik tak zawk chu Mizoram Budget-a mipui chanvo hi Mipuite ipite ah ei ruk miah lovin lut kim vek pawh nise, kut tuma eizawngtute dinchhuahna tham hi dah a la ni ngai lo hrim hrim zawk a ni.

Kan Chief Minister in Horticulture a chanlaia an Directorate a tlawh ni a a thusawi kha a ropui hle mai. Hetiang hian a sawi a, "Kan Finance Department te Delhi ah discussion nei turin an kal dawn a, 'Ka pu, Central sum do letna tur kan nei silova, electric, tui bill te tipungin sales ta te kan la mai dawn kan zuk ti dawn em ni ang' an ti a. Ka chhanna chu, Chief Minister Delhi ah a lokal hunah lo sawi mairawh u, a mawh kan pe vek e ti mai rawh u, kan mipuite hi an fu lutuk tawh a, sawrfu leh tur chuang an awm lo in zu ti dawn nia, ka ti a ni. 'Mizoram resource mobilized tur in nei lo em ni' an lo tih chuan 'Nei teuh ve, kan hausa lutuk, sawhthing kan rawn tawlh thla ang aw, Sapthei kan rawn tawlh thla ang aw, lo dawngsawng rawh u aw,' ka ti dawn a ni, kan dawng thei love' an tih chuan a Market min zawnpui a ngai a ni. Min zawnpui theih loh chuan keimahni in kan zawng ve mai ang e ka ti dawn a ni. "Mizoram economic system hi Horticulture hmanga dum leh var ang leh Chhim leh hmar anga thlak kan tum ani," a ti a nih kha. Vawiin ah hian chungtiang chu a ni ta em le ? A sawi zel a, "Sapthei huan zau deuh nei rawh le, sawhthing ching teuh rawh le, a hralhna tur kan hmu dawn, tin 2 tin 3 hmun i neih chuan kumtin nuai 3 nuai li ila lut ang, hei hi Horticulture ka rawn lak chatna chhan pawh hi a ni. Mizoram hi India ram state zawng zawng a hausa ber turin kum 5 chhungin din chhuah kan tuma, kan target a ni." a ti a nih kha.

Pu Speaker, heng thute hi vawiin ah hian kuthnathawk tute tan chuan thu lunglen thlak an chang zo ta, a thu hi a tha si a, a thluk kan siam ang a, khawhar in ah kan sa mai dawn em ni ? Sapthei hi "The blue gold of Mizoram" a ni ang a. Tlabung atangin thawn chhuak ta ila. Sapthei sawhthing leh thil dang reng reng Chuta tanga darkar 10 ah Chittagong International air port a thleng ang a, a phurh man Kg-ah Rs.1 tanga Rs.2 in a thleng vek a ni. Sawhthing ringawt hi Kg 1 Rs.20 atanga Rs.70 in an la deuh ber. Keini pawh Chittagong Hill Tract-ah kum 12 kan awm a. Sawhthing kan ching a, kan hralh ngat ngat a ni. "Khaile, Sawhthing kawngpui dungah Rs.10/- in hralh theihin kan siam ta e. Sapthei Kg khat ah Rs.2 in a hralh theih ta e, ti ila. Sorkar hnathawk tur hi in awm lovang tih ka hlau a ni, in bang zo mai ang. Reilote ah in farm-ah Gypsy thar in in tlenglut anga, thlam chhawng nalh tak tak in sa theuh ang a, in cheng tam zawk ang. Chu chu a ni, ka zuk thlir hian a chhiarkawp a tlem em ! Sapthei pum thum Rs.1 in in hralh mai dawn a ni. Chutiangin Sawhthing Kg.1 Rs.10 in in hralh mai dawn a ni tih chiah kha a formula chu a ni e. Nakinah chuan Sapthei pum khat cheng khat chuan in hralh ngei ngei ang." a ti a nih kha. He chhiarkawp leh formula te hi kan opposition te hi an hrih nge an thiam loh zawk ? Budget hi hetiang dungzuia siam a nih si loh ?

Hei Assam te chuan Sawhthing Kg. ah Rs.8 in an lei dawn a, an Chief Minister Tarun Gogoi-a thlalak nen hei an chhuah chuai chuai a. Budget-ah a leina tur sum an dah thlap a ni. sawhthing chingtu chhungkua zawng zawng Identity Card an pe vek bawk a, chung Card hmang chuan an rawn hralh mai dawn a ni. Engatinge hetiang zozai sawi si a vawiinni ah hian hetiang hawilam reng renga a kal leh si loh le? A va lungchhiat thlak ve. Central Sorkarin min puihna a limit chuan ramdangah hian process pui tur ngaihtuah turin kalchhuah ka tum a ni,” a bawk a. Vawi engzat nge a kalchhuah tawh le? “Mizoram nauchhiatna ram, tui khakna ram hi khawizu leh hnute tui luanna ramah kan siam ang, a system a mawl hle, Sapthei pum 3 Rs.1 a hralh chiah anih chu. Development hi a kalin kan kaltir dawn lova, a zuanin kan zuantir dawn a ni, Kum 5-ah chuan India ram State hausa ber kan ni ang. Nangni pawh in chhiarkawpin a pha vek. Kum 10 ah chuan Switzerland of the East a ni ang. Kei pawh Switzerland-ah rei deuh ka awm a. mel 10 bial ah thing lukham tur pawh a awm lo.

‘Mizoram leh Switzerland inthleng ang u, zuk ti ilar, an puan pawh an la hman lovang, a in that hleih lutuk. Kum 10 ah chuan economically-in, Morally-in mipui nun nen Switzerland of the East-ah Mizoram hi kan siam ngei ngei ang. North East-Chief Minister ho nena kan kalkhawmna ah, ‘kei chu nangmahni ang mai mai ka ni dawn lo a ni, ka ti hram hram a ni. Guwahati hi Aizawl ah ka sawn dawn ka ti a ni. Nakin lawkah chuan Horticulture Department hi Directorate pahnih pathuma siam a la ngai hial ang”, a ti a nih kha. Ngaithla tuten an ngaihtlak lai chuan ‘a va ropui em’ an tih ka ring. Tunah erawh chuan, “A va raphlak em, min va hmusit em” an tih ka ring. Kum 5 chhungin India rama State hausa ber chu kan ni ta em le?

Tun Budget ah khan Agriculture leh a kaihhnawih Department te chu Priority-a dah anih tur thu kan hmu a. Nimahsela, kum hmasa lam aia Budget pek tlem zawk a ni tlat si. Hetiang hian maw priority Department chu an enkawl dawn? “We prominently depend on the devolution of resources from the Centre” “Central sum ah hian namen lovin kan in nghat a ni,” a ti leh si. Kum 5 chhunga India rama a sum ngah ber chu kan la nilo a nih hi mawle. “To Catch up with the rest of the country,” tih te, ramdang, hmun dang India ram ami te umpha tura tan lak angaih zia te a sawi leh si a ni lawm ni? Privatisation an sawi a, Vawiinah Teirei project leh Sorkar Vehicle tlem tih loh hi Privatisise a awm em, Development-a kawngro su thei khawp tur? Chuvangin, Pu Speaker, kan ram hruai tute hi mimal chuan mi tha tak tak vek an ni, tumah ka hai lo. Ram hruai tur erawh hi chuan rin ngam hi an harsa tawh a ni. Ram hruai tlak an ni tawh in ka hre lo. Vawiin ah hian Moral responsibility la in an bang nghal dawn nge he House ah leh mipui hma ah hian thupha an chawi dawn? Pu Speaker, No-Confidence hi kan move nghal law law dawn em maw nile? Budget ah hian kan lut ve zawk ang a. Chulai khalai ah surplus kan nei ti thin mah sela,

a pumpuia kan lak chuan kum tawpah Rs.20.86 Crore kan bat belh dawn tih hi phat thu a awm lo. Zawhna 18-na, Member zahawm tak Pu Zodintluanga zawhna, hmanni lawka chhanna ah khan, tun dinhmun March thla thleng hian kan leibat chu Rs. 2792.75 Crore a ni. Kan bat belh leh tur nen a kan belh chuan pakhat mah bat belhzui tawh lo pawh ni ila, Rs.2813.61 Crore kan ba dawn hrim hrim. Tichuan tuna kan budget pass tur hi Chengkhat mah hmang hek lovin, leiba rulh nan pe ta vek ila, chutichung pawhin rulh bang leiba Rs. 560.94 Crore a la awm tho tho dawn. Chutiang budget-a lawm em em thei tur chuan Pu Speaker mawl fe a ngaiin ka ring. Debt Consolidation kan hria a, Central Sorkar in min rawn tihsak a, Debt relief Rs.57.85 Crore min pe a, write-off of repayment atan Rs.76.16 Crore a ni leh a.

Chutichung pawh in kan dinhmun chu heti hi a la ni. 40 % chuang sorkar hnathawk hlawn ah a ral angai Office expense nena belh chuan he budget hmang hian Zoram hi a kal tak tak dawn lo tih hi chu mi pangngai chin hian an hriat vek ka ring a ni. Kum kua ro an rel chhungin Economic Survey a vawikhatna an rawnti chhuak tawk tawk a. Heta GSDP an rawn tarlan hi kan Official ten ngun taka an chhuta an rawn tih a ni a, a dik ngei turah kan pawm a. Hei hi kan han chhut in Member zahawm tak ten an sawi lan tawh ang khan he GSDP ang hi chuan mimal tin hian nausen te nen mi pakhat zel in Rs. 33,373.62 la lut ang kan lo ni ta hial a. Hei hi ni tak tak ila chuan a va lawmawm dawn em. Nimahsela, a hnuaibera awm ho kuttuma eizawng hi 70 % zet kan ni a. Chung chuan he kan GSDP-a 10 % bak hi an rawn thawk chhuak ve lo reng reng. A laihawla awm ten Rs.504 Crore vel an rawn thawh ve a. A chung bera awm a hausa hlawn, Lal Chhungkua kan tih 10% vel lek hian kan GSDP 62% vel hi an rawn tum daih mai a ni.

A nihna tak tak ah chuan a hnuaihngung bera awm kut hnathawk ho hian mi pakhat in a sangbi an lak luh laiin a hausa ho hian a nuaitel tak meuh in an la lut tihna a ni a. He kan GSDP figure hian hmasawna kaldan min hrilh a, a rualkhai lohzia, thlawh khum development an kalpui nasat zia, kan inthlauh tawh zia a tichiang em em a ni. Chu chuan kan society hi a tinuamlo mek a nih hi. Amaherawhchu a hausa te an hausak em avangin kan pawisa zawng zawng chhunfin a chhiar a nih tak avangin chawhrual in Rs.30,000/- ang vel la luta chhiar theih kan lo ni ta a, hausa ho zarah Zoram a lo lang mawi ve ta a. An hausak tawhzia hetia an rawn tarlang ngam hi an huaisen ka ti a, ka fak ve hranpa tho tho mai.

Pu Speaker, sum dinhmun tihphuisui nan nasa takin chhiah an khawn a, Electric Bill, Tui bill pawh in hmun lo ram chhiah nasa takin an ti sang a. Total Bandh siam leh kawng zawh te a ngai hial a nih kha. VAT an khawn a, chhiah nasa takin an hmuh belh phah a. Tun Budget Speech ah hian chhiah thar leihlawn zawh man te, kawnga kal man te Minor Irrigation atanga tui chhiah (Water Cess) lak an tum thu kan hmuh belh leh ta a, henghi thil lawmawm a ni thei ang em ?

...300/-

Fiscal Responsibility and Budget Management

Act nikumah kan passed a. Kan pass hma daih khan keini chuan kan ram hi a system siam that a tul a ni e, system a that leh that loh hian kawngro a su ber zawk a ni e kan ti a, kan lo theh lut tawh he House ah hian, mahse min hnawl sak a nih kha Central tihluhna avangin kha dan kha an rawn pulut leh a, mahse kan MLA zahawm tak Pu Andrew Lalherliana bill putlulh aia chhe zawk hi an rawn pulut a. Chu bill ina a phut ang chuan Public expenditure Review Committee a awm tur a ni a, chu chu an din ta ni awm tak a ni a. Tute nge an nih le? He kan ram sum dinhmun Review thin tur Committee hi, "Aw ka pu" ti tur an dahkhawm leh mai mai a ni tih hi kan chiang khawp mai. Thla ruk hnuah Finance Minister in sum dinhmun a review thin ang tih a ni a, khang ho nen khan Finance Minister room ah kan hriat phak lohvin an review mai mai dawn a ni. Awmzia a nei lo.

Parliament ah chuan quality-in review an siam a. Parliament ah an pharh a an sawiho thin. Keini erawh chuan tunah hian 'Budget hi kan pass anga, Financial Year tawp thlengin MLA te hian kut thlak leh theihna remchang kan nei leh miah dawn lo. He dan hnuah review pawh hi Finance Minister hovin an lo review ve leh keuh keuh ringawt ang, kan hriatpui phak dawn lo. Tichuan, kalphung hluiah bawk ruling party duh dan in kan pass tawh hnu Budget hi duh tawkin an suasam leh anga, a tawpah Revise Estimate leh Supplementary demand, an hman zawh vek tawh hnuah loh theih lohvin min vote tir leh dawn a ni tih hi a chiang khawp mai. Chuvangin heng dan te pawh hi en nawn a ngai, tuna kan neih hian engtikawng mahin kan ram dinhmun a sawhsawn tak tak lo. Tun kan Budget ah hian hemi ina a phut statement engemaw zat hi an rawn siam ve a, hei zawng hi a ni mai, a hnuah kutthlak leh theihna kan nei tak tak dawn lo

Kan leiba ngah ziate kan sawi tawh a, kan ram inngahna ber leh awmze nei kan kalpui theih tur chu Central atanga kan hmuh Bharat Nirman tih te leh NEC atanga lo kal tur hi a ni zawk a ni. Heng tal hi Pu Speaker, khawngaih takin tha takin i ti teh ang u. Rural Electrification ah pawh April, 2005 atanga he Scheme hi kal tawh ni si, India ram khua zawng zawng kum 2007-ah a engkim vek tur a ni an ti a, za ah sawmkua a thlawnin sum min rawn pe dawn a. Chu chu kan sorkar hian chengkhat pawh a la sawk thlalo reng reng. Tun thleng hian hna pakhat pawh thawh a la ni lova. Khawimaw laiah electric ban pakhat a tluk pawhin chumi thlakna tur pawh a awm lova, khawtlangin pawisa te kan thawhkhawm a, kan lei chawp anih hi. Chuvangin Pu Speaker, kan inngahna tur zawk chu Central atanga Bharat Nirman leh Scheme leh project hrang hrang an rawn duan te hi a ni a, heng sum tel hi anihna tur ang leh a guideline angin hmang ila kan ziaawm deuh anga. Kan Budget ah hian beisei tur a awm tak tak lo tih hi a chiang khawp mai.

Awle, ka hun a tawp miau ta si a, Ka lawm e.

PU R. KHAWPUITHANGA : Pu Speaker, kan sawi tam ta hle a, a ngaihawm pawh ka ti. Ngaithlatu nih hi a manhla hle in ka hria a. Kan budget hi thenkhat tan chuan budget thalo halral mai mai tlak te pawh a ni mai thei a. Amaherawhchu i dinglama thute leh i veilama thute hi kan inang lo riau mai a. Khawimaw lai a kan hotutena thu an sawi House-a puitling lo taka sawi chiam chiam hi thil finthlak ber a nih pawh ka ring lem lova. Khawi emaw laia kan sawi, midangte tana kan infuihna tur chi ang te pawh kha kawng khat han la chhuak ve ta ila ka hma a sawi chiah pawh kha South II ah tunah khan kan dinghova. Tah chuan tuk khat chu helai ah khan public meeting deuh nge an inhmuh khawmna hmunah khan kan hotu zahawm tak khan thu a sawi dum dum mai a. Tah chuan chhungkaw lane-a mi chu an rawn inpe ta vek mai kan party-ah tih kha a au chiam mai a. 'E hei! kan ti a, zuk enfiah vat teh u,' kan ti a. Chuta a result-ah chuan tukin zingah pawisa an rawn dah a, chaw ei lo siam rawh u an ti a. Tlawmgaih chhuahin kan lo siam a kan lo eipui mai a ni. Kan kal awzawng lo kan kal dawn bawk lo tih kha a ni. Khatiang kha a ni a. Midangte thil tih kan sawi hi mahni inenve fo a ngai tih kha kan chian a thain ka hria a.

Tichuan, leiba tih hi a awm thin a. A ni ngawt mai, leiba pumpui en chuan a tam khawp mai. Tam tih loh rual a nilo. Mahse tun dinhmun financial year kalta ah khanin North East ah hian leiba ngah lo berte zinga mi kan ni a, Arunachal, Meghalaya leh Sikkim kan hma ah an awm a. A dang zawng chu kan hnungah an awm vek a ni. Chu chu a nih avangin leiba hi state tinin a neih a ni a. Leiba nei tura pek kan ni a Central atang hian. Market borrowing-te pawh kha awm tura tihsa vek kha a ni a.

Tin, fund kan hmuh reng reng 10% hi leiba a kalsa a ni bawk a. Tin, hralhna chi hrang hrang Central-in a pum bilh ang chi ah hian tax kan pe ve vek a ni mipuiin. Chuvangin Central ta, chawmhlawm anga sawite leh khawi emaw laia nei bik, Central atanga ti bik ang a helai a, indah nep hi kan tih vak tur pawh a ni bik chuang lo, State zawng zawng hi kan ni a. Consolidated fund of India a mi kan ring tlang vek a. Khami ah khan state local rei deuh tawhte khan sum kha an lo intodelh deuh tawh avangin, economic ah te tlema an lo ran deuh avang khan tlem chuan an intodelh a ni mai a. Mahse, kan than dan enin per capita income ah pawh NE. ah hi chuan kan economist pakhatin, Mizoram-a mi kan chhuan ve tak lehkha ziak ka chhiar ah chuan, NE-ah hian a sang ber kan ni tlat a ni. Chuvang chuan helaia kan thiltih hi duhthusam a nilo thei a, mar tha taka kan ngaihte pawh hi, ni e, khawthim dawn ah chuan han en ila a mar pur mai a. Mahse va kal hnai ila tlangte chu a chik hrep hrup ang hi a ni a. Duhthusam a ni kan ti hauh lo kan budget pawh hi. Kan thianpa pawh a nupui a hmeltha viau mai a. Chu chu thian pakhatin a sawi leh danah chuan a hmel a tha ngawt mai. A ke lam han en ila leh ang lawisi e tih tur a ni e tih ang deuh a ni a. Khatiang chi kha thil awmve tur chu a ni a.

Helai kan budget-ah pawh hian duh thawhna lai tur chu kan nei theuh ang. Amaherawhchu a pumpui han en hian hetiang ang siam chhuak thei hi kan la awm reng reng lo, Mizoram sorkar ah. Sorkarna party engemaw zatin kan chelh tawh a, hetiang budget hi kan la hmu ngai lo reng reng. Thil thar tam tak hetah pawh hian a awm a ni. Tunah pawh hian hei nikum lama kan pass ang khan budget management kha rawn kalpui ani ta a, chuvang chuan fel thlap in a lo kal ta a, report te pawh hi thil thar eng engemaw pawh a lo awm ta a. Hemi kaihhraina atang hian economic survey te a lo awm ta a. Economic survey atang hian kan dinhmun te pawh kan in chhut thiam thei ta a, a lawmawm hlein ka hria a. Survey report han ngaihthlak pawh hian a tlinglo lam ai chuan a surplus budget tih kha a lo ni ta a. A pun dana pawh kha mawitawk takin a pung a ni.

Chuvang chuanin deficit nilovin surplus budget kan neih chhung hi chuan budget chhia a tih theih loh reng reng a ni. Budget tha tihna ani zawk a ni. Leiba kha chu leiba a ni a. Tupawhin an ba, amaherawhchu budget a alan danah erawh chuan budget hi deficit budget a nih loh chuan budget tha tih loh rual a nilo. Mi in sawi mahse an awih chuang lovang. Chuvang chuanin hei hi chu budget tha a ni a. Thil thar tam tak a awm a chhungah hian. Department ah te pawh Department thar tha deuh mai kan han nei a Urban and Poverty Alleiration te pawh kan han nei a, a chhung ami hi kan ngaithla tam tawh a. Priority kan han pek lai a kha heta pek lai a hi sawi ve ka duh a Agriculture hi kan sawi ang khan kan duhthawhna a ni a. Keipawh hei ai hi chuan dah tam se chu tha ka ti ngawt mai a, Agriculture hi kan mainstay a la nih miau chhung hi chuan, amaherawhchu vawj khatah a dah tam thut theih loh aniang chu. Kan dah tam thut chuan sport lamah kan duh ve bawk si a. A hrang hrangah khan ani a semrual ah khan. Allocation ah khan balance a kaltir a ngaih avang khan a dahtute hian vawikhat budget-ah tihsan thut theih loh ceiling neite a lo nih avangin helaiah hian a rawn dah dan chu tiang hi a lo ni ta a. Amaherawhchu Agriculture and allied activitiess bik ah hian kan hman thiam phawt chuan hei chu ramin a chhenfak tham a awm a ni.

Agriculture link road tihte pawh hi a tul khawp mai a. Kan sawi kha ka han tanpui ve duh deuh a Km 1 a cheng nuai 3 hi chu tlem ka ti deuh a kan han lai a cheng nuai 3 chuanin kawng tha tlang ramah chuan a thlen tak tak hlei thei lo. Fur khat an liam a a chhe zui leh tlat mai a, chuvang chuan km 1 ah hian nuai 5 tal dah hi thei sela a tha hle in ka hria. A Department leh kan Institute hotute ka han chah ve nghal nisela. Tichuan, hei kan ram pumpuiin kan hria a PWD ah te pawh kawng kan lai mup mup a, development kawng vek a ni a, chutiang bawk chuan Agriculture ah hian pawisa hi dah tam a, a bul ber pakhat ah chuan a phurh chhuahna tur kawng, kan feh kawng ni pah bawk si kan la ngah em em a ni, chuvang chuanin Agriculture a thlai kan chinna tur ai mah khan kawng hi uar ve leh ta ila kan rama development a kal theihna tur atana development kawngpui PMGSY ani emaw NEC emaw NABARD emaw

ENI emaw a enga pawh kha ni ta sela sorkarina a han kalpui ang bawh hianin he Department hian link road laihna hi tam zawk dah sela a duhawm hlein ka hria a. A dik takin ka bialah pawh hei kan Minister zahawm takin min han pe ve a. kan vei ngailo hle a, tunah hian khawl nen kan lai ta mup mup mai a miretheite inhlawhna atan ka awt ve khawp mai a amaherawhchu tunlai khawvel ah chuan khawl hman a ngai tlat mai a. Kan inhlawh hian kan chhuak tlai thei ang reng sia, hnatlang te hi tihdan kan neih phung hi a kalsan hleih theih vak lova Khawl a kan tih khan a manhla em em a, khawlin kawng a laih kha mirethei ten kan chhawr chu a ni.

Chuvang chuan Agriculture Link Road kan laihte pawh hi mipuite tan a ni a. Chumi atana dah bawh chu budget hi a ni a. Mipuite chhawr loh tur lai hi pakhatmah a awm lova, mipuite budget a ni a, a hrana lak theih a ni lova. Chuvang chuan a pumpui hian mipuite budget a ni. Mipui vek kan ni. Democratic sorkar hnuaia awm, inthlang ram kan nih avang hian mipui a hrana dah a, a then tuten emaw sorkar hnathawka daha thliarhran kha thil dik a ni lo. Chuvang chuan kan zavai hian mipui vek kan ni. Public meeting-ah va kal ila, engemaw chanvo kan neih loh chuan mipui kan ni mai tho kha a ni. Chuvang chuan mipui te budget a ni a, amaherawchu kan awmna a zirin kan chhawrna a inanglo chauh zawk a ni. Sorkar hnathawk kan nih chuan kan thawhna ah khan mipui chhiahhlawh ah kan tang a mipui tho kan ni, khang kha dahhran tur a ni chuang lo. Kan zavaia kan chhawr tur a nih avangin khawimaw laia inhlawh na tur te te themnem deuh deuh te tute emaw tih vuivaina tur ang zia zanga sawi chiam chiam hi kei chu puitling ka ti lem lo a ni.

Chuvang chuan a vai hian mipuite budget a ni a. Nichina sawituten an sawi tawh ang khan kawng kan laih te pawh hi mipuite tan a ni a, sawinawn ka duh ve kher chu tunhma deuh kan sorkar tirh tumah khan sawlai CADC Chakma Area ah sawn kan va kal a, engkim mai hi a thing thup vek a, tahchuan Hospital kan va kal a, Hospital ah chuan Nurse chu an awm ve a, amaherawhchu Doctor kan nei lova. Vawk te pawh hi an duh duh in an tlan lut mai a ni, an ti a, chu chu lehlamah tih tur ka neih vangin a hnung ka zui zawk Pu H. Vanlalauva khan a va fanga, a lungchhiatthlak khawp mai a rawn ti hawng a.

Tin, chu lo lelah chuan Rest House kan tlawh leh a a chhiat zia chu zan han mu ila lehlamah kan chet deuh chuan a ri tut tut a lehlam ami khan an lo hre vek zel a, chuti khawpa chhia chu a ni. Amaherawhchu chung zawng zawng chu tunah chuan budget tha hi Pu Zoramthanga hruai Sorkar hian min pek thin avangin khang zawng zawng kha siamthat vek a ni tawh a. Hospital thar a awm tawh a, tin Rest House 2/3 a thar a awm tawh bawh a. Tichuan Lei indawh lo chhe pui pui ang chi kha tunah hian dawh zawh a hawn mai theih turin Lunglei bial lam atanga Chawngte 'L'-Chawngte 'P' lama kalna kha lei dawh zawh tep a ni a. Chutiang bawkin Chawngte 'P'-Chawngte 'C' pawh dawh zawh tep a ni a. Tichuan a piah lamah

khan PMGSY a kal phei leh ta a, Tameri thleng deuh thaw in a kal a. Ajurora ah a kalphei zel ang a, thlanglamah khan khutah Borapansuri lamah a kal tawh bawk a, pavement in a zui dawn bawk a. Development kha helam ang chiah bawkin a inang thlapin a kal ta a, an lungawi em em a ni, nichina kan ngaihthlak tak ang khan.

Chutiang bawkin kan MLA zahawm tak Pu S. Hiato dinna bialah ngei pawh hian Niawhtlang ah chuan a kal zur mai a ni. Chu chu mipuite budget tihna a ni, tin, he budget ami lo pawh hi kan House Leader zahawm takin a sawi thin angin budget hi chu a chotani mai a ni a tih angin lehlamah chuan Financial Institution hrang hrang te leh hmun dang ami Market bowrowing leh thildang kha Central pawh in zawng tura min tih khan kan hotuten an zawn hian hlawhtling takin Central lam atang hian an lo haw thin a, chu chu anih avangin heta kan budget-a lang lo, a aia tam deuh thaw hi thil tam tak, kawng laih na atan te leh GSS atangte hian a lo chhuak zawih zawih a ni. Chu chuan Mizoram hi tihchangkan a lo ni ta a. Khami kha anih avangin tuna kan dinhmun hi economic dinhmunah chuan kan sang ve tawh hle a ni. Motor tam zia te kan buaipui a kan hmu reng a. Tunhma a ang tawh lova, kal hleih theihloh khawp kan ni tawh a. Michhe te te pawhin motor te kan nei deuh vek tawh a, kan inbe thei deuh vek mai, T.V. te chu In tin luahkhat thei tura ngaih a lo ni ta a, khatianga all round development hi budget hian a rawn provide a ni. Chu chu anih avangin kan budget pumpui hi a hmasa pawh a tha a, tun ami pawh a tha, a tha hlawm hlak a ni. Mahse sawiselbo chu a nilo tih kha kan sawi ve duh a ni. Ka lawm e.

PU LAL THANHAWLA : Pu Speaker, vawiinah a hmasain lawmthu ka sawi duh a. 11th Five Year Plan, a Plan pum pui, Planning Commission leh Finance Commission ten an tih zawh hnuah tuna kan annual plan tur hi a hun taka budget session neih a. sawiho thei tura an han finalised thei hi a lawmawm ka ti a. Hemi chungchangah hian Pu Speaker, MLA anga kan hriat tur awm in ka hria a. Hetiangah hian tute emaw in fak a inbeih inbeih, in tlawnsiakna tur chi a ni lova. Plan hian kalphung pangngai a nei ve a, kan discuss hma daih hian Planning Commission hian a size tur te an lo ngaihtuah tawh a. Kum kalta a kan expenditure atangte, kan revenue receipt atangte, Capital investment kan neih atangte khan an lo ngaihtuah lawk vek tawh a. Chuvangin, theihtawp chhuah pawhin a pun phah vak chuanglo. Hei hi kan hriat a tha in ka hria a. Chuvangin, hetiang chin hi chu kan hriat a tha in ka hre ve hrim hrim a ni. Kan Chief Minister te leh a sawitute chu an zuk kal a kan hria a, kan aiawhin a lawmawm a, a tha e. Mahse a kalphung hrim hrim hi chu heta thu chin chuan kan hre turah ka ngai a ni.

Tin, kan vannei a, tun kum 18 kalta chhungin India ram economy hi a that ber lai a ni a. Asia ramah hian kan tluk loh awmchhun chu Population an tam deuh vang te pawh a ni ang a. China chiaah a ni. Tun kal mekah hian kan growth rate hi 8.4 velin an estimate a, an awm a. amaherawhchu, an khum hret dawn in a lang a. A tharah phei chuan 9.2 vel growth rate hi ni chho dawnin a lang. Chuvangin, kan hunlai hi a lawmawm hle a ni. Keini hunah khan Central Sorkar inthlak chhen lai khan economy nasa takin a tlahniam a, Planning Commission Deputy Chairman kha Madhudhandapa te niin ka hria a, chumi hunah chuan kan increase percentage hi a hniam khawp mai a. 2 something a nia theitawpin kan han bei a, ka'n tlan tauh chhuahsan pawh khan a pung tam thei vak lova, a tawpah chuan 3. Something in a pung ta chauh a ni. Tunah pawh hian India Hmar chhak a State kan han hriat theih tawh chinah pawh hian a increase percentage-ah hi chuan kan hniam ber a ni. Amaherawhchu chumi avang chuan kan Sorkar ka dem hranpa chuang lova, kan Chief Minister pawh ka dem hranpa lova.

Hei Assam te hi 26.60 % Tripura 28.42% Nagaland 18.42% Chutiang chu an ni a Arunachal 25% keini hi 12% vel a chhut niin ka hria a. Tin a entire Budget Plan non-Plan hi 14% vel niawm a ni a. Chuvangin tute emaw han in faka han in tlawn chiam na tur hi a awm lo hrim hrim tih hi kan hriat a pawimawh. Tin 12th Finance Commission khan heng budget te hi inang taka kalphung siam na tur atan te ngaih dan an nei a. Chumi atang chuan tuna hei The Mizoram Fiscal Responsibility of Budget Management Act te hi a lo chhuak ve ta te hi a lawmawm a, hemi dungthul deuh a an han kal ta te pawh hi tun hma ai chuan tlem chuan an that phah niin a lang a. Heng te phei hi chu thil lawmawm a ni a, amaherawhchu a kal phung a chho zel ve hrim hrim a ni tih kha hriat tur a ni a.

Tin Finance Commission tin hian Emphasis an nei vek a chuvangin an ni hi chuan tun a mi hi an rawn exercise ta a ni mai tih te pawh hi kan hriat a tha khawp mai, a kalphung hrim hrim a hi chutiang chu a nih avangin helaiah hian tute emaw han in tlawn siak a han in fak teh chiam tur a awm lova, tin nih miah loh anga han in fak te hi kan faka te tan pawh a zahthlak duh viau rum rum thei zawk a ni tih te pawh hi kan hriat a tha in ka hria.

Tin Central Budget kha han en lawk ilangin kan State Budget pawh hian tlem chuan khami ang zawng hian a kal ve tih te hi hriat tlan a chumi ah pawh chuan lawm a tul chuan lawm mai chu a pawl chuang lova. Eleventh Five Year Plan chhung a Budget hmasa ber kha hman niah kan han Present kha a ni a. Khatah khan 2010 a Economic Grant nih kan tum na avangin 3 zinga pakhat America, China, India Rural lam pang hi nasa takin UPA Sorkar khuan a ngaih sak a ni. Tin tuna Fund a lo tamna chhan pawh hi helaiah hian

kan Chief Minister in ama speech ah ngei khan chiang takin a rawn sawi a "As I had mentioned in my last Budget Speech, the Budget for the current year and the year 2007-2008 fall within the award period of the 12th Finance Commission. This period 2005-2010 is marked by a relatively higher level of inflow of resources from the centre in difference forms of transfer of resources to the state. This result in a relatively comfortable Fiscal position for the State" a ti a. Chuvangin Central atanga fund inflow hi a tam tak avangin kan position pawh hi a zia awm ta viau a ni tih hi a chiang khawp mai. Tichuan Pu Speaker, Central Budget kan han en chuan Agriculture hi an ngaih pawimawh hmasa ber a ni tih hriat hi keini ram ang tan phei chuan a lawmawm khawp mai.

Tin, a dawt ah Education Department a ni a, a increase percentage ringawt pawh hi tun budget ah hian 34.2% a ni a. Health and Family Welfare te hi hei a kal chho zel a, a increase na hi 21.9% a ni te hi a lawmawm hle a ni. Tin, chutianga ram ropui nih kan tum lai chuan Schedule Tribe and Schedule Caste-te hi India ramah kan la hnufual hle a, Pathian zarah chanchin tha avangin keini hi a changkang pawl kan ni a. Tichuan Schedule Caste and Schedule tribe Development atan ringawt Vaibelchhe 3271 an dah atang hian tam tak kan chan ve tur a awm dawn a ni kan thiam chuan tih te hi hria ila. Women and Child Development ah ringawt pawh 8700 Crores a awm avangin heta tang pawh hian Share tam tak kan nei ve tur a ni tih hi in hria ila, kan Sorkar in a thiam chuan. Chutiang zel in North Eastern Area atan ringawt hian 14365 Crores an dah a ni, nikum ah chuan 12041 Crores a ni. Tin, chumi ah chuan donars 1380 Crores a tel nghal bawk a ni. Chutiang chu a ni a, chuvangin pawisa kan hmuh tur hi a tam em em a ni.

Kan ngaihtlak tawh angin Member zahawm tak Pu Lalduhawma ten an sawi angin a hmandan zawk a hi, a Plan pawh tha rawh se, a man pawh tam rawh se, a execution a hi pawimawh thin a, chuvangin chulam pang chu kan Sorkar inconcentrate -na tur zawk ni in ka hria. Tin, khang zawng zawng bak ah khan non-lapsable pull atang pawh khan ala awm bawk a ni. chutiang chu a ni a Tin, India hmar chhak hi Industries-a kan hnufual avangin tun budget ah pawh khan New Industries for the North East ah khan nuai engemawzat an rawn siam a. Tin, Investment Friendly Atmosphere awm a awm theih na tur atan thil hrang hrang an siam bawk a, chutiang chu a ni.

Tin, kan ramah thingpuite kan han ching ve chhin a.a tha duh viau a hmuh chhuah a ni a, chutiang Assam rama Six Tea Industries te revised a nih tur pahin hmun danga Tea Industries te a lo din chhoh theihna turin Tea package pawh hi tam tham tak an rawn siam a ni. Chutiang chu a nih lai in keini State zawk hi kan State dangte nena kan in khaikhin chuan a tlem mah mah a ni tih hi hria ilang in, chutiang chu kan nih avangin vawinah hian a pawng a puia han lawmna ngawt tur a awm hranpa lem lova, chu chu kan sawi duh hmasa a.

Tin, a budget chung ah khan a technicality lamah khan Pu Speaker ka lut ve hranpa dawn lova. Thiam takin member zahawmtak Pu Lalmingthanga te, Pu Andrew Lalherliana ten an rawn sawi tawh a. mahse, heta kan rawn tar chhuah ah hi chuanin real term-ah thil kal se tih duhna ka nei tak zet a, hei growr domestic products hi kan National Income a ni a. Sawi tak ang khan China tihloh ah chuan Asia ram ah kan ti tha ber a ni. Heta kan han hmuh hian kan Grows Domestic Products, kan State income hi 4.84% tunah hian a ni ang an ti a. Engpawh niselangin hetah kan han hmuh leh Fiscal deficit a tlem a, chutiang khatiangin kan Surplus-a, han tihte hi nilo thei a ni dawn em ni? Pu Speaker. Vawiin ah hian heng zawng zawng lo punchhoh nachan a hi, mirethei te leh mi vantlang hnuai lampang ten nasa taka tax kan pek vang a ni tih hi hriat atha a. Chuvangin, chhuan tur a awm hranpa pawhin ka hre lova ni, chhiah chitin reng. In leh lo huan ram chhiah a pun nasat avangin mipui kan hel angai hial a ni.

Tin, Tui leh chhiah a pun theih chungchangah chhiah a pun theih zawng zawng chu lo pun rawh u, tia vai hovin an hrih avangin kan sorkar hian an tipung vak maite hi, Pu Speaker, keimahni mipui zawh tawh angin kan kal tur a nia. A pawh hle a ni. Tin, Sorkar hnathawk te GPF leh provident fund te, kan surplus a, kan dinhmun anuam hle tawh anih chuan engahnge vawiin ah hian anmahni pawisa ngawih ngawih te hi an hman theiha kan siam mai loh? Engatinge harsatna kan la siamsak reng? Chutiang thleng chuan. hemi kan sawi zawng hian ngaihtuah angaia, henga an ziate pawh hi a diklo pawh ka ti lo. A thalo pawh ka ti hranpa lo. Amaherawhchu surplus kanlo nei anih pawhin, kan deficit kan lo release anih pawhin, kan GDP alo pung anih pawhin a chhan leh vang a hi Industry Sector ah, Agriculture Sector ah, Fisheries ah. khitiang zawnga khi kan pawm ta tihna a ni lova. A indication-a chu, mipui vantlang chung ho chu, nasa taka kan tax pekna atangin heng hi kan lo nei ta a. Sorkar hnathawk te hial pawh kan hreka, chumia kan hrekna an pawisa tling khawma chu hetah kan show ta mai a ni tihte helaiyah hian alang chiang khawp mai.

Chuvangin, zuk lawmna viau tur hranpa a awm lova, amaherawhchu State hnuhnung rambuai kum 20 ina a hrut chhiat tawhte kan ni a. Helaiyah hian theihpatawp in kan tang tlang a ni a. Chuvangin kan tang anih chuan, chulaiyah chuan a tute pawh hi in dem hranpa lova tang tlang tur kan ni tih erawh hi chu, kan hriat a pawimawh khawp mai. Tin, khang kan sawi piah lamah khan sum hi a luana rawn luanglut tura ruahman hi Central atang khuan a tam hrim hrima. Kan hriat tawah angin, Jawaharlal Nehru Urban Renewal Mission ah te, Bharat Nirman hrim hrim atang tein a tam em em a. Tin, head Mission atang te, heng zawng zawnga hi mimal leh enkawl tute hausakna nilo, mipui ina an chhawr theih tura kan siam hi a pawimawh ber zawka chu a ni. Chuvangin tuna kan awmdan ah hi chuan, engzata tam pawh hi lo luanglut selangin mipui te tana chhawr tur tehchiam hi a awm lova. Chuvangin tute emaw kutah a lut mai ani tih

chu chiang takin tunah helaia kan Gross Domestic Product te leh earning te leh helaia 4.8 to 4 % te leh kan Per Capita Income, hemi economic surveyor hoin an ziak te atang zawng zawng khan alang theia, chuvangin atak taka heng hi Zoramah thlen tir theih a ni.

Pu Speaker, mihring kan la tlema, chuvangin tihtak zeta sorkar hian mahni aia ram dan hmasa zawka an kal phawt chuan, Switzerland of the East hi a siam theih a ni tih hi chu a chiang khawp mai, mahse tuna kan kaldan ah hi chuan kan siam lova, kan hlat hret hret zel a ni tih erawhchu mimawl ber pawhin kan hmuve phak anih hi. Tichuan tunah hian kut hnathawk mi te mirethei te an lo pung ta hle a ni tih a hriat na chu vawiin ah hian khatiang Association kha a ding a ding ta mai, Pu Speaker, chuvangin kan Sorkar hi chuan ngaihtuah tur hi chu a nei a ni tih hi chu a inhriat duh chuan hriatna tur khawp riva chu a awm ta a ni. Hei ka ngaihtuah thin a, tun kum 9 chhung hian he Sorkar hian eng economic policy nge aneih chu aw tih ka ngaihtuah thin a, mithiam deuh te leh Sorkar hnathawk milian deuh te kan kawm ve phak te pawh hi ka zawt ve thin a, sawitur avang khawp nia. Nichina Member zahawm tak Pu Lalduhawma'n a sawi bak kha chu sawi tur a vang khawp mai.

Tin, a teuh ber chu MIP hi a ni. Amaherawhchu a ti tu te kan hriat tawh vang nge ni Mizoram Intodelhna Programme kan han tih tih atang khan Mizoram Invenna Programme ani mai awm mange aw tih kha kan lo ngaihdan ani daih tawh a ni. Kan hlauh ang ngei ngeiin alo thleng dik ta te hi pawl tak a ni. Chu chu a chianna em em chu Pu Speaker an semdan dikloh dan te leh a in lakhleih dan leh a tangkai loh dan te chu kan hmu a. a failure a hlawhchhamna chu he hnam hi a hretute kan ni a.

Tin, khami zuk nemngghettu chu a tira mithiam an rawih rual ho reng reng kha an hming pawh lam ilangin Pu Rualzakhuma, IAS ani emaw Rev. Liandawla ani emaw Wg. Edr. Lalnghinglova ani emaw khang ho zawng zawng khan severe takin tihtakzetin an han bei chhova, amaherawhchu sorkar in an tum ang leh an sawi ang leh an propose leh an hmuh anga an tih tak loh avangin beidawngin an bansan vek tawh te hi heng atang te hian tuna kan sawi kha a confirm in ka hria a ni.

Tin, kumina an han dah leh te pawh hi a lawmawm khawp mai, Central Sorkarin a pekna chhan Budget bu-a an ziahdan ah kha chuan Jhum circle and jhum circle tih umbonan ani tih a ni a. Zuk dilna chhuanlam atan pawh an hmang anih chuan thil tha tak a ni, chutiang chuan an hmang angem tih erawhchu hunin a hriat dawn a ni a. Chuvang chuan ani Pu Speaker, helama thu tam ber member zahawm tak te hian mipui chanvo mirethei thleng phak a awm love an tih nachhan chu. Chuvangin kawng a tam ziate an rawn sawi a, mahse khangah khan saw lam kawng ani emaw he lam kawng ani emaw mipui vantlang chan phak a awm lova, ruling party a tlatlum deuh te an

chhung khat laina te an ni a, an hming sawi tur te pawh kan hria, chutiang chu ani, chuvangin mipui chanvo hi a awm lo ani tih hi chu a dik a ni. Chuvangin Pu Speaker, vawiin ah hian tih chingpen theih loh khawpa ngaih National Rural Employment Guaranties Act hnuaijah hian Sorkar hnathawk awmlohna chhungkua ten kum khatah ni za tal in hlawnhna an nei tur a ni tih tih kha, engkim kan hre vek tawh a. Chu chu vanneithlak takin Saiha leh Lawngtlai District an rawn thlang ve a, Central sawrkarin. Tichuan chumi a han tihpuitlinna turah chuan tunah hian Pu Speaker vanduaithlak takin an tih dan saw a dik lova, engmah saw dik a awm lova. Tin, Lawngtlai khuate chu keimahni Sawrkar pawh hian a huam ve lo che u, nangni chu urban area in ni an ti tlatte hi a letlingin an kal a ni. Lawngtlai khuaah, te Saiha ahte hian mirethei tam tak an awm a, chungho tan chuan an lo tiphawt anga Central-in an object a nih chuan an hrilhfiyah mai tur a ni a. Tin, ar talh dan chikhat chauh pawh a awm lo. Chutiang chu a ni a. Tichuan tunah hian mipui chanvo inhlawnhate hi a vang em em a ni, kum kha leh chen kum riat kum kua velah khan inhlawnhna nei miah lo khua tam tak an awm a, a awm chhun chu MNF Monopoli a ni, MNF-ah chuan an la awm lehngal a, chutiang chu a ni.

Chuvangin Pu speaker, hengte ang te hi Zoram pumpui khuh tur hian kan Sawrkar hian nawr se ka duh a. Sonia Gandhi'n district 200 an thlan tawha Congress President te leh a district-a Congress hnathawktute kha nikumah khan min kokhawm a. Prime Minister te leh khatiang Minister-ho zawng zawng kha an awm vek a ni. Chuta thu min sawitir vena ah chuan keini Mizoram pumpui hi U.P. te Bihar te district pakhat a population pawh kan zat lo a ni a. Chuvangin Mizoram pumpui hi min thlang tawh ula tiin kan nawr a ni. Chu chu tunah hian kan sawrkar te pawh hian ngaihvenzui selangin mipui chanvo tur, miretheite thleng phak inhlawnhna pangngai te a awm loh viau lai hian Pu Speaker chutiang chuan sawrkarin a nawr chuan district pakhat ni thin kan ni a, phailama district te population kan zat chuang si lov, chuvangin min rawn pe thei ang tih ka ring a ni.

Tin, a tawpna atan chuan Pu Speaker sawi tur chu ka la ngah nain Thalaite tan Khawvel thar opportunity hi a awm lovin ka hria Chuvangin tun Central budget kan en chuan post creation ringawt pawh kha a nuaia nuai tel a awm a ni. Tunah hian kan thalai lehkhathiam te nasa takin an mangang a, tihur dang a awm lo. Sawtah Manipur ah, hel pawl, Meitei, Kuki, helpawl 7/9 vel ang sawn, eizawna thaber chu silai tha tak neiha, a neite chhuhsak, an tih ang sawn helaiah hian kan hnaih ve ang tih a hlauhawm khawp. Chu chu kan sawrkar hian chiang taka hriaa, chutiang chu kan thlen lohna atan hma a lak a pawimawh hlein ka hria a. Chuvangin zopa opportunity-te Self employment te, tin, hei Games & Sports- ah te pawh tunah chuan khawvel kan al ve thei a ni. Heng kawngahte pawh hian thalaite tan opportunity thar tam tak a train theih a ni. Chutiang chuan Pu Speaker he budget hi, a preparation-a hi chu a tha viau a ni mai thei a mahselangin fun kim loh tam tak a neihte hi kan rawn point out a ni a. Chuvangin a pawimawh bera chu eng ang pawh in awm selangin hleih neih nan hman ni lo sela.

Tin, mipui chanvo hi kalbo lo selangin, tiang chuan kan ram kan hnam develop-tu atan hman ni selangin. Tin, engemaw sawisel a awm pawhin Pu Speaker chhui hi ngam ila a thain ka hria. Hmanah he House-ah hian Greater Lunglei Water supply a eiru, Vaibelchhe tam tak eiru niin ti a, 'e min chhui rawhse,' ka ti mai a, Pu Speaker, Kan Speaker zahawm tak hnenah helai a min puhtu te ngei ngei hi member-ah siam langin, enquiry Commission din in min chhui rawhse ka ti mai a. An chhui mai a, engmah an hmu lem lova. Chuvangin helai a mi awm te hi sorkar tawh leh sorkar mek te kan ni a. Kan ram a Corruption leh thil thalo zawng zawng ah hian min puh an tum tlat, Zoram mipui leh kohhran mite hian. Chuvangin chutiang chu kan nilo ani tih mipui kan hriattir a, zahawmna, rinawmna, dikna, thianghlimna kan um a tha. Chuvangin heta awm te hian leipse kan ngam tur niin ka hria a. Chuvangin Pu Speaker heng sum tam tak kan hmanna turah pawh hian leipse ngam tur a an thawh hi kan duh a. Tin, chutiang a an thawhlohna a mipui vuivaina leh kan chanvo kan chan lohnaah, Mizoram mipui tam tak vuivaina hi enfiah a, chutiang a chhui chu kan ngam tur a ni tih pawh hi ka sawi duh a ni. Ka lawm e.

S P E A K E R : Le kan sawihona kan duh tawh tawh rih anga kan sawi hmanloh tepawh Demand kan sawi hunah kan la, sawi leh zel ang a. Tunah chuan kan Finance changtu Chief Minister zahawm tak engeni kan sawihona ah te khan hrilhfiyah ngai a tih han hrilhfiyah in kan sawi hona te han hruah mum sela a tha ang e. I lo sawm ang u.

**PU ZORAMTHANGA
CHIEF MINISTER** : Pu Speaker, ka lawm e. Kan Member zahawm tak sawmhnih chuang. sawmhnih pahnih laiin tun tum kan budget general discussion chu hun kan hmang a, a lawmawm hlein ka hria a. Hei budget hi kan Member zahawm tak ten an sawi ang khan keini sorkar a thuten kan han buatsaih ve hlawm a. Amaherawhchu India ram ina a tih dan pangngai ang leh Central atanga pawisa kan hmuh dan a zir te a kan buatsaih dan pawh kal zel a ni a. Amaherawhchu thenkhatah adjustment a tul angin kan kalpui bawh a. Tichuan India ram in a economy a pumpuia a lo that tak ang zelin State-a a zar kan zo na te pawh a lo pung chhova, chung chuan a pun pawh min ti pung a. Keimahni state resources kan lo lak khawm te nen belh khawmin chu chuan kan budget amount hi a rawn ti pungin, a rawn ti tlem thei a, Tichuan kumin a kan budget pawh hei a vai chuan nikum a kan budget kha nuai singhnih leh sangthum leh zaruk leh sawmruk pakua anih laiin kumin a mi chu Rs. 2,32,292 /- lakhs kha kan budget bu a kan hmuh ang khan a lo ni a. A punna

hi Rs.28,622/- lakhs laiin a lo pung ta a. A lawmawm em a, hei hian kawng tinrengah hmasawna a siam kan ring a. Tin, hei hi kan Member zahawm tak ten an sawi ang khan a zai thei ang emaw a hlawk thei ang ber emaw a, hman hram hram kan tum a, kan tihtlan pawh a tul hle tih ka sawi duh a ni.

A dawt leha ka sawi duh chu, kan Economic survey bu kha, Mizoram History-a kan siam vawikhatna a ni ve hial awm e, khatiang chi kha chu. Tikhan kan han siam ve a, kan medium term fiscal policy zulzuiin ti hian kan han buatsaih ve a, a changtlung tawk lovin, a famkim lohna lai tamtak pawh a awm ang a, mahse, a vawikhatna-ah chuan ka rinai takin an rawn chhuah tha a. A tihzia hle a, a en pawh tamtak tan chuan kan zir vawikhatna tur a ni a, kan enthiam loh lai a technical te pawh a awm ang a, hemi buatsaihnata an hian kan member zahawm tak ten in rawn sawi ang khan heta kan estimate han siamte kan G.S.D.P. han siamte kha a dik tak tak meuh ang emaw chu le, in han ti kha, a ni bawk viauva, rinai khan a tha a. Chuvangin kan va ring harsa ve, a va tha mah mah ve, in han tih kha a dik a. Mahse, dik thei ang ber leh Central Government-a an Counterpart te nena assesment siam a, uluk taka an beih a ni a. A dik thawkhat viau chuan kan hria e, an ti a. Kha kha ka han sawi duh a ni a.

Hemi Domestic product ve, kan GSDP 2006-2007 tun kan kum hman mekah hian khata advance estimate an ti a, an technical kha chuan an advance estimate kha chu lakh 2,96,549 a ni a. Amaherawhchu a constant price an tih an base population, nilo kan Census base a 1999-2000 inkar, khami base a lakna atanga chhut khan kan constant price ah chuan nuai 2,16,314 a ni tih pawh kha khami kan lehkhahu ah pawh a rawn tarlang a. Tichuan, tuna kan Economics & Statistics tena an estimate an advance estimate an ti a, khami a an estimate danah chuan kan per Capita income hi 26,673 vel a ni. Chu chu an rawn estimate dan a ni a. Amaherawh chu, India ram pumpui levela tuna estimate awmah chuan 29,069 vel a ni a. Keini kha 26,000 vel anih laiin India ram pum pui chu 29,000 chuang a ni a, kan la pha lo viau a. Amaherawhchu, chuti chung chuan, hei tuna kan han hmuh chinah hian India rama estimate tuna a kaldanah hian per capita income GSDP an compare-na ah hian Goa khu pakhatna a ni a. Pahnihna hi Punjab a ni a. Pathumna hi Maharashtra a ni a. Palina hi Haryana a ni a. Pangana hi Himachal Pradesh a ni a. Parukna hi Kerala a ni a, Pasarihna hi Gujarat a ni a, Pariatna Tamil Nadu a ni a. Pakuana hi Mizoram kanni ve tlat a ni. Chu chu tuna an chhut dan hi a ni a. North East ah chuan atha ber kan ni ve tlat a ni. Tuna an chhutna ah hian 9-na kanni ve a, duhthu asam lo hle chungin rin ai takin a ziaawm a, a lawmawm khawp mai. Engpawh nise chuti chung chuan kha kan Member zahawm tak ten an han chhut ah khan cheng 26673/- vel pawh ni sela, a then hi rethei tak kanni tho si a, kan inkar ava hla ve tih kha adik khawp mai a, India ram te hi chu han chhut ila, mipakhat ina 29000 vel lalut anga ngaih a, Kolkata vela khung hume pipe kara mu ho han en khu chuan mipakhat in 29000 chu an lalut lovang tih chu a chiang khawp a, apumpui a khatia an lakkhawm na

ah khan kan Mother India ber pawh hi khati khawp khan a rethei leh haus a inkar chu a awm a ni s tih hria in keini hi chu hume pipe-a mu leh i... em hi kan la awmlo deuhva, India ramah chuan a rethei kan awm chungin, a ziaawm pawl tak in leh lo te kan la nei neuh neuh a, kan ziaawm viau zawk e, tih kha kan sawi duh a ni.

Tin kan budget hrim hrim ah hian hei Revenue Surplus in kan han awm tlat hi a lawmawm kati a. Hei leiba kan han sawi a, leiba nakinah a hranpa in rawn sawi ila atam em em mai a, adika, amaherawhchu a pawimawh lai ber chu a leiba hrim hrim hi chu kawng chi hrang hrangin kan va puk a, kan ba tlingkhawm kha chu a tamin a tlem a. Amaherawhchu, keimahnin kan State ina kan lak luh leh khami punna tura Dan-ina min tih kan hmanna inkar, kan revenue receipt leh kan revenue expenditure laia kha a pawimawh zual lai chu a ni a. Tun hma zawnga kan problem kan harsatna ber chu, a leiba hrim hrim ni lovin. Revenue receipt a tlem lutuk si a. Revenue expenditure a sang lutuk bawk si. Khalai chiah kha Central pawh ina min ngaih pawimawh, keini pawhina kan ngaih pawimawh kha a ni a. Capital siamna a tan chuan kan puk ang, khang kha investment angin a lo pung zel ang a. chutiang chu tam tak pawh a awm ang. Amaherawhchu, kan revenue receipt leh kan revenue expenditure a inmil lo lutuk, gap nasa lutuk lai, hei taka hi Sorkar laipui pawhin, 'Hei hi tan la rawh u, chuti anih loh chuan heti hian kan rawn hrek dawn che u a ni,' ti a State zawng zawng min hauna pawh kha a ni a. Chulai point-ah tak chuan Mizoram-in tunah hian kan revenue receipt kan han la khawm a, kan revenue expenditure kan han paih a. Tahchuan hlep a surplus a kha Crore 162.84 kan lo nei ve ta tlat a kha kan lawm em emna a ni a.

Nikumah pawh khan khatiang khan kan nei tawh a. Nikumah erawh chuan 135.06 a ni a Kumina kan revenue surplus hi Crore 27.78 in nikum ai khan a pung a kan lawm hle. Chu chu kan achievement ah hian sorkar laipui pawhin min lawmpuina lai leh keini pawh kan lawm na lai a ni. Tin, kan member zahawm tak Pu Lalhmingthanga sawi ang lai a kha - Hemi kan gross Financial deficit kan han en a kan reform target in min phut na tur nen a kan kalna lai a kha kan en a. Tichuan 2006-2007 ah kan Gross Fiscal deficit chu Crore 288.33% chu chu 9.27% a ni a. Tichuan 2007-2008 a kan kalna tur en in kan close na te en in kan Gross fiscal deficit kha 113.65% ni in 3.49% ah kan tla tlat mai a. Kha kha lawmawm kan tih em em chu a ni. Kan Reform target hian 2008-2009 ah hian 3% deficit hei tal hi chu in thleng tur a ni an ti a, thlen theih kha chu min la beiseipui lova. Nikum kum kal mek ah chuan 9.72% atang a 3.49% a kan tlak theih chuan 0.49% chauh kha nakuma tlak chu a har tawhin kan hre lova, kha kha kan reform target kan zuk achieve na tur a ni a.

Chuvangin reform target min set sak 3% aia hniamah hian nakumah pheih chuan kan tla thei ngei tawhin kan ringa, tih hi a lawmawm kan tihna lai chu a ni. A tih tlem dan ang tur chi hemi ah hian

(**PU ANDREW LALHERLIANA** – Hemi target hi a set ve theih angem aw, hrim hrim ana Central ah khan a awmin ka hria, fiscal reform-ah khan, Mizoramah khan a awm lova, a awm ve theih dan hi a awm em, tih kan zawt duh a ni.) Awle, kha kha leiba subject sawiah ka rawn sawi tel leh anga, kha pawh kha kan tum nasa e, tih kha kan sawi duh a.

Tichuan, kumina kan budget 2007-2008 ah hi chuan opening deficit kha kan nei a, chu chu Crore 104.17 a ni, kha kha kan nei a, amaherawhchu, hei hi engatinge revenue-surplus nei si opening deficit Crore 100 chuang a ba – sa a intan tih pawha chhut theih tak a ni a, amaherawhchu, hei pawh hi kan tlahniam viau a ni a, a chhan chu hemi 2007-2008 kan budget estimate ah hian surplus budget hi 83.31 Crore kan neih avangin kan opening deficit-a hi 104.17 ni mahsela, khang kha kan han paih khan 104 atanga 83 point kha sawi tel lovin kan paih chuan kan closing deficit kum a tawpa kan deficit na tur a kha chu kan han hisap chuan crore 20 emaw chauh khan a tlahniam thei dawn ta a, kan hawanna kha 104 lai bain hawng mah ila kan Revenue Surplus neih ve tur atanga kan han paih khan a tawpna hi chu Crore 20 emaw lek Deficit in kan tawp thei dawnin kan hria e. Kha kha a lawmawmin kan hria Achievement hei aia tha lehzual nei tur pawhin kan tan chuan a la tih theih bawk a ni.

PU R. LALZIRLIANA : Pu Speaker, nikumah khan tunkum financial year tawpah hian Crore 27.11 khanin kan Deficit thei chauh ang kan ti a. Mahse, Crore 104 lai kan thleng ta si a. Chu chu Crore 77.06 khan a inkar a awm ta a. Khalai kha kan hisap kha ngatinge a sual nasat em em ?

PU ZORAMTHANGA CHIEF MINISTER : Pu Speaker, a chhan chu chi hrang hrang a tam khawp a. Kan rinloh kan hmuh tura kan ngaih, kan hrawh lohte, hman tullo ang kan ngaih, kan hman lo tul tak ah hian khang kha factor chi hrang hrang chu hmuh tur a awm ang a. Mahse, kan teite thla sawt ve ta hle e tih a kha chu tuna mi pawh hi a dik chiah lo mai thei. A hniam thei a. A sang thei. Mahse, kan han forecast vena mai a ni a. Kumina kan pawisa hmuhdan a zir leh kan hmandan a zirin hei danglam ve thei a ni tih kha kan sawi duh a ni.

Leiba chungchang ah chuan leiba hi chi hrang hrangin a sawi theih a. A leiba hrim hrima kha chu a that loh rualin a thatna chhan a kha a pawimawh lai chu a ni a. Leiba hrim hrim ah chuan han sawi chuan Mizoram hian kan Budget pumpui aia tam kan ba tawh a ni. Chuvangin, a lungngaihthlak a ni ti ila, a hrelo zawk chu thu kun reng khawpin a sawi hnan theih ani. Mahse, America Sorkar khu khawvel ram haus a ber a ni a. Leiba ngah tam lawr lak a ni. An batna chhan a kha peipung thei tur chi siamna atana an bat te alo tam thin vang a ni. Kum 2005 tawp a leiba dinhmun India RPI atanga kan han lak ah pawh hian, Uttar Pradesh an ba tam ber a, West Bengal, Andhra Pradesh, Rajasthan etc. state 26 lak ah hian a ba tlem ber chu Sikkim a ni a, Arunachal in a dawt a, Meghalaya in a dawt a, Mizoram, Nagaland in, Tripura, kha kha state te kan ni a. Kan ba chu a tam e, March 2005 ah pawh Crore 2147 kan ba tawh a, tunah chuan chu aia tam daih ani tih pawh kan hmu a.

Amaherawhchu, chutih lai chuan Uttar Pradesh te chuan Crore nuai chuang an ba, West Bengal-in chutiang bawk an ba a, a ba tam tih zawng chuan sawi dawn ila a tam lutuk, keini te chu a tlem ber palina kan ni a chu chu a ba hrim hrimah hian a ni a. Amaherawhchu, kan Member Pu Andrew a sawi angin, Central sorkar pawhin min ngaihtuahpuia, keini pawhin kan ngaihtuah a ni. Vawikhata kan rulh a interest sang a kha a hmiam lama kal dan tur te kan ngaihtuah ani. Hetah hian a pawimawh lai chu keimahni chuan kan ngaihtuah teh meuh mai a Central pawhin min ngaihtuahpui e. Amaherawhchu, helaiyah hian a pawimawh lai tak a chu, nichina ka sawi keimahni State resources kan lakluh keimahni Revenue restrict tak a kan pun a kha keimahni Revenue expenditure ina kan tihlema kha number one a lo ni ta a

. Loan leh ba kan lak ah hian asset siam tur chi a return lo awm leh tur chi a leiba ah kha chuan kan hriat theuh angin Central Sorkar pawhin an la teuh tawh a, an ba teuh teuh a. State tin te hi inbat theih tur chin leiba heti zat a ni, an ti a, min pe vek a. Khami a kha hemi chin hi chu a safe e, an tih chin kha min pe vek a. A tlangpui thuin an tel deuh vek a ni. Chumi chu India ram pawhin min Monitor-na a ni a. khami a kha, thenkhat ina an chhut dan phei chuan America leiba hi vawi leh khatah rul dawn se, an rul dawn em ni le? tih tur hial khawpin anni pawh sorkar haus a ber kha an ba tam a ni. Khami avang khan an rethei chuang hauh lo, tunah pawh kan han hriat angin kan plan pawisa kan Opposition Leader zahawm tak ina a rawn sawi ang khan kan plan pawisa ba sa tur hian min han tuk phawt mai a ni LIC ami te, NABARD amite, hei hi a ba in in la ang an han ti a. Aba a kan lak tur kha min han tuk sa phawt mai a, nangmahni state resource kan chhut khawmin he ti zat hi in nei LIC ah ba in lak tur heti zat Central assistant heti zat in hmu ang an ti a. Khata tanga lo kal chho kha a ni ta a. Chuvangin tuna kan han lakah pawh kan hriat theuh angin NLCPR ah te a thawk tam apiang khan bat tam loh theih loh a ni. Crore 100 kan lak chuan 10 percent kha kan bat a ni a, Crore 90 a kha plan a ni ta a.

Tichuan, Development kha grant a ni ta a. Tichuan development kan tih nasat a pawisa kan lak tam poh leh a bak kha chu a tam mai a ni. Amaherawhchu kha kha pawisa an ti lo, in thawk chak lo ti thuai thuai rawh u an ti a. A hmanna tur erawh chu a return nei chi tur assets siam nan 'hetah chauh hman tur,' an rawn ti a. T.V. leh thildang lei nan mai mai khan an awih miah lova. A project an approve return nei tur ah chauh an awih reng a ni. Chu chu anih avangin kha ta thawk chak kha chu an tlan char char a, kha development hmang chak apiang in leiba an ngah a. Amaherawhchu return leh tur development ah a chak pawh a chak bawk a ni. Chuvangin leiba hi neih tlem chu a tha e. Amaherawh chu kan leiba a tam zawk tih kha chu keini aia ba tam zawk proportionately pawh in India ram State hi 75% kha chu keini aia leiba tam zawk proportionately pawh in an lo ni vek e tih kha kan hriat a tha in ka hria a ni.

Tin, kan sawi leh duh chu kan member zahawm tak Pu Lalhmingshanga rawn sawi ah khan, hei kan han lakna ah hian micro-economic overdue kan han neih ah hian primary sector leh secondary sector leh tertiary sector ah hian kan pawisa allot dan pawh hi a tlem mah mah lo maw henga kan chaklohna te en hian an ti a, a dik khawp a. Heta kan primary sector a Agriculture a kan han sawi ah khan Crore chuti zat dah a ni e kan tih khan Agriculture sector-ah te pawh khan kan sawi tel loh chu Irrigation te pawh a hranpa khan a awm vek a ni.

Chuvangin Irrigation a tam deuh kan dah te pawh kha kan la chhut tel lova. Chuvangin hetah kan budget buah han en ila, khang zawng zawng sector kha a tir ber ah a in ziaa a. Social Service tih te, khang kan han en khan Agriculture and Allied te kha han en ila rin aiin a tam khawp mai a, a total-a kan han tih ngat ah pheh chuan, Pu Speaker, khami pheh ngana G-tih in ziaa te pawh khan Economic Service tih hnuai Agriculture & Allied Services ah ringawt pawh khan a Crore khan Crore 141 lai a awm nghe nghe a. Kha kha chu a zuk dahkhawm dan a zir a nianga. Heta kan Speech a kan han tihah khan a hrang leh zual deuh hleka kan then avang khan, Irrigation te kha tam deuh awmna ah khan kan dah tello a ni. Chuvangin Primary Sector a kan dah a kha dahkhawm chuan a tam khawp mai.

Tin, a pahniha Secondary Sector ah khan kan Industry leh thil dangah hian kan va chau ve mawle kan tia, a dik chiaa. Mizoram chuan Industry leh thil dang hi naupang pianghlim ang lek kan la ni a, engmah a la thawk chhuak zo lo. Tertiary Sector a pathumna ah khan tuna kan lakluh tamna ber chu a ni a. Sorkar hnathawk te, kan Contractor te Supply te, khata tanga kan income hmuh a kha a tam a ni. Chung zawng zawng chu anih avangin heng hi hre rengin keini pawhin a kalpui dan kan lo ti a. Tin, kan member zahawm tak tena an han sawi ang khan enge ni kan Chief Minister pawh hian vision a neih a, khang zawng zawng te kha a sawi a, ava thleng har si ve tih kan member zahawm tak Pu Duhoma han sawi a te pawh kha a dik khawp e, a dikna chen a

awm. Amaherawhchu, mahni ringawt chuan kan kal thei lo reng reng a ni, State chauh chu Central-ina kan project a kha min puih loh chuan kan kal thei lo a ni. Tunah hian naupang kan inchungah an awm ta a, Chhungkua kan awm a. Pa leh Nu te, unau puitling te kan awm a. Mi pakhat Mipa naupang emaw hmeichhe naupang emaw kan expect-na ah khan, hei hi kan pe ache, Rs. 5 kan pe a che. Hei hi tive turin tih kan beiseina ah khan amah a inenkawl tura a lo puitlin a puih ngai lova a awm theihna tur beisei chungin facilities hran ka pe a, pawisa ka pe a ni. Chumi anga a kal loh dawn a thil dang mai mai a a hman chuan kan hau thin a ni.

Mahse a puitlinna tur lehkhabu leinante, lehkha zirnante a hriselna in a mamawh lei nante a hman chuan kan lawmpui thin a ni. Chutiang chiah chuan keini pawh kan mamawh chu tunah hian economic development-ah Central-a hotute hnenah pawh hian ka sawi thin a. Centrally Sponsored Scheme tam tak guidelines nen min rawn pe a, chi hrang tam lutuk min rawn pe a. Nimahse kan ramah a hman theih silova chutih lai chuan hman in awih silova. Hei ai chuan min rawn puihna zawng zawng hi Rs.100/- ni ta sela, Rs.100/- nilovin in duh ang ang a inhman turin Rs.75/- kan rawn pe zawk ang che u min ti ula, kan ram tan chuan kan hlawkpui daih zawk ang. Chutilo chuan in guidelines, IWDP-a in guidelines leh thil dang .zawng zawng, zawm loh dawn chuan min hau si kan pe lo ang che u in ti si. Zawm dawnin a tih tak tak theih si loh. MWS (Million Well scheme) in han ti a. Tlang chhipah khawi lai tui chhunchhuah mah kan ti thei lo.

Mahse pawisa kan it ve si a. A ngaihbel theih a ni lawmni tih nen kan kal a. chuvangin flexibility nei ula kan ti a. Chuvangin hetah kan Haryali a ni emaw IWDP a ni emaw, kan ram in a mamawh ang mila original guidelines tlansan lutuk lova kan kalpui theih chuan flexibility min pe rawh u kan ti a. Chu chu North East zawng zawng leh state tlangram te in kan nawr a ni a. A zia pawh an zia awm sawt khawp mai. Chuvangin tunah pawh hian sorkar tir kan nih khan Agriculture ah khan land development-ah kan leillette nawr zawh theihna tur kum khat emaw min han pe tan a. Kan lawm a bul kan han tan chiah a, a fuh dawn e kan ti a. Tichuan khuta miten idea an thlak a, an titawp leh ta si a sum kan nei leh ta si lova, a reh leh ta vang vang mai a. Chuvangin bawng leh lawi chhawr chung a kha civilization kan um kha chuan kan ram engtikawng mahin kan changkang dawnlo mechanise a ngai ani kan ti a nikum atang khan an rawn phal leh ta a, a nawr zawlna tur sum kan ngah leh ta a. Chutiang chiah chuan kan kal chak a chuvangin khulam ami diktak chuan chhungkua a nu leh pa engkim min contvd-tu an ni si a, keini state te tak te chu naupang ang kan ni a kan mamawh zawnga min cooperate a an rawn tih loh chuan kan che thei biklo reng reng. Kan vision kha a fail reng ringawt mai a ni.

Chuvangin tun tumah pawh hmanni ah Jairam Ramesh Commerce Minister of State khan in bamboo chip kha ngatinge agreement

in va sign har ve a ti a. Engatinge kan lakkhawm tur kawng project kan rawn tih kum 6 chhung min block a chumi chhungin rawn ti rawh u in ti chiah a kan ram a ro hman vek in tlai lutuk ka ti ani. Chutiang chiah chuan tunah pawh nichina. kan member zahawm tak Pu Lalduhoma'n an sawi te kha kan bamboo road kha kum 5 hmalam atang khan lo tlang vervur se kan mau tam ro zawng zawng hi lakkhawm ila, han hralh hman ila engzat nge thleng ang

PU R. LALZIRLIANA : Pu Speaker, Road tha bamboo lak chhuahna tur nilovin, a chinna chauh kha ani si a hei kan MLA zahawm tak Pu Liansuam ho ngei hian Sairang leh Kawnpui inkar ami kha kan zuk en a. Khalai kha bamboo road kha ani miah lova, a awmlohna lai in lo laih vang kha a ni zawk e.

PU ZORAMTHANGA CHIEF MINISTER : Pu Speaker, a hmingah bamboo road kan ti mai a anihna tak ah chuan economic road ania.

PU R. LALZIRLIANA : Pu Speaker, a bamboo awmna a kha chhun lovin lai heklo che u mawle. Khangte chu engtingge a ro zawh loh teh reng ang. Engtingge in lak chhuah ang. Ropeway pakhat ringawt khan a tih theih reng reng hleih nem.

PU LALRINLIANA SAILO : Pu Speaker, kan Chief Minister khan min sawifiah sak lawk se ka duh chu BDA - Bamboo Development Agency ah hian kumli chhungin hmanni ah RTI hmangin ka la chhuak a nuai 1572 chuang kha hemi kan state pawisa nilo hi Industry khuan a hmang a. Tichuan, hemi Agriculture ah pawh tuna a sawi lai chiah khanin nuai 6920 leh tih kha kumtin cheng nuai 1000 chuang a rawn kal a ni a. Min tih tawp sak leh i ti bawk si a, khatiang khan emni i sawi mam leh mai mai dawn.

S P E A K E R : Helam atanga tih mam chang te pawh hi a ngai ve bawk ania.

**PU ZORAMTHANGA
CHIEF MINISTER** : Pu Speaker Bamboo Road tih kha a hming an hriathiam theih nan kan ti a, a nihna takah chuan lui ruam ah hian kawng laihchhuah a, chu chu a term ah pawh evaquation an ti a ni. Chu chu a lakchhuahna, tin, chu mi bula plantation nen Bamboo Road kan ti tak na a, thil engkim, economic Road a ni tih kha kan hrilh dan pawh a ni a. Chumi a min rawn sanction chiah chu Crore 10 chuang deuh hlek kha khumi Lengpui Airport atanga Hortoki chhun tur min rawn pe a. Chu chu a tum bungin, a tha ania rawn ti rawh u kan ti a, a tawp leh ta vang vang mai a DONER ah kan su chhuak zo ta lova, a tawp tawp ah kuminah hian Crore 60 chuang Tuirial atanga Bukpui an rawn ti a, hei kan lai tan dawn a an rawn ti a, an rawn sanction meuh chuan a lo ro hman leh vek tawh a. Chu chiah chu Delhi lampang pawh kan nawrna a nia. Plan discussion ah pawh chu chu kan ankhum ve na a ni. 'Delhi zirtirtute kan zirtir chhung che u hian khua a tlai hman a ni,' ka tihna pawh. Anni pawhin, 'a dik e,' an ti, 'in tlai lutuk vek a,' kan ti a, 'a nih leh,' an ti a min rawn pe a, laih kan tan dawn a ni. Chuvangin kan forecast kan sawi zawng zawng hi heta nu leh pa chan changina min Cooperate loh chuan keini naupang cheng sawm min pek khan helaiah kan invawrh sang thut theilo reng reng tih kha ka'n sawi duh a ni a.

PU LALDUHOMA : Pu Speaker, kha Bamboo Road kha a hun ah min lo pe ta sela Mizoram hi India rama state zawng zawng a hausa ber kumnga chhung a nih theih a inring tak tak em? Hei a bu in kan nei a, Vision statement hi, State-a income nei tha ber nihte leh hausa ber nih te hi Bamboo Road avang ringawt khan a nih theih dawn emaw ni le? Statement te hi tunhnu ah fimkhur deuh hleka sawi thin a tha tawh lo maw?

**PU ZORAMTHANGA
CHIEF MINISTER** : Pu Speaker, kumnga chhungin kan ni em em em ang min pe sela chu. A chhan chu tunah ringawt pawh India ram per Capita income ah heti khawpa kan rethei chung hian 8-na kan ni, 8-na kan ni a kan kar a hla vak lo a ni. A chhan chu lui dung ruam zawng zawng hi kan Bamboo Road khan kaltlang sela tuna kan harvest

ringawt pawh pakhat ringawta awm pawh nuai te kan lalut anih kha. Chuvangin hei chu Prime Minister hnenah pawh ka challenge a, Deputy Chairman, Planning Commission hnenah pawh, “kan economioc road hi min siamthat sak ula, a plantation leh thildang chu thuhran a ni. Tuna awmsa harvest tur ringawt pawh a tam lutuk. Chuvangin, Sq. Km. 21000 chuang kan nei a, chhungkaw nuaihnh pawh kan tlinglo Ram hian a mipui letli min chawm zo a ni. Chuvangin hemi hi min facility ula chuan a awmsa ringawt pawhin khitah kan kal thei,” kan ti a tunah pawh ka la ring chiah a ni. Amaherawhchu, Km. 20 (Sawmhnh) pawh tlinglo, Hortoki leh Airport Lengpui inkar tawite chiah min siam sak a, Chhunzawm rawh u kan ti a, hawn tir kan tum pawhin an tawp vang vang a. Minister pawh beih puiin N.E. in kan beih phah anih kha. Chuvangin, a tawp vek a, tih ngaihna a awm lo. Minute 5-ah chuan ka zo vek tawh ang. Member zahawmtak ten hriat belh an lo duh si alawm mawle.

PU R. LALZIRLIANA

: Pu Speaker, Kei chu ka hre lova budget hi ka hriatlohna kha hria anga ka awm chuan ka hriatbelh dawn si lova. Nichina min Clarify se tih ka duh kan Finance

Minister zahawm takin min clarify se tih ka duh kha kumina kan pawisa hman budget estimate zawng zawng leh Supplementary demand—a lo lang belhkhawm a kha helai R.E. a lo lang nen hian a dang ta daih mai a. Khalai kha engnge a awmzia. Hemi annual financial Statement phek 14-na a hnuailam Column 3-na ah khanin lakh 242063 a lo ni a.

Helai Supplementary demand-ah leh B.E.-a kumina kan pawisa hman zawng zawng kha Cheng nuai 2558 leh 39000 kha kha a ni si a. Khalai kha a in anglo ta daih mai a, engnge a awmzia? Kumina kan pawisa hman zawng zawng kha a nilo tihna em ni? Helai B.E. ami zawng zawng leh Supplementary demand a lo lang belhkhawm kha kumina kan pawisa hman hi a nilo em ni? (**CHIEF MINISTER** : Ni e.) A nih si chuan hemi revise estimate Annual Financial Statement 14-na Column 3-na lo lang. (**CHIEF MINISTER** : 14-I tih chu phek i tihna em ni?) Aw, phek 14-na khalai ah khanin Column 3-naa lo lang kha nuaih 24263 tih lo lang ta si a kha a tam lam kha engnge lo ni ta? Helai hianin a danglamna a inthlahna kha cheng nuaih 13776 lai kha a lo ni ta si a, helai hi (interruption)

**PU ZORAMTHANGA
CHIEF MINISTER**

: Pu Speaker, A dang lam i tih kha total consolidated Fund of the State tih 242063 leh a piah a mi 2252 i tih kha em ni i sawi? A inang lo i tih kha?

PU R. LALZIRLIANA : Pu Speaker, Kha kha chu hemi kan financial statement-a lo lang revise estimate-ah Budget estimate leh supplementary Demand-a pawisa zawng zawng kha, kumin 2006-2007 chhunga kan hman hi a ni em? A nih si chuan in ang awm tak a ni a. A inang thei si lova, chu chu engnge a awm zia?

**PU ZORAMTHANGA
CHIEF MINISTER** : Pu Speaker, Kha kha a net leh gross a awm a maw, chuan Stock recoveries-te pawh kha han belh thlak leh a ngai ta a. A hnuaiah khan a gross-ah kha chuan a disbursement-ah kha chuan 251123 a ni ta a. Nichina heta i sawiah kha chuan 242063-ah khan stock recoveries kan add-na tura kha 9060-a kha belh loh ang a la ni a. Net leh Grosste kha a inang lova maw, chu chu a ni mai thei. Eng pawh nise chulai question-a chu ka rawn enchiang anga tuna han zawn kualah han tih tur chuan a rei lutuk ang a. A net leh grosste kha hetah kan recoverieste kha kan add kan tih kha. Eng pawh nise Pu Speaker, hun ka hmang rei lutuk ang a, tuna kan han tum ber chu he kan budget pawh hian kan tuma chu, ram hi ti changkang, develop tur chuan min Centuries an duh lain keini in Kum 5/10 ah wawi leh khat ah kan zuanpui theilo a. Chutih lain kan State in kan mamawh kha Delhi lamin min appreciate a min rawn puih loh chuan mahni ringawt in kan kal thei bawh si lova. Kan Member zahawm tak te tih ang khan kan beisei ang thleng lo khan dawt kan sawi kan sawi thei a ni. Chu chu a nih avangin hemi ah hian min pui rawh u kan tih nalaiah pawh khan kan kal thui tawh hle in kan hria a. Chuvangin pakhat ah production helaiah mipui ten sapthei te an ching tur a ni a. Sapthei an china tur kan buaipui a chumi rual chuan hetah link road an rawn harvest-na tur kawng a ngai a, chumi rual chuan a industries kan lo siam bawh a hei tunah chuan kan zia awm tawh viaua, a market pawh a harsa lovanga.

Tin, bamboo ah pawh chutiang bawkin a dangah pawh ti hian kan han kal chho a engpawh nise development hi khang zawng zawng a in hnawh khawm na tur chuan a infrastructure a ruangam kan phan chhuah phawt loh chuan mipui hnen wawi lehkhat ah han thleng mahse sapthei thar tawh mahse mai thar teuh mahse thil dang thar teuh mahse a lak khawm na leh a hralh na leh a process na kha kan ready hman loh chuan motor chil chhiat tir mai mai a thlen theih avangin kha ti pathum kha Coordinate-a tul avangin chung zawng zawng target-in hetah hian tunah chuan a infrastructure ah pawh khan kan hmang tam a mipui hnena thleng tur chi nen in proportion in kan dah a ni. Chuvangin Mizoram Prospect ropui tak awm nichina ka sawi ang khan awlsam taka han sawi theih chu Sq Km. 21000 chuang kan nei a. Mihring maktaduai pawh kan tling tawk tawh chauh a, mi ram ngaihtuah chuan a mipui pawh a let thum min chawm thei ram tha tak kan nei a ni. Chumi zuk utilized tur chuan Infrastructure-ah production

- process - marketing khami pathum infrastructure han bun na laiah khan kan bun chak tur ang a kan bun theih nan Central min pui rawh u kan ti a min pui tha a. PMGSY-ah a tha mahse Economic road lamah khan hei tunah chuan an beng kan zuk chhu ngawng tawh hialin kan hria a. A bul an awm tan tawh bawk a. Tun aia chak leh zualin, mipui te hnen a chak leh zual a thleng turin kan Economy hi a kal chho a, Mizoram hi tunah pawh heti chung a kan ang vak vak chung pawhin India ram Per Capita income ah 9-na kan ni thei a. Hei hi nasa leh zual a akal chuan, hei aia sang ah pawh khan kan kal chhoh thuai theih kan beisei.

Chuvangin kan Member ten a an han sawi kha ngawi rawh u, hei hi a ni hran lo a ni tih pawh kha thakhawpin ka hria. Keini pawh kan lo in enfiah nan te kan utilize na hi daihzai /thianghlim leh zual a Sorkar a kal theih nan ti a. Khatiang a study kan nei pawh kha a lawmawm hle a ni. Kan Sorkar pawh tun ai a efficient leh zual a kan kal a, kan opposition te Co-operation nen, heng hi chu kan vai atan vek anih avangin Mizoram hi entawntlak ah reilote ah economically in kan siam theih ka beisei a ni e. Chumi ang chuan he kan budget hi kan theih ang tawkin kan buatsaih in, fello lai tam tak a awm ang, kan zir chawp chho zel a ni a, kan Member-te sawi chi hrang hrang te kan lo note-a, a lawmawm kan ti tih kha ka sawi duh a ni e. Ka lawm e.

S P E A K E R

: Tikhan vawiin kan rorel chu kan zo ta. Kan tawp rih anga naktuk March 21 nilai ni zing dar 10 :30 AM. ah kan thukhawm leh ang.

Sitting Adjourned 4:10 PM.

...322/-